

AZARBEYCANI

CUMHURİYETİ

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DK
511
A98R4

Resulzade, Mehmet Emin
Azerbaycan Cumhuriyeti

(65)

۱ مای آذربایجان نثریاتی : صای

آذربایجان جمهوری

کیفیت نثری و نثری کی وضعیتی



Azerbaijan
Cumhuriyeti

F

مجموعه نثری :

رسول زاده محمد امین

سایر آذربایجان شورای ملی

انستیتوت

DK

511

A98 R4

بر مطالعه



عزیزم ، امین آرقاداش ! « آذربایجان جمهوری » عنوانیله وجوده کتیردیککنز اثر حقنده فکر و مطالعه می صوربورسکنز ... جهان حربنه قدر آذربایجانک حیات حرثیه و اجتماعیه سنی یاقیندن ، اوزاقدن آز چوق تعقیب ایده بیلمشدم ، فقط حرب باشلادقدن سوکره بوکا لایق وجهله دوام بالطبع ممکن اولمادی . ایکی قارداش تورک شهری اولان استانبولله باکو وعلی العموم تورکیا ایله آذربایجان آرهسنده سوق حادثات ایله پیدا اولان فالین سیس پرده سی برشی کورمکه ، ایشیتمکه ، طویغه مانع اولدی . بوکون پرده یواواش یواواش قالیقور ، سزده بو پرده یی قالدیرانلردن بری اولیورسکنز . حقیقت یکدیگره معارض طرفلری دیکله مکله میدانه چیقاریله بیلیر . اوتهدن بری حکملری ویرمک ایچون « *Andiatur et altera pars* » یعنی « دیکر طرفلرده دیکله-نملی » قاعده سنه رعایتی کندیمه برووظیفه اتخاذاش اولدیغمدن اثرکنز حقنده آنجق بونقطه نظر دن بیان مطالعه ایده بیلیرم : سز آذربایجانک اک بحرانلی زمانلرنده فعال بر مجاهد صفتیله چالیشدیکنز ، بر چوق مهم وقایع و حادثاتی رأی العین یاقیندن کوردیکنز ، مختلف جریانلرک ایچنده بولندیکنز و سرگذشتلرله مالی برحیات یاشادیکنز ! .. و ذاتاً موجود و مسلم اولان علم و عرفانکنزه البته پک چوق قیمتدار و مفید مشاهدات و معلومات علاوه ایتدیکنز و شهبه سز بونلری اثرکنزده قید و تثبیته چالشدیکنز . لکن سز آذربایجانده بر طرفی ، بر فرقه یی ، بر فرقه سیاسییه یی تمثیل ایدیورسکنز : آرزوکنزه رغماً نه درجه بیطرف قاله یایرسکنز ، بونی شیمدیکی حالده تعیین دن عاجزم ... مع مافیله شهبه یوقدرکه اثرکنز بر بوشلخی دولدریور : تورکیا نشریاتنک اک بیوک قصورلرندن بری قومشو مملکتلر ، علی الخصوص همجوار تورک اولکلری حقنده صدره شفا و یره جک کافی معلوماتی احتوا ایتمه سیدر . بوجهته اثرکنز ، حادثاتی ولو

مقام خلافتی حائز بولنان تورکیه عالم اسلامک اتحاد مرکزیدر .
حاکمیت ملیه اساسیله قورولان یکی تورکیه تورک اقوامنک امید
نقطه سیدر . ملی مفکوره نك شانلی ظفرینی تمثیل ایدن بیوک تورکیه
شرق ملتیرینک امل مشعلیدر .

اودت! تورکیه ایله شرق، اسلام وبالخاصه تورک علمی آراسنده
موجود رابطه حسیه اثباته محتاج بر قضیه دکدر . فقط بورابطه نك
علمی بر تعارف اوزرینه مستند اولدینی مع التأسف اثباته پک محتاجدر .
عصر حاضرک واسطه تعارفی، معلوم که ، مطبوعا در . شرق
مطبوعاته مراجعت ایدرسه ک شرقیلری یکدیگرینه طایناجق منبع
تعارف قاچ کتاب بولورز؟! . . .

حالبوکه اوروپاده « شرقیات » بللی باشلی بر علمدر . بوراده
حیاتی شرقه حصر ایتش عالم لره برابر شرقه عاقد نه قدر کتابلر ،
نه قدر مجموعه لر بولورسکز! بوراده مسائل شرقیه ایله متوغل مؤسسات
یا لکسر لسانیات ، عتیقیات ، تاریخ و ادبیات کبی مباحث علمیه
ایله مشغول اولمایوب ، شرقده کذران ایدن سیاسی ، اجتماعی ،
اقتصادی وقایع و جریا زلری دخی کونی کوننه تعقیب و مملکة لرینی
دائما تنویر ایدرلر .

بز شرقیلرک بوبابده کی معلوما تمزایسه قریق دو کوك غزته حوادتی
ایله مترجم مقاله لره انحصار ایدیور . بز بیلورز که افغانستان اعلان
استقلال ایله مش ؛ آذربایجان جمهوریتی تأسس ایتش ؛ ایران اجنبی
عسکرلرندن تمیزلنش ؛ عراق ، حجاز و فلسطین ماندا تحتہ آلتش ؛
هندستانده بر حرکت ملیه وارمش ؛ مصر دعوا ی استقلال ایدیورمش .
ایشته بو قدر . بوندن فضله معلومات ایدنمک ایچون جدی بر مرجع

وکنیش معلوماتی حائز بر منبع آراسه ق تک بر کتابه دسترس اولاجغمز
پک مستحیلدر .

بو حال ، « تعارفی » اشکال ای دن ال بیوک نقصانلردندر . بو
نقصانک بوتون شرق ملتیرینه نه درجه اسناد ایلدیکی جساتله ادا
ایده بیلمزسه کده اسلام عالنه عائد اولان قسمنده اصرار ایده بیلیرز .
بو نقصان بالخاصه عالم اسلامک مرکزی وتورک اقوامنک امیدکاهی
بولنان تورکیه ده پک مؤثردر .

مثلا ؛ موضوعم آذربایجان مسئله سنی آلام : تماس ایتدی کمز
اشخاصدن بومسئله نک تورکیه افکار عمومیه سنجه نه درجه ده محتاج
تنویر اولدیغنی او کړندک . مثلا ملی آذربایجان ایله شمدیکی آذربایجان
آراسنده کی فرقی بر چوقلری ادراک ایده میورلر . آذربایجانک مستقل
ایکن کیت کیده بوتون حقوقنک روسیه نه دن ترک ایلدیکی ،
آذربایجانلرک بوکا نه ایچون راضی اولدقلرینی صورانلره راست کلدک .
بولشه ویکلرک آذربایجانه ملت طرفدن چاغرلمش اولدقلرینه اینانلر
وار . بولشه ویکلره قارشى چیقاریلان عصیانلر ناصل آکلاشلمش ،
ناصل تلقی ایدلمش؟! .. بوده پک فجیع برحکایه . بولشه ویک اداره سنده
بولنان آذربایجانى مسعود کورنلرده یوق دکل . خلاصه جهلدن متولد برچوق
سوء تفهملر ، یا کلش تصورلر وبوندن دوغان اغبرارکه ایکی قارده ش
ملت آراسنده آرزو اولونمایان انفعال و طارغینانی موجب اولیور .

بز کندی حسابمزه « ملی آذربایجان نشریاتی » عنوان عمومیه سی
ایله نشر ایده جکمز بر سلسله رسائل ایله آذربایجان احوالنه عائد
موضوعلری تنویر ایتک صورتیه بو باده کی تعارف نقصانی آزالتمیه
سعی ایده جکوز .

آذربایجان جمهوریتی عالم اسلامده تشکل ایدن ایلك جمهوریتدر.
بو جمهوریت عینی زمانده برتورک حکومتیدر؛ تعیر دیکرله، کوچوک
تورکیه در .

کوچوک تورکیه خلقی ایله بویوک تورکیه خلقی آراسنده کی مناسبات
ایکی قارداش مناسباتی قدر صمیمانه در. بوصیمیتک الجانلی دلیلی «سهور»
معاهده سنک حکم اعدامی آلتنده مضطر ایکن بيله تورکیه افکارعمو-
میه سی آذربایجان استقلالنک ائتلاف دولترنجه تصدیقنی کندی مسرتی کبی
تسعید ایله مه سی ایدی؛ نته کیم آذربایجان خلقی دخی بولشه ویک استیلاسی
آلتنده اینله مکده ایکن تورکیه نک معجزه ظفرینی بنسه مکله سویمشدر.
کچیردیکمز بو استحاله کونلرنده عثمانلی ایمپراطورلغنک عنصر
اصلیسنی تشکیل ایدن آناتولی تورکلسکی یکی بر حکومت ملیه تأسیس
ایدیور . بو حکومتک خارجی سیاستی، شرقرده کی وظیفه سنی حسن
ایفا ایتمک ایسترسه ، قناعت عاجزانه مزجه آذربایجان جمهوریتنک
مقدراتنه لاقید قالماسی ایجاب ایدر . بونقطه نظر دن آذربایجان
مسئله سی تورکیه ایچون جدی دوشونوله جک بر مسئله در .


بر مسئله نی جدی دوشونمک اومسئله نی ایجه تدقیق ایتمک واو کره نمکله
قابل اولور . آرتق بین الملل برشکلای حائر اولان آذربایجان مسئله سی
عین زمانده تورکیه ایچون اهمیت حیاتی نی حائر قافقاسیا مسئله سنک ده
بر جزئیدر . حالبوکه بومسئله ده دخی تورکیه نقطه نظر دن محتاج تنویر
برچوق جهت لر واردر .

بزبو خصوصده کی نشریاتمزه ابتدا « آذربایجان جمهوریتنک تشکلی
وشیمدیکی وضعیتی » نی ایضاحله باشلامه نی مرجح بولدق . حرب واختلال
کونلرنده جریان ایدن قاچ سنه لک وقوعات ایله ، بو وقوعاته تقدم

ايدن ادبي وحرثي حادثه لري بروجہ اختصار تلخيص ايتك صورتياہ
ذات مسأله حقدہ عمومی برفكر ويرمك جهتي دوشونديك .
وقايع وحادثاتي نقل ايدرکن واقعه لرك شخصلرندن زياده حادثه لرك
سبيلرينه اهميت ويردك .

ايلريده - توفيق اولورسه - دوام ايتديره جكمز نشریاتك بر
مقدمه سنی تشكيل ايدن بورساله مزله محترم توركيه قارئلرندہ
آذربايجن مسأله سی اوزرينه جدی بر توجه نظر جلبنه موفق اولورسه ق
وظیفه مزی كورمش عد ايدرز .

نتیجه ده؛ یازیلر مزده استانبول شیوه ادبیسندن تباعد کورولورسه،
آذری اولدیغمز حسیله، محترم قارئلر مزدن قصوره باقاملرینی
رجا ایلرز .



آذربایجان خلقی



حرب عمومیدن اولکی رسمی جغرافیایه کوره آذربایجان، شمالی ایرانده واقع تبریز ایله حوالیسنه دینلیردی . حربدن وبویوک روسیه اختلالندن صوکره دیلدرده طولاشان آذربایجان ، سالف الذکر آذربایجانک شمالنده جنوب شرقی قافقاسیا قطعهسندن عبارتدرکه مرکزی باکودر .

آذربایجانلیر ملیت اعتباریله تورک ، دین اعتباریله اسلام ، مدنیت اساسیه اعتباریله شرقیلدرلر .

کندی لهجه مخصوصه سی ایله آناتولی تورکجهسنه یاقین برشیوه ایله قونوشان آذربایجان تورکی، مختلف شیوهلره مالک واولدینی یرلره نسبتله مختلف اسملر طاشیان بیوک تورک آغاجک بردالیدر .

آذری تورکلرک حال حاضرده اوطوردقلری یرلر من القدیم تورک خلقی ایله مسکون ایدی . کرک باکو ، کنجه ، شاخی ، ایروان ایله تبریز ، مراغه ، اردبیل وسائر کبی ولایتلر و کرک مغان ، آران ، قاراباغ وقاراداغ کبی مملکتلر دائما تورک ایلنک اوطوراغی وتورک خاذلرنک اولاغی اولمشدر . بویرلر کندیلرنده برچوق تورک سلاله لرینک ایریلی ، اوقاقلی حکومتلر قوردقلرینی وییلرله سلطنت سوردکلرینی کورمشلردر .

« آیل » [۱] نهرینک « قوزغون دکز » [۲] دو کولدیکی یرنده بیوک برسلطنت قوران خزر تورکلری میلادی ۷۰۰ سنلرنده قالمق صحراسی وقومق ساحلی ایله آشاغییه دوغرو اینمش ، مغان چولنه یایلمشلردر . دها صوکرده اولاری دیگر تورک آقیزلری تعقیب ایله مش ، بیوک جنکیز ایله تیمورک جنکاور کوجهلری کور نهری بوی ایله آرس نهری حوضه لرینی ، جیحون ایله سیحونه مائل بولده لردن ، کندیلرینه اوطوراق ایتمشلردر . سلجوقیلر زماننده بورالر ، آرتق قطعی بر صورتده تورک مملکتی حالنه قویلمشدر .

سلجوقیلردن صوکرده بواراحی االدن آله کچمش ، مختلف حکمدار ساله لری اداره سنده قالمشدر . فقط یکدیگری تعاقب ایدن بوسالهلر دخی اکثریا تورک اولوب ، بیوکلری منقرض اولدوقده یرلرینی ، کوچنده اولسه لر ، ینه برر تورک خانلغنه ترک ایتمشلردر . بونلردن آذربایجان آتابکلری نامیله اعلان استقلال ایدن شمس الدین ایلبدیگز ساله سی ۸۰ سنه حکومت سورمشدر . بووقعه استقلال ۵۴۱ سنه سنده کنجهده اعلان اولمشدر . بوندن باشقه قره قویونلو و آق قویونلو تورکمن ساله لری دخی بوراده حکومت ایتشلردر .

بوندن یوز سنه مقدم روسیه چاریزمی طرفندن استقلال و موجودیتلرینه ختمه و یریلدن دربند ، قوبا ، لنگران ، شکی ، شیروان ،

[۱] وواغانهرینک تاتارجه اسمی . بواسمک آتاییلی اسمندن مخفف اولدیغی ملحوظدر .

[۲] اسمنک . بندولیتله مشهور بحر خزرک براسمیده (قوزغون دکز) در .

باکو ، قره‌باغ ، کنجه ، ایروان و نخجوان خانلری دخی آذربایجانلی تورک حکمدارلری ایدی .

تورکلرک بوراده کی حکمرانقلری هندستان ، عربستان ، ایران و مصرده اولدینی کبی باشقه جنسدن برخلقه عسکری برصنّف اولارق حکومت سورمکدن عبارت اولماشدر . عثمانیلردن باشقه اکثر تورک کوچبهرلی حکومت ایتدکلری خلقه تمثّل ایتمشکن ، آذربایجان تورکلری - کتله اعتباریله - ملیتک رکن مهمنی تشکیل ایدن لسانلرینی حالیه ایقا ایتشلردر .


۱۸۰۸ سنه سی ایله ۱۸۲۸ سنه لری آراسنده ، باشده قهرمان ملی جوادخانک [۱] داستانی برمدافعه سی اولمق اوزرده ، مختلف صحیفه لره کیردن مجادله و محاربه سی نتیجه سنده آذربایجان خانقلری - کندی بنلکلرینی حقیقه درک ایتمه دن ، کندیسنی ادراک ایتمش ملی برسیما کوستر مه دن ، تمامیه ایران حرث و نفوذ معنویسی آلتنده ایکن - موقعلرینی معاصر بر اوردو ایله کلن روسک قوت بازوسنه ترک و قضایه تسلیم اولیور لرسه ده ، خلق کندینه مخصوص ادبیاتی ، شاعرلری ، عاشق و درویشلری ایله حزن و مسرتی کندی لسانی ایله ترنم ایدیور و کندی ادراکی ایله بر وجود اولدیغنی سز دیر ییوردی .

اودت ! رحله سی اوستندن اینمه یں فضولیسى ، کور اوغلو ایله باغری یانیق کر مه آغلایان عاشقلری ، بو عاشقلرک یورک داغلیان

[۱] جواد خان کنجه یی کنناز چیچیانوفه قارشی مدافعه ایدن قهرمان در . بو قهرمان کندیسنه دفعه لره تکرار اولونان تسلیم تکلیفنی کال جسارتله رد ایدرک صوک نفسنه قدر مدافعه ایله مش و قلعه طویپ اوزرینه اوطوردیغنی حالده پارچه پارچه ایدیلنجه یه قدر دشمنله اوروشمشدر .

سازلىرى ايله چوبانلارنىڭ روحو سىنەن تور كولى ، چوقۇقلارنىڭ سود
سوداوقودقلىرى مانىلارى ، آنالارنىڭ ياۋرولرىنى اويوتوركن چاغىردقلىرى
نېتىرى - خواصنىڭ دوشونجھسىلە - كىندىسىنى ايرانلى بىلەن بوخاقتا
مدەش برضالاتدە اولدىغى كوستىيور :

— خاير ، دكل ، سن تور كىسك ! — دىوردى .



ادبی و ملی انتباه



بوتورکلر آذربایجانلی ایکی یه بولن ارس نهرینک ایکی طرفده ساکن اولوب و قسماً ایرانه شوویا بوضورتله باغلی نیم مستقل برحالدہ یاشادقاری زمان محکوم برملت دکل ، حاکم اولارق یاشایورلردی . چونکه عصرلردن بری ایرانک حاکم صنفی تورکلر تشکیل ایدیوردی .

آذربایجان خلقی ادارهجه کوردیکی آغرافی باشقلرندن دکل ، اوز جنسندن کوردیکی ایچون حقیق محکومیتنی ، معنویاتجه باشقله بر حرثک محکومی اولدیغنی ، درک ایتیهوردی . او، کیت کیده فارسلاشیوردی . خواص؛ تحصیلنی فارسجه، کوریور، فارس تربیهسی آلیور، بر فارس کبی دوشونیور و کندیسنگ دوغرودن دوغری یه ایرانلی اولدیغنه قانع اولیوردی . خلقک حل و عقیدنی آئنده بولندیران بو خواص کبی ، معنویاتنه حاکم اولان علما صنفی دخی عین رووحده ، عینی تربیهده وعینی ذهنیتده ایدی .


فارس ادبیاتنه نظر امیلر ، خاقانیلر ، مهستیملر کبی استادلر یخش ایدن بو طوب اراقده یتیشن آذربایجان خواصی، پک طبیعی ایدی که بر زمان سلیمان قانونینک بیله آزقاله قبول ایلدیکی سعدی لسانی

قارشيسنده اريوب كنديلكندن كچمش ، تورك ايله توركجه خور باقشاردى .

يرانك او پارلاق وجهانها ادبياتي و او ادبيات سايه سنده تربيت بولان قوتلى معنوياتي قارشوسنده تسليم اولوبده تمثل ايدن تورك خواصنك بالطبع عوام اوزرينده بيوك تاثيرى اولاجقدى . هم اولمشدى . توركجه ، عوام و كويلو لساني عد اولنمش ، لسان رسمى وادبي اولمق اوزره فارسى تعميم ايله مش ، نتيجه ده تحف بر ملت وجوده كلشدى : ديلي باشقه ، يازيسى باشقه بر ملت !

ماوراى ارس آذربايجانى حالا بو حالده در . اوراده هر كس توركجه سويلر ، فقط ايش يازى به كلنجه فارسى كسيلر .

خواص ، دوشديكى بوياكلش كريبونك چيقماز بريول اولديغنى سزمديكى حالده ، عوام پكده لاقيد دكلدى : خلق غيرطبيعى اولان بو حاله عنصرى بر مقابله ياپيوردي . تورك خلقى خواصدن هيچ بر كيمسه نك اهميت ويرمديكى بو حاله ، كندى ملتندن اسقاط ايدلمه سنه ، قارشى قيام ايتمشدى . بو قيامك قهرمانلرى خلق حسيات شاعرانه سندن ملهم و بو حسياته ترجمان اولان عاشقلى ايدى . لادري مؤلفلرك ياراتديغى « كوراوغلو » ، « اصلى وكرم » ، « عاشق غريب » و سائر بوكي داستانلر ، يورهك ياقان عاشق سازلرينك روحواز آهنگلرى آلتنده آذربايجان تورك كتله سنك قلبه اويله سينيور ، اويله يرله شيوردى كه اونكله دكل فارسك « نوش آفريني » ، « فرهاد و شيريني » حتى فردوسى ايله حافظى بيله رقابت ايدمزدى . او ، اوز فردوسيسنى ، اوز حافظى ، اوز سعديسنى كندندن دوغما تورك شاعريني و روحندن خبر ورن . آذربايجان مغينسى آرايوردي .



باکوده ۴۰۰ سنهک قدیم بر تاریخک یادکاری بولنان خان سر ایندن برمدخل
 بوسرای. صنعتکار بروس معمارینک افاده سنجه «تجزا یتش-موسیق» در.
 خان سرایی نهسته تیک کوزلکندن باشقه تقنیک اعتبار یله ده تمایز ایدر. بر قاج
 زلزله چیرمش اولان بو بنا کیرچسز و چنتوسز پایلمشدر.

برکت ویرسین که خواصک هپسی کندیسندن یوز دوندرمه مشدی .
ایشته بو ، دوغدقلمی محیطه دهـا زیاده مربوط قالان آذربایجن
شاعرلمی ، خلقک ذوقنی تطمین ایچون تورکجه شعرلر یازمایه باشلادیلمر .
خلق ادبیاتی یاننده برده یازی ادبیاتی وجوده کلدی .

بو خصوصده یالکز آذربایجانک دکل ، بوتون تورکلکک داهی
شاعرلرندن ، آذربایجانلیلرجه ، ابوالشعرا کنیه سنی طشین فضولی
مرحومک درین بر نفوذی ، بیوک بر مرشدلکی واردر .

فضولی آذربایجانده هریردن زیاده معروف در . آذربایجانک اک
چوق اوقودینی واک چوق سودیکی شـعر فضولیدر . آذربایجن
شعری صوگ زمانلره قدر عادتاً فضولی بی تنظیرن عبارت ایدی . فضولی
دیوانی هریردن زیاده تبریزده باصلمشدر . حافظ دیوانی فارسرا ایچون
نه ایسه ، آذربایجان تورکلری ایچونده فضولی دیوانی اودر .

« اول سیدن فارسی لفظیله چوقدر نظم کیم
نظم نازک تورک لفظیله ایکن دشوار اولور .
بنده توفیق اولسه بودشواری آسان ایلم
نوبهار اولغچ دیکندن برک کل اظهار اولور »

دیه تورکجه یازمایه باشلایان فضولی ، زماننده تصور اولن
« دشواری » حقیقتاً آسان ایله مشدر . فضولی به بویه برعزم تلقین ایدن
زمانی عین زمانده معاصر ی بولنان ایران شاهی بیه تورکجه شعرلر
یازمایه سوق ایله مشدر . [۱] بو بیوک شاعر و داهینک موفقیتی ایله تورکجه
شعر یازمق « سهولتی » کشف ایدلدکن صوکره فضولی بی تنظیر
[۱] صفویلردن شاه اسماعیل تورکجه شعرلر یازار و خطائی نام مستعار یله
امضا ایدردی . خطائی دیوانی معروفدر .

و تقلید آیدنلر چوغالدی . آذربایجان تورک ادبیاتی مستقل بر
جریان آلدی .

بو ادبیاتک هانکی خصوصیت و موفقیتلرله ایلرله دیکنی ونه کبی
اثرلر وجوده کتیردیکنی کوترمک کندی باشنه مستقل بر موضوع
تشکیل ایدر . بوراده ایسه بز یالکز بو قدرینی سویله مک ایستز که
آذری ادبیاتنک تکاملی طبق فضولینک حیات ادیسنه بکزر .
فضولی ایلک اوکجه فارسجه یازمش ، سوکره تورکجه یه باشلامش ، تورکجه
یازارکن ده ابتدا آذربایجان شیوه سی ایله یازمش ، بغداد عثمانیلره
کچدکن سوکره فضولی لسانی کتدکجه عثمانیلاشمش ، شرق شیوه سندن
تبعاده غرب شیوه سنه یاقلاشمشدر .

آذربایجان ادبیاتی ده بویه در : آذربایجانلیلر ابتدا فارسجه ، یازمشلر ،
سوکره صرف آذربایجان شیوه محلیه سی ایله یازان فضولی مشرب
شاعرلری ایله قوجامان بر دور دوام ایله مشدر . بو دورده اول
قوسی ، نباتی ، سوکره واقف ، سید عظیم ، لعلی ، راجی کبی
شاعرلر یتمشدر . نهایت اوچنچی دور گلش : غرب حیات
و افکارینک تأثیرینه کیرن آذربایجان ادبیاتی عثمانی تورک ادبیاتندن
ملهم معاصر ادبی تورکجه ایله یازمایه باشلامشدر . بر طرفدن روس
ادبیاتی دیکر طرفدن ده عثمانی ادبیاتی تأثیرنده بولنن بو دورک
شاعرلری عبدالسلیم زاده محمد هادی ، صابر ، حسین جاوید ، احمد
جواد ، صحت ، مذهب و سائرلریدر .

شمالی آذربایجان ، روس تحت اداره سنه کچدکن سوکره سیاسی
حقوقنی کاملاً ایتیرمش ، محکومیتک آجیسنی تمامیه طامشدی . اولکی
زمانده او ، کوردیکی حرث محکومیتنی مشترک بر دین و مشترک مدنیت

تأییری ایله سز مه یوردی . چونکه او زمان مایتنی - سوزك بو کونکی
معناسیله - دها مدرك دکدی . کیتدکه فارسلاشان آذربایجان تورکی
بودفه روسلاشدرملق سیاسته معروض قالیوردی . طبیی ایدی که
بو حال خلقت حساس عصبلرینه طوقینور ، مدافعه نفس حسلرینی
دریندن غیجیقلیوردی . بونک ایچونده خلق کندیسنی دوشونمکه
مجبور ایدی .

چاریزم، آذربایجانی روسلاشدرمق ایچون ایکی جههدن کلیوردی:
بر طرفدن خلقت حسیات دینه سنی اداره ایدن علما و ملالری کندی
قوتورولنه تابع طوتیور، دیگر طرفدن ده ملی تربیه میدان ویرمه رک
خلقی روس مکتبلرنده (اشقول) او قومیه اجبار ایدیوردی .
برنجی مقصدک تأمین ایچون شیئی و سنی لره مخصوص اولق اوزره آیری
آیری ایکی اداره روحانیه تأسیس ایله مش ، بوتون ملا و افندیلری بو
اداره واسطه سیله کندیسنه تابع برر مأمور کی قوللانمشدی . ایکنجی
مقصدی تأمین ایچونده معین روسلاشدرمه پروغرامیله اشقولر
(مکتبلر) تأسیس ایدلمشدی .

خلقدنه نه بو مأمورلانی قبول ایدن ملالره اعتماد ، نده مذکور
اشقوللردن چیقان بکزاده لره اعتبار واردی . حکومت طرفندن
تعین اولنان ملالره « دفتر ماسی » [۱] روس اشقولنده او قویان
کنج لره ده « روس بالاسی » دین خلق کندی حس فطاریسیله سز دیکی
روسلاشدرمه سیاسته بیلدیکی کی مقابله ایتمشدی . او ، دفتر ماسنه

[۱] حکومت طرفندن تعین اولنان اماملره (ملالر) وقایع اربعه
دنیا نکلح ، طلاق ، تولدات ووفیات و قهرلرینی قید و ثبت ایتک اوزره حکومت
طرفندن دیوانی دفترلر ویرلمشدی .

اوز « آخوند » نى ، حكومت اشقولنده كندى « مكتب خانه » سنى قارشى قويمشدى .

هرنه قدر خالقك محكم دوتدينى « آخوند » ايله « مكتب خانه » تماميله كنديسنك دكل ، ايران نفوزينك مؤسسهرلى اولسهده ، روحه يابانجى بولنان روسلغه قارشى بو مؤسسهرلر دهاملى ، دهام دوغما ايدى . بوكا كورهده او ، « آخوند » ك حريتى و « مكتب خانه » نك استقلاللى ايجون ياپدينى مبارزهده پك حقتى بومبارزهده دى پك معقول ايدى . چونكه او ، سياستاً مغلوب اولمشسهده ، معنا برباد اولمق ايسته ميوردى .

فقط خواص ينه يا گلمشدى : وقتيله فردوسينك رومانتيزمى ، سعدينك درين حكمتى ، حافظك طاتلى غزللرى قارشيسنده بايلان « ميرزا » بودفعهده لرمستوفك طاعلرده اوچان روحى ، پوشكينك صو كجى آقان لطفى ، تولستويك مسيحيانه فلسفه سنه وورولمش بر « اوچيتل » ايدى . [۱]

سنهرلر كچدى ؛ بر طرفده « ميرزا » ، ديكر طرفده « اوچيتل » دوردى . بونلر بر چوق زمان آكلاشاماديلر . فارسلاشمش ميرزا كجى ، روسلاشمش اوچيتل دى خالقك حدساً دويدينى مطلبى بر چوق زمان درك ايدهمدى . نهايت بر چوق كجواجلردن كچيدى . مكتب ومدرسهلره قارشى اصولسز مبارزه لردن صوكره « اوچيتل » مقصدى آكلادى ؛ بيلدى كه : سعدى يده ، تولستوى يده تورك خلقنه اوكرتمك ، توركى اونلرله آشنا ايتمك هم لزومنى ، هم فائده ليدر . فقط بونلكه برابر توركى كندى سعديسندن ، كندى تولستويندن محروم ايتمك اولمز .

[۱] فارسيدكى ميرزا اصطلاح اولارق معلم معناسنه كلديكى كجى ، روسجه اوچيتل دى غينى معنائى افاده ايدر .

سعدی نی ، تولستوی و سائر دنیا مشاهیر ادبی آ کلامق ایچون
 کندی فضولیرینی ، نباتیرینی ، نقدر کوچو کورونسه لر ،
 سیدلرینی ، صابرلرینی ، جاویدلرینی ، جوادلرینی او کره نمه لیدیلر .
 بوزمینه روس مکتبی واسطه سیله مدنیت حاضرینی آز چوق
 درک ایتش عرفا ایله خلق آراسنده یکدیگرینی آ کلامق دوری
 باشلادی .

بوندن ۵۰ - ۶۰ سنه اول معاصر آذربایجان ادبیاتنک بنسی
 قورولدی . شرق مدنیتی ایله مکمل صورتده مجهز و روسجه واسطه سیله ده
 غرب مدنیتنک اساساتی ایله آشنا بولنان میرزا فتحعلی آخوند زاده ایله
 باشلایان تیاترو ادبیاتی ، نجف بک وزیروف ، عبدالرحیم حق ویردیف ،
 سلطان مجید غنی زاده ، زیمان زیمانوف ، جلیل محمد قولی زاده کبی
 محررلر طرفندن تنظیر و ادامه ایدلدی . میرزا فتحعلی نک قومیدلری
 تورک عالمنده یازلمش ایلمک قومیدلر در . منقذرجه «شرق مولیه ر» ی
 لقبی قازانان میرزا فتحعلی نک مجموعه آثار ی روسجه ، آلمانجه ،
 انکلیزجه قسماً ده فرانسزجه یه ترجمه ایدلمشدر .

تیاتروندن بحث ایدنجه آذربایجان موسیقیسندن بحث ایتمه مک قابل
 دکلدر . تیاترو صنعتی آذربایجانده اولدینی کبی اسلام عالمنک هیچ بر
 طرفنده یلریله مه مشدر . بوراده تورکجه اوپه را ، اوپه ردت تأسیس ایدلمشدر .
 ایلمک آذربایجان بسته کاری عزیز بک طرفندن کفته سی فضولی نک
 اولمق اوزره « لیلی - مجنون » اوپه راسی بسته لشمس ؛ بوندن باشقه « اصلی
 و کرم » ، « عاشق غریب » ، « شاه عباس و خورشید بانو » کبی دیگر
 اوپه رالره « آرشین مال آلان » کبی اوپه رده تلر دخی بوتون قافقاسیاده ،
 ایرانده ، قسماً ده تورکیه ده مشهوردر . « آرشین مال آلان » اوپه رده تی

استانبول صحنه‌لرنده آماتورلر طرفدن کوسترلدیکی کبی ، ارمیجه ، کورجوجه و روسجه یه دخی ترجمه ایدلمش و تیاترو موسملرنده دفعه لرله تکرار اولمشدر .

تیاترو یازیلرینی متعقب غزته تأسیسنه باشلامش ، ۱۸۷۵ سنه سنده مرحوم ملک زاده حسن بک زردابی طرفدن « اکیچی » غزته سی تأسیس اولونمش ، بوندن سوکرده انسی زاده لر طرفدن تأسیس اولونان « ضیاء قفقاس » ایله « کشکول » غزته لر ی چیقمشدر . برنجیسی ۱۸۷۷ سنه سی روس-تورک محاربه سی زماننده کی نشریاتندن درلابی حکومت طرفدن قبادلمش ، اکینجیلرده بر قاچ نسخه چقدقدن سوکرده کندیباکلرندن توقفه اوغرامشدر . (۱۸۸۰ و ۱۸۹۱)


۱۹۰۵ تاریخنه قدر آذربایجان ادبیات و مطبوعاتی متظماً تأسیس و ترقی ایدمه مشدر . یالکز ۱۹۰۳ و ۱۹۰۴ سنه لرنده تفلیسده انتشار ایدن « شرق روس » غزته سی بو اوزون سکوت دورینی بتیرمشدر . شاد تختنسی محمد آغا طرفدن تأسیس اولونان بو غزته برسنه دوام ایتدکن سوکرده باکویه نقل ایله مش و بوراده قیامشدر . فقط روسیه انقلاب صغیرینی تشکیل ایدن ۱۹۰۵ سنه سی ، روسیه تورکلری ایچون ملی انکشاف دورینک ابتداسنی تشکیل ایله مشدر . مؤسسات اجتماعیله حریت مطبوعات نقطه نظرندن بر پارچه مساعدات ایله نتیجه پذیر اولان بو انقلابدن بالاستفاده بوتون روسیه تورکلرنده اولدینی کبی آذربایجان تورکلرنده سه سرعتلی بر حرکت ملیه باشلادی . بو حرکت بر طرفدن ملی مطبوعات تأسیسی ، دیگر طرفدن ده ملی مکتب و امور دینیله ماتک کندیسی طرفدن منتخب اشخاص و مؤسسات واسطه سیله اداره ایدیله سی دعواسندن عبارت ایدی .

باکو بوحرکت ملیه نك مرکزی ایدی . ۱۹۱۴ سنه سی حرب عمومی سنك ابتداسنده باکوده تورجه یکی یومی غزته (« اقبال » و « صدای حق ») نشر اولنیوردی . مسلمة نلرک حقوقنی مدافعه مقصدیله برده روسجه « قاسی » غزتاسی چقیوردی . بوندن باشقه برقاچ عددده تورک مطبعه سی موجود بولونیوردی . بوغزتالر ۱۹۰۵ نجی سنه سنده محترم آغا اوغلی احمد بکله ، حسین زاده علی بک طرفندن تاسیس اولونان « حیات » و « ارشاد » غزته لرینک باشلادق لری مجادله ملیه نی دوام ایتدیریوردی . حرب عمومی ائناسنده تاسیس ایدیلن « آچیق سوز » [۱] غزته سی دخی بودعوای مدافعه ایدیوردی . « آچیق سوز » ایلك دفعه اوله رق او وقته قدر قافقاسیا مسلماننی ویاخود تاتاری دنیلن خلقلک تورک اولدیغنی صراحت و اصرارله میدانه قویمش و بو خصوصده حرب سانسوری ایله مبارزه ایتک ضرورتنده قالمندی .

مطبوعات یومی دن باشقه برقاچ هفته لق ادبی ، سیاسی و مزاح غزته لری دخی نشر اولنیوردی که بونلر میاننده « ملا نصرالدین » مجموعه سی آذربایجان مزاحنک خلق ایتدیکی برشاه اثردر . ادبی مجموعه لر دن الك ممتازی محترم حسین زاده علی بکک تحت مدیریتنده چقان « فیوضات » مجموعه سی ایدی . فیوضات مجموعه سی ، آذربایجان ادبانی عثمانلی ادبیاتی تقلیده سوق ایدن الك نیوک عامللردن بریسی اولمشدر .

باکو مطبوعات ملیه یه مرکز اولدیغنی کبی ، اوزمان جمعیات خیرییه صورتیله تشکل ایدیلن ملی مؤسسهلره دخی مرکز اولمش ایدی . باکو مسلمان جمعیت خیرییه سنك حرب عمومی ائناسنده تورکیه جه یاسندن تهجیر ایدیلن الویه لئنه مسلمانلرینه تشکیل ایله دیکی یاردم بوتون روسیه

[۱] « آچیق سوز » ک مؤسس و محرری بوسالنه ک مؤلفیدر .



باکو جو ازنده کاش « بی بی - هیبت » زیارتگاهی : فصل مخصوص زنده آذربایجان اذیتانده کی موقع مخصوصی
 ذکر اولانان محترم حسین زاده علی بک یانلی بو ایله ترسیم ایتدکلری تالودن قوریه ایله ایداشدیر

مسلمه نلغنی تهییج یله دی؛ مذکور جمعیت تورک امرای حربینه کوستردیکی
معاونت دخی آریجه شایان قید و تذکاردر .

بوجعته مخصوص اولارق باکو تجارلردن مرحوم موسی نقییف
طرفدن یاپلان بنا ، که ۱۹۱۸ ده بواشه ویکلرله ارمیلر طرفدن
یا قلمشدر، بلکه ده عالم اسلامده بویله بر مقصدله یائش بنالرک، عظمت
اعتباریله، برنجیسیدر. بونک یاننده دوران دیگر بر بنا دخی شرقکاری
طرز معماریسیله نظر دقتی جلب ایدیور . بو، آذربایجان تورکلری
آراسنده باقیات صالحاتیه مشهور حاجی زین العابدین افندی حضر تله -
بنک ایلك دفعه اولارق تأسیس ایله دیککی مسلمن دارالمعلمیاتدر . ملی
اینه لردن بری ده « سعادت » جمعیتک مکتب اولق اوزره یاپدیردینی
محتشم بنادر .

بومؤسسهلردن باشقه باکوده نشر معارف مقصدیه « نجات » ،
« نشر معارف » و « صفا » جمعیتلری دخی تأسیس ایتشدی .

آذربایجان حیات ملیه سنده تأثیرات میهمه سی بولنن ایکنجی
مرکز کنجه در. کنجه ده تأسیس ایديلن « مدرسه روحانیه » وقتیه
ملیت پرورلک روحنک تقویه ایديلن الک مهم مرکز ایدی . بورادن
آذربایجان برچوق معلملر ، محررلر و شاعرلر قازانمشدر . مذکور
مکتبک اهمیتنی درک ایدن چاریزم بوراسنی چابوق قیامتله « تهلکه »
نک اوکنه کچمک ایسته مشدی . ناصل که باکوده کی نشر معارف
دارالمعلمینی ایله « سعادت » مکتبلرینی دخی عینی جزایه اوغراشمسدی .

*

* *

تلخیص ایتدی کمز بو ادبی ابتیاده، آذربایجانک اقتصادی واجتماعی
انکشافی ایله مشروط ایدی . آذربایجان خانقلر شکلنده روسیه اداره -

سنة كچديكى زمان اقتصادجه دهها منكشيف دكلدى . هرخانلق كندى ياغنده قاورولور قبالى براستحصال محلى ايدى . بر محل ايله ديكر محل آراسندهكى مناسبات پك محدود ايدى . هرخانلق قرون وسطائى فه ثودال بر حيات كچيريوردى . شهرلر كوچوك قصبه حالنده ، صنايع آل ايشندن ، تجارت بسيط برمبادله دن عبارت ايدى .

اوزمانكى اجتماعى حيات ، اوزمانكى سياسى دويغولر ، بالطبع ، بوشرايط ماديه ايله مشروط ايدى . ادبيات دخى بويله خان محفلرينه مخصوص كوچوك بر « سراى ادبياتى » حالنده ايدى . بو ادبيات محلى ذوق وغرضلر تآثيرنده محدود برشى ايدى . بر محفل ادبى ايله ديكر محفل ادبينك مناسباتى عادتاً بر شهر ايله ديكر شهر آراسنده جريان ايدىوردى . بوجريان چوقده صيقى وصميمى اولامازدى . حتى مخاصم بولندقزى بيله واقع اولوردى . ادبى محفللر آراسندهكى خصومت عصر مزكده بيلديكى بر حقيقت در . فقط بو مخاصمت محل اعتباريله دكل ، زمره ، صنف ويا طبقه اعتباريله در .

قافقاسيايه اينن روسيه ، بيوك پترونك اصلاحاتى ايله قوت بولمش بر روسيه ايدى . عصرى اصوللرى تطبيق ايتمكه بو ، انكشافه مايل بر دولت ايدى . عصرك هر بيوك دولتى كچى بوده ايمپريالزم ايده آلنى تعقيب ايدىوردى . بو استقامتدهكى ميل وانكشيفى ايله اوجنوبه دوغرو يايلىوردى ويولى اوستنده اسلام دولتلرنى كوريبوردى . قافقاسيا اونك ايچون بالخاصه مهم ايدى . قافقاسيا يوللارنى ياقمق ، منابع ثروتى ايشلتمك ، بحر خزرده سير سفائن وجوده كتيرمك پلانلرى اقتضاسندن ايدى . بو پلانلر ك قوه دن فعله كلهسى ، بالاخرده ، باطوم ايله باكوين روسيه نك مهم مركزلرينه ربط ايدن دمير يوللرينك

انسانی ایلاتو شیخ ایدلدی . نتیجه ده قافقاسیانک محیط جغرافیسی دیکشیدی .
دائماً رقیب و مخاصم شکلنده یاشایان ضعیف خانقلر یرنده بر اداره یه
تابع اقتصادی بر کل وجوده کلدی . بوندن کلن فائدمنک قسم
مهمنی اولا روسیه یه ، سوکره یرلی خرسیتیلرله انحصار ایتمک روسیه
پولتیقه سنک ایجربندن ایدی . مع مافیه قافقاسیانک آذربایجان قسمی دخی ایستر
ایسته مز بوندن مستفید اولدی : آذربایجان شهرلری بیودی ؛ آرالرنده
مناسبات و مبادله آرتدی . خانقلر زماننده کی خصوصیتلر دفع اولدی . مملکت
اقتصاد و تجارتجه انکشاف ایتدی ؛ تکامل یولنه کیردی . بو تکامل
فعل بر دور استحصال وجوده کتیره رک تقسیم مساعی بی موجب
اولدی . تقسیم مساعی سایه سنده ده اجتماعی یکی زمره لر تشکیل
ایدیوردی .

روسیه نه اوروپا کبی اوروپا ، نه ده شرق کبی شرق ایدی .
بیوک پترو «تنظیمات» ندن سوکره روس اداره سی فه ئودالزم باقیاتیه
بورژوا اساسلرینی تحف بر صورتده مزج ایتشدی . بونک ایچونده
او ، دیگر اوروپا مملکتلرینه نسبتله غایت بطی آدیملره ترقی
ایدیوردی . مع مافیه سوک ربع عصرده روسیه قاپیتالیزمی ایجه
ایلریله دی . نتیجه ده خاطری صاییلیر بر ده موقراسی تشکیل ایتدی .
روسیه قاپیتالیزمنک انکشافنده با کونک رولی مهم ایدی . باکو
اکثر روسیه صنایعنک و بوتون دمیر یوللرینک (پترول سایه سنده)
محرکی اولدینی کبی ، کندیسیده غایت مهم تجارت و صنایع مرکزی
حاله کلدی . بو خصوصده او ، پترولندن باشقه جغرافی وضعیتنه دخی
مدیوندی . بوراسی روسیه ایله ایرانی ، ایران ایله تورکستانی ،
روسیه ایله قافقاسیایی تجارتله باغلایان یکانه بر ایمن ایدی .

با کونک بو موقعی شیمدیکی جمعیتلرده مهم اولان ده موقراسی نك تشکلی ایله آرتدی . بوراده دیگر عنصرلره برابر تورک صنوف اجتماعیه سی دخی وجوده ککش ، تورک ده موقراتیاسی تأسس ایتشدی . اودت ، خانقلر الغا ایدلمش ، یزنده - سوق تاریخله - واحد بر تورکک وجوده ککشدی . آریاغک تمثالی بولنان خانلرک الغاسی ایله قصبه لر بر شهره انقلاب ایله مش ملی وحدتی موجب اولان ده موقراسی دوغمشدی . بوده موقراسینک طبقاتی ایچنده فنون عصریه ایله مجهز متخصصلر ، منورلر ، ازباب صنایع ، تجارت اهلی ، عمله قسمی یتیشیوردی . بوصنوف ابتداده روس ادارسنه ، روس حرثنه پکده مخالف دکلدی . بالعکس هر شیده روسیه یه تقلید ایتک بوصنف پشرو لرینک صفت فارقه سنی تشکیل ایدیوردی . بونک ایچون اولرله « روس ماآب » دنیلیردی . روس ماآبلرک مقابلنده ایسه « ایران ماآب » لر دوریوردی . ایران ماآبلر روس ادارسنک تأثیریه موقعلرینی یکی قوتلرله ترک ایتک ایسته مه یں اسکی طبقات اجتماعیه نك مضکوره جیلری ایدی . برنجیلر یکی تشکل ایدن جمعیتک حراندیشلری (لیبه رال) ، ایکنجیلر ایسه محافظه کار (قونسرواتور) لری ایدی .

حراندیشلرله محافظه کارلرک مبارزه سی سنه لرحه دوام ایتدی . « اوچیتل » ایله « میرزا » مخاصم بولنورکن محافظه کارلر حراندیشلری تکفیر ایدیورلردی . بالاآخره بو حال تبدل ایتدی . حراندیشلر زمره سی قوانین اجتماعیه نك سوقی ایله کندیسنی حقوقاً و اقتصاداً تضیق ایدن روسلغه قارشلی لوای عصیان آحق مجبوریتنده قالدی . دوغریدرکه شهرلر بیویور ، بوراده ده موقراسی تشکل ایدیوردی ، فقط بونکله برابر شهرلر روسلاشدریلیور ، مهاجرت نییاستی یریلرله ، یرلی

مستحصللرہ میدان انکشاف و یرمہ یوردی . بوکا قارشی تورک منوری ،
 تورک تجاری ، علی العموم تورک مستحصلی مبارزه ایدہ جکدی .
 بوآغر وظیفہ دہ او ، یالکز مبارزه ایدہ مزدی : خلق کتہ سنی دہ
 بوجدالہ سوق ایتہ لیدی . بونک ایچون اوکا تاثیر ایتک ، اوکا خطاب
 ایلہ مک لازمدی . ایشہ بولزوم حس ایدلیدیکی آندہ منوراندن بر
 قسمنک خلقہ دوغرو کیدیشی باشلامشدر . منورانک بوتشبی تجاردن
 بر قسمنک مظاهرت و معاوتیلہ قوت بولمشدر . بو خصوصہ مطبوعات
 موقوتہ تأسینک پک مهم رولی اولمشدر .

مطبوعاتک تأسیسی ایلہ قافہ سیادہ سیاسی ، اجتماعی و ملی بر فکر
 تشکل ایدیوردی . افکار عمومیہ وجود بولیوردی . حیات ملیہ
 ایچون پک مهم اولان برطاقم مسئلہ لر مذاکرہ اولنیوردی . غزتالرک
 بوکونکی ملیت لر تشکلندہ اوینادقلری رول معلومدر . بورولانی اونلر
 روسیہ تورکلکی ایچون دخی ایفا ایدیورلردی . اونلر خلقدہ ہم
 ملی دوغولر اویندیریبور ، ہم دہ مہ صد ملیہ دن اولان مسئلہ لری تنویر
 ایدیورلردی . تورکجہ مطبوعاتک ترویج ایلہ دیکی مسئلہ لری تحلیل ایدرسہک
 آشاغیدہ کی موادی تلخیص ایدہ بیلیرز :

۱ — اصول جدیدہ مسئلہ سی . مکتبلردہ تورکجہ نک اصول
 صوتی ایلہ تدریسی و مدرسہ پروغرامنہ فنون جدیدہ نک ادخالی .
 ۲ — ملی مکتبلر کشاد و تأسیسی . اولجہ موجود محلہ ، کوی
 و جامع مکتبہ نرنده کی فارسی یرینہ تورکجہ او قوتیق و عصری اصوللرہ
 یکی مکتبلر کشاد ایتک .

۳ — حکومت مکتبلرنده تورکجہ نک تدریسی طلب ایتک .
 ۴ — ادارہ روحانیہ لرلہ اوقاف اسلامیہ ادارہ سنک اہالی اسلامیہ

طرفدن منتخب علما و مأمورین طرفدن اداره سی فکرینی ترویج
ایله مک . [۱]

۵ — مسلمانلر ایچونده سائر ملتلرده اولدینی کبی نشر معارف
و امور خیریه ایله متوغل جمعیتلر تشکیلی .

۶ — بلدییه و دوما (روسیه مجلس معوثانی) اتخا باتنده مسلمانلر
حقنده روا کورولان تقیدات قانونیه به قارشنی مجادله . با کو، کنجه
وعلی العموم قافقاسیا بلدییه لرنده مسلمان اعضا مجلسک نصفدن فضله سنی
تشکیل ایده مزدی .

۷ — وطندا شلق و اهلیت حقنک هرجه تجه مسلمانلره تشمیلی
ایله حقوق سیاسییه رملکیه ده دیکر وطندا شلرله مساوی طو توملق .

۱۹۰۵ سنه سی انقلابندن سو کره چوغالان مطبوعات بو کبی مطالبک
ترویجی ایله قوتلی بر جریان یار اتمشدی . بو مطالب یالکدر غزته
ستوزنده قالمایوب قسماً حیات تطبیق ایدلمش، قسماً دخی مختلف زمانلرده
حکومه و یریلن استدعالره واجتاعلر طرفدن چیقارلان قرارلره

[۱] روسیه مسلمانلرینک حیات ملیه سنده بومسئله بالخاصه مهم بر موقع
احراز ایدلمشدر. آذربایجان تورک لرنده ایسه بومسئله یالکدر « اداره روحانیه » نک
انتخاب اصولیه تأسیسنی طلب ایدلمش. قالمایوب ، عینی زمانده اتحاد اسلام فکرینک
ترویجینه دخی واسطه اولمشدر . آذربایجان تورک لری روس حکومتی طرفندن
شیعه وسنی ناملری ایله ایکی مستقل مؤسسسه شکنده تأسیس اولنان اداره لرنک
« اسلام اداره روحانیه سی » نامیه توحیدینی دخی طلب ایدیورلردی . بو طاب
۱۹۰۵ نجی ییلده ماورای قافقاس اهالی اسلامیه سی نامنه والی عمومی به و یریلن
استدعاده یربولدینی کبی، شیعی وسنی اختلافلرینک ازالسه چاره لرینه حصر اولنان
اسلام قورغمرلرینک مقرراتنده دخی ثابت ایدلمشدر . شایان قید درکه شیعی
وسنی اختلافلری هر یردن اول آذربایجان تورک لری آراسندن قالمشدر ، که
وحدت ملیه سنی درک ایدن بر جمعیت ایچون بوغایت مطلوب ایدی .

ماتریال تشکیل ایله مشدر . بو مقاصدك ترویجی ایچون اعنی و خفی اولق اوزره مختلف قومیتلر ، جمعیتلر و فرقهلر شکل ایله مشدر . بعضاً قوتلی ، بعضاً ضعیف بزبیه مالک اولان بوسیاهی عضویتلرک باشلوجه طلبنی چاریزم اصول ادارسنگ دیکشمه سی تشکیل اتمشدر . بوجعیتلردن اکثری بر چوق زمان چاریزم علیهنده اولان اختلال فرقهلری ایله تماسده و بعضاًده اتفاقده بولمشلردر .

۱۹۰۵ انقلابی، انقلابچیلرک آرزوسی وجهله انکشاف ایدمه یوب . ارتجاعک غلبه سی ایله حرکات انقلابیه توقفه ارغرادی . بونک اوزرینه شدتلی بر ارتجاع باشلادی . بومناسبتله اجرا اولنان تعقیبات نتیجه سنده ، دیگر روس فرق سیاسیه سی کبی ، مسلمانلرک دهها رشیه حالنده بولنان جمعیتلری دخی پراکنده برحاله کلدی . روسیه جمعیتنده شوون بر سیاست جریانی باشلادی . بوجریان بالقان محاربه سی اثناسنده شدتلی برصورت آلدی . روس شوونیزمی دوغروون دوغروه تورک عالمه توجه اولومشدی . روس ادباسندن معروف بریسی بالقانلره کیدن صلیب احمر هیئتنی تشدیع ایچون یازدیغی مقاله ده « براسلاو ، برخستیان وارکن تورک یارالسنه باقاییکنز » دییوردی . بوشوریزم عینی زمانده غیر روس اولان ملتارده کی جریان ملیتی تعدییه ایدیوردی ؛ بالخاصه تورک ملیت پرورلکی قبریوردی . روس دارالفنوننده او قویان آذربایجن طلبه لرینک کیفده طوبلانان اجتماعی کشف واعضاسی توقف ایدلمشدی . « هلال احمر » فائده سنه یاپلان پروپاغان بوزمانکی حسیاتک ترویجی ایچون اک مناسب برواسطه اولیوردی . باکو قادیلرندن کوبلرینی ویرنلر اولمشدی . کنچ معلملر و طلبه لر درسارینی آتدق تورک اوردوسنه کوکلو کیدیورلردی . بوزمانده اکثری ۱۹۰۵ سنه سنده کی انقلاب

جمعیتارنده تجربه کورمش کنجاوردن متشکل خنی بر جمعیت سیاسیہ وجوده کایوردی. بوجعیت روسیهدده یاشایان تورکلری هر جهتجه روسار ایله مساوی برحقوقه مالک کورمک ایسته بر، عین زمانده بوتون تورک و اسلام عالمک حریتنی دخی امل اتخاذا ایدیوردی. جمعیتک مفکورهسی ملتر آراسنده تام بر مساوات حقوق تصویری ایدی؛ بونک ایچونده « مساوات » نامنی آلمشدی.

مذکور جمعیتک اوزمانه کبی بر روحله متحسس اولدیغنی ارانه ایتمک ایچون وقتیه « سیل الرشاد » غزته سنه درج اولونان بیاننامه سندن بر قسمنی بورایه نقل ایدیورز:

« بیلکرو آگاه اولیکرکه بزم یکانه چاره نجاتمز تورکیانک استقلالی واونک ترقیسنده در. اگر بزشمیدی ده اولکی حدسزلکمزدن واز کچمزه سکه، بویوزدن دنیانک کوزی اوکنده حق انسانیت وملیتمیزی غائب ایدوب اغیاره اجیر، تابع وعادتا اسیرلکده قالا جمزه شبهه ایدیه سین


« جمیع عالم بیلورکه بومحاربه بی خلافت اسلامییه مالک اولان تورکیایه آجان بالقانک کوچوک ووافق حکومتلری دکدر. زیرا شیر، نه قدرضعیف اولسه دم چاقاللر وتیلکیلر اوکا یاقین کلکه جرأت ایدمزلر. بویاشلری ایشله ن انسانیت و اسلامیت دشمنی و « ژاندارم عالم » لقبی ایله ملقب اولان شمال آبوسی روسیه حکومت مستبده سیدرکه، هرکون نه قدر لوازم صحیه، اطبا، آغانلر وکوکلی آدیله بولوک بولوک نظامیلر (یعنی عسکرلر) کوندریبور.

« شوساعته بلغار، صرپ وقره طاغیلرک نظامی صفرلنده حدسز، حسابسز روس ضابطلری وطوبجیلری مبارزه ایتکده در. عثمانیلرک مغلوبیتی حقنده چکیان تاغرافلر هپ مجموعلدر. بوضورتله اولر بر طرفدن روسیه دن حربه کیدنلره جرأت ویرمک، دیگر طرفدن ده مسلمانلری قورقوتمق ایستیورلر. عالم اسلامک باشنه کلن بلالرک اکثریسنه، بلکه ده هپسنه اشبو و

حکومت مستبده سبب اولمشدر. دیگر مملکتلرده کی اسلام قارداشلر مزجان و مال ایله معاونته بولندقلری حالده بز روسیه مسلمانلری نه دن بر جواد کبی طوکمشز!

« البته مسلمان اولان كيمسه لر، حس مایتی اولان شخصلر، بیضه اسلامی
دین وملتنی بوقدر دوچار سفالت وکرفتار ذلت کورونجه غیرت ملیه وحیت
دینییه سی هیجانه کلوب قرآن عظیم الشانک دین احمدی ولوای محمدینک استقامت
واستدامتی یولنده وارد اولان (ان الله اشترى من المؤمنین انفسهم واموالهم
بأن لهم الجنة یقاتلون فی سبیل الله فیقتلون ویقتلون وعداً علیه حقا فی التوریه
والانجیل والقرآن ومن اوفی بعهده من الله فاستبشروا بیعکم الذی بایعتم به ذلک
هو الفوز العظیم) آیه وافی هدایه سی مفاد نجه جان ومال لرینی دریغ ایتمزلر .
ایدنلر خائن ملت ودشمن دین و بی غیرتدرلر . » [۱]

حرب عمومی و اختلال کبیر



حاکمیت ملیه دعواسنک ۱۹۰۵ سنهسی روسیه انقلاب صغیری نتیجهسنده ، ملی مکتب ، ملی مطبوعات و ملی جمعیتلر تأسیسنه عائد جزئی مساعدلر کبی قازاندینی محصوللر واردی .

دوغرودرکه بو محصوللر کمیت اعتباریله چوق محدود ، کیفیت اعتباریلهده پک یکی ایدی . مع مافیله بومساعدلردن استفاده ایدن قافقاسیه تورکاککی بیوک محاربه عرفهسنده و اختلال کبیرک باطالادینی زمانده پکده حاضر لقسز دکلدی . کرچه وظائف و مقاصد ملیهنک عظمت و مشکلاتی ایله مناسب بر تشکیلاته ده مالک دکل ایدیسده ، آرتق سیاسی ادرا کدن محروم ، آرزوی ملیسی تعضو ایتمه مشر شکلسز بر کتله حالنده دخی دکل ایدی . حیاتی ابراز ایددجک واسطهلره مالک ، دیری و یا شامق ایسته دیکنی حس ایتدیره جک ذیروح بر وجود حالنده ایدی .

اون سنهک کوچوجک بر فاصله ، آذربایجان تورکاککی متعدد مطبوعاته ، مختلف مؤسسهلره ، سیانی محفللره ، خنی جمعیتلره ، زماندن ، مکاندن آکلار منورلره مالک ، ادرالکوشعور صاحبی بر جمعیت حالنه قومیشدی .

بوجمیت ، ۱۹۱۴ سنهسنده پاتالایان عالمشومول محاربناك آلت اوست ایلهدیکی مفهوم و قیمتاری حساساتله تعقیب ایدیور؛ طوپرك كورولتوسی ایله برابر قویان « ملترك حقی مقدسدر ! » نداسنی دورت قولاقله دیکله یوردی . او ، محارب بولنان بوتون دول معظمه رجالی آغزندن صیق صیق ایشیدیان بو شعارك صمیمتیه دکاسهده ، بویوك حقیقتك ایستر ایسته مز مظفر اولاجغه ایمان ایدیوردی . حرب عمومی ائناسنده ، دها روسیه انقلابی ظهور ایتمدن ، محاربناك قاتی سانسوری هر یازیلائی بلامان سیلمکده ، بالخاصه تورك کلهسی ایله توركچیک مسلکینه قارشی خصمانه برعلاقه کوستردیکی زمانده ، « آچیق سوز » غزتهسی یوقاریده مذکور ایمانه ترجمان اولارق یازیوردی که :

« هر هانکی غالب طرف ، آز چوق ، سورونجلی بر دینجك وجوده کتیرمک ایسترسه ، عسرك وجدانلری اوزرنده اك چوق تاثیر اجرا ایدن قوتی- ملیت مفکورهسنی- اهمال ایدهمز؛ بونك بویله اولاجنی آراسره کلهجك صالحی حقتده سوز سویلهین اوروپا متفکرلرنجهده تصدیق اولنمقدهدر . صالحیونه منسوب سیاسیلهرجه ملیت اساسنه رعایت ایتمهجك ، ملترك حقوقی کوزه تمیهجك برصلح معاهده نامهسی چوق چکمز ، یرتیلر وسورونجلی بر دینجك تأمین ایدهمز ! »

« حقوق طبیعیسهسی پایمال اولمش برملت باقی قالینجهیه قدر اوروپا موازنه دوایهسی حقیقی وسورونجلی بر صلح یوزی کورمکدن محروم قالاجنی کبی ، کندی وطنداشلی آراسنده اوکی دوغمالق کوزه دن بردولتده حقیقی برقوته سوکنهیهجك (استناد ایتمهجك) ، مترقی وقوتلی برتشکیلاته مالک اولامیاجقدر . »

« دیمک که معین بر مفکورهیه واکثر افرادنجه مشخص برغایه آماله مالک اولان ملتر ، دولت آراسنده کی مناسباته اهمیت قازانیدیقری کبی ، دولتلك داخلی سیاستلری اوزرینهده بیوك تاثیرل اجرا ایده جکاردر . بوسورتده آیری آیری ملتر بر ملت اولارق یاشایه بیلیمک ایچون هر شیدن اول کنیدیقری

بیلملهلی ، معین فکر واملار اطرافنده برلشهرک بیوک برمفکورهیه ، غایه خیاله هدف اولاجق او ایشیقلی ییلدیزه صاحب اولمالیدرلر . چونکه متحد بر روح ومشترک برغایه مالک اولمیان ملتله یکی اساسلر اوزرینه قورولاجق حیات حسابلاشمیهجق وبویله بر سلاحدن محروم قالان جماعتلر کیمسهیه سوز ایشیتدیره.یه جکلردر! »

بیوک محاربه نك قافقاسیا تورکلکنده دوغوردینی امید بویله ایدی .
ملیت پرنسپنك غالب کله جکنه باغلامش برامید !

* * *

روسیه ایمپراطورلنك (۱۹۱۷ سنه سنده) قاریات داغلرند ،
لنستان وادیلرند و بالطق ساحلرند کی اء کورونمز مغلوبیتی ، دنیایی
صارمش آتشین حرب ساسله سنك مهم حلقه لرندن بریسنی قیرمش اولدی .
روسیه یی پنجه اسارتنده قهر ایدن چاریزم دخی بو حلقه ایله
برابر دورلمشدی . بیوک محاربه بیوک بر انقلاب دوغورمشدی .

مختلف ملتاردن یوغورولمش ۱۸۰ میلیونق عظیم برکتله یی
اداره ایدن دنیانك الك بیوک امپراطورلغنده ظهوره کان بو اختلال
کبیر ایکی دورلو نتیجه ویره جک ، ایکی مهم مسئله یی حل ایده جکدی .
یوقسه ، کندی روحی و کندی طبعی ایله تضاد تشکیل ایدوب
کندیسی ایله برابر روسیه یی ده قهر ایده جکدی .

۱۹۱۷ انقلابی محکوم صنفلره حریت ، محکوم ملتاردهده مختاریت
ویره جکدی .

انقلابنك ایلك کوناری مجلس مؤسسسان انتظاری ایله کچیوردی .
مجلس مؤسسسان بر آن اول طویلانه جق ، کویلولره طوپراق ، عمللره
ایش ، ملتاردهده مختاریت تأمین ایده جکدی . ایشه آرزوی عمومی !

مجلس مؤسسندگان کیم نه بکله یور؛ اجتماعلر، قورولکلر،
قرارلر، خطر دلر هپ بونی تعیین ایتکده . . .

قافقاسیا داخل اولدینی حالده بوتون روسیه تورکلری دخی
بو خصوصی اهل ایتمه یورلردی. با کوده، نسانک ۱۵ نده، ایلک دفعه
اولارق، «قورولتای» نامیله، قافقاسیا مسلمان قونغردهسی طویلانیور.
قورولتای هرشیدن اول وهر مسئلهدن دها قیزغین برصورتده آزاد
روسیه نك آلاجنی مطلوب شکل ادارینی مذاکره ایتدکن صوکره
آشاغیده کی قراری چیقاریوردی:

«آ — قافقاسیا مسلمان قورولتایی، ملی سیاسی مقصده عائد مسئلهینی
مذاکره ایدره ک مسلمان قوملرینک منافعی اک زیاده تأمین ایدن روسیه شکل
اداره سنک محلی فدهه راسیون اساسی اوزرینه قورولی جمهوریت مجتمعه انام
اولدینغی قبوله قرار ویرر.»

«ب — اسلام دیننده اولان بوتون قوملرک روحانی ومدنی ارتباطینی
نظره اولارق قافقاسیا مسلمان قورولتایی بوتون روسیه مسلمانلری ایچون
وضع قوانین صلاحیتنه مالک عمومی براداره تشکیلینی لازم کورور.»

بو قرار کونلرجه دوام ایدن مناقشات نتیجه سنده برنوع ائتلاف
محصلهسی اولارق متحداً قبول ایدلمشدی. مناقشه بر طرفدن تورکچیلر،
دیگر طرفدن ده اسلامچیلرله سوسیالیستلر آراسنده ایدی. فدهه -
راسیون اساسنی مدافعه ایدنلر، تورکچیلر ایدی که، بونلر خصوصی
اولارق آذربایجان ایچون دخی محلی مختاریت طلب ایدیورلردی.
معارضلر ایسه یالکیز خلق جمهوریتی ایله اکتفا ایدوب ملیت
مسئله سنک حلی محلی دکل، مدنی مختاریت شکلنده تصور ایدیورلردی.
نیسانی متعاقب مایس آینده موسقواده بوتون روسیه مسلمانلرک
عمومی قورولتایی انعقاد ایله مشدی. روسیه تورکلرک سنک بوتون

اقوامنى تىمىل ايدىن بىك مرخصلى بويىوك قورولتايدە شىدلى مباحثە
ومناقشەلردىن سوكرە روسيەنىك مىلى ومحلى مختارىتلر اوزرىنە قورولى
متحد خلق جىمهورىيتىدىن عبارت اولسى طلب اولومشىدى . [۱]
بوطلب روسيە مىسلمانلىرىنىك بىوك انقلابدىن بىكەدىكلرى سىياسى
أملى تامامىلە عىان ايلەمشىدى .

نەهايت مجلس مؤسسەسان انتخاباتى ائناسىندە ماوراى قافقىس
مىسلمانلىرى آراسىندە قاطع برا كثرىت احرازىدىن « مساوات فرقهسى
وملى قومىتلر » لىستەسى [۲] روسيە فەدەراسىونى ايلە برابر آذربايجان
مختارىتىنى دىخى بر شىعار اولارق اورتاىه آتمشىدى .

با كو اھالىسىنىك بىوك بر توجىھى آلتىدە انعقاد ايدىن تورك عدم
مركىزىت « مساوات » فرقهسىنىك [۳] عىنى آيلردە انعقاد ايدىن
اىلك قونفرەسى روسيە توركلەكنىك روسيە شىكل ادارەسى حقىندە
بىسەلەدىكى أملى آيدىنلاشىدردىق ، آذربايجان ، توركىستان ، قرغىستان
وباشقىردىستان كى خالص تورك مملەكتەلىرى اىچون محلى مختارىت ،
(وولغا) نەرى بويى ايلە قرىم تاتارلىرى وروسىيەدە ياشايدىن دىكر تورك

[۱] بو طلب مؤلفىك شىكل ادارە حقىندە اىراد ايتىدىكى مقابل مەروضە
اوزرىنە واقع مناقشە ومدافعەلر نىجەسىندە تىكلىف وقونفرەنىك اكثرىت
قاپتەسنىجە قبول وتىمىت ايدىلشدر .

[۲] روسيەدە متناسب اصول انتخاب سىستەمى ايلە تطىبق اولنان انتخابلر
منتخبىن لىستەلى اوزرىنە اجرا اولونىوردى .

[۳] « مساوات » فرقهسىنىك بالقان حربى ائناسىندە باكودە تشىكل
ايتىدىكى يوقارىدە قىد ايدىلدى . ۱۹۱۷ نىجى سەندە روسيە انقلابى ظەور
ايتىدكە كىنچەدە « تورك عدم مركىزىت فرقهسى » تاسسىس ايتىدى . بو اىكى
تشكىلات قاپتەسىيە قورولتاينىدەكى بيانات ومدافعەلىرى ايلە خلىجى ، توركى
اولدقلىرىنى متقابلا كىشف ايتىمىكە اتحاد ايدەرك سالف الذىكر عنوانى آلدىلر .

قومارینهده ، محلی ممکن اولمادینی تقدیرده ، ملی مختاریت طلب ایدیوردی .

ایشته ، « آچق سوز » ک ۱۹۱۵ نجی ییلده حرب عمومیدن بکلهدیکی حاکیت مایه شعارینک غلبه سندن اومدین امیددی ۱۹۱۷ نجی ییلده روسیه انقلابندن بالاستفاده اختف کاندن چیقان « مسوات » فرقهسی یوقاریده کی وجهله تعین ایدیوردی .


بوصورتله آذربایجون تورکی جهن محرابسی ایله روسیه انقلابندن کندی حریت و حاکیت مایه سنک تأمیننی تأیید ایدر بر نتیجه بکله یوردی .

* * *

انقلاب ، ایمپراطورایی ایچندن تضییق ایدن ایکی مهم قوتک طشما سندن ظنور ایتشدی . بر طرفدن محرم صنفلر ، دیگر طرفدن ده محکوم ملتر حقلرینی ایسته یوردلردی . کویلی طوبراق ، عمله ایش ، ولیکوروس اولمایان ملتر دخی مختاریت اداره طابنده ایدیلر .

انقلاب بوزلرک همسنه حساب ویرمک مجبوریتنده ایدی . فقط بونکله برابر او ، برده بوزلرک فوقنده دیگر بر مسئله ایله دخی یوز یوزه کمشدی . اورتاده حل اولنه جق بر حرب مسئله سی واردی . چار حکومتنه توارث ایدن حکومت موقته ، بالخاصه کردنسکی حکومتی ، انقلابی ، بر دفعه باشلامش حربی موفقیتله بیتیرمک ایچون ، روسیه اولارق قوللاندی . خطر ناک بر تجربه یاپیلدی . انقلاب اوردوسی آلمانیا به قارشی تجاوزه کچدی .

بوصورتله بوتون جدیت و حماستنی « ظفر نهائی » به حصر ایدن انقلاب حکومتی بالطبع دیگر اساسلی مسئله لرک دانی بر زمان آخرد تعلیق ایتدی . افکار عمومی به انقلابک میدان آتدینی « الحاق سمرق و تضمینات سمرق ،



یاکوده مجلس هیئت ملی داوروسی

ملتورد تعیین مقدرات حتی! « شعاری ایله برابر طور اراق و عمهه مسئله-
 لرینک برآن اول قوودن فعله کتیرلهسی طلب ایدیوردی . حالوکه
 حکومت هر شئی مجلس مؤسسانه تعویق ایدیوردی .
 بوتعویق بر طرفدن بالشهویزمی ، دیگر طرفدن ده ملی جریانلری
 تغدیه ایدیوردی . بالخاصه کوردنسکی نك فنلند (سهیم)ی ، اوقراینه (رادا) سنه
 قارشی آلدینی طور تهدید ، مسلمان ملی آایلر تشکیله عائد مخالفت
 و آلمانیا اوزرینه اجرا ایتدیکی موفقیتمز تجاوز آرتق بولشهویزمک
 ظهورینه میدان ویرمشدی .

پتروغراد مهم کونلر کچریوردی . ولایتلر غیر قابل تصور بر
 بحران ایچنده بولنیوردی . بر طرفدن عمهه ، کویلو و عسکر شورالری ،
 دیگر طرفدن ده ملی شورالر تأسس ایدیوردی . ملیونلر جه اوردو جهیهی
 ترک ایله کیمسهیه صورمدان غیرمتظم بر صورتده رجعت ایدیوردی .
 نهایت تشرین اول آبی کلدی . بیوک روسیه مجلس مؤسسانی طوپلا-
 نمقده ایکن حکومت مرکزیه کوردنسکی دن بولشهویکلره کچدی .
 مجلس مؤسسان همان ایلاک جاسه سنده (لهزین) حکومتی طرفدن
 قوغولدی .

بولشهویکلرک ، حکومتی جبراً آلد ایتملری اوزرینه روسیه نك
 هر طرفنده برآ نارشی باشلادی . اوردو « اوده ، اوده! » دهرک جهیهی ترک
 ایتدی . مسلح اولارق کوبینه دونن کویلی ، اسیلزادکانه مخصوص کاشانه لری
 یغمایه و چفتلکلری تالانه باشلادی . بوتون روسیه مدهش بر آتش
 اختلال ایله علولندی . ولیکوردوس دن غیر اولان ولایتلر آنارشی
 ایچنده بولنان مرکز دن قورونمق ایچون کندیلرینی بالذات اداره
 ایتمک صدده کلدیله . اوقراینه ، لهستان ، بالطق جمهوریتلری و فنلندیا

روسیه دن آیرلش اولدی . قازانده ، اوفاده ، اورنبورغده تشکل ایدن ملی تاتار و باشقرد آلایرینه استناداً تشکیلات ملیه وجوده کلدی . پترو غرادده بولنان بولشه ویک حکومتی ایسه هیچ دورمادن ده قرتلر (قانونلر) چقاریوردی . بوده قرتلری ایلهاو ، بیوک ایمپراطورلغک باشلامش اولان انقراضنی تسریع ایدیوردی . بوقانونلره کوره کویلی ملکدار اراضیسی ، املاکنی جبراً ضبط اتمکک و ایسته دیکنی کبی قوللانمایه صلاحیت پیدا ایدیوردی . ملتله دخی ایسته رلرسه روسیه دن بیله آریلابیلرلردی .

* *
*

بوئاننده قافقاسیانک وضعیتی نه ایدی ؟

وولغا بوینده کی تورکلر خدمت عسکر یه ده بولند قوزندن ، روس اوردوسنک انحلالی زماننده ملی آلایرلر تشکیل ایلهمش ، مسلمان شورای عسکر یسنی وجوده کتیرمش و بوسایه ده انقلابک ایلک کونلرنده مهم بر قوت تشکیل ایتدکلری حالده قافقاسیا مسلمانلرینک حالی پک مشکل ایدی . قافقاسیا جبهه سننده کی روس اوردوسی دخی انحلال ایدیوردی . ککل سرعتله کری یه دونن اوردو یوللرده تصادف ایدن اهالی اسلامیه اولماز تحقیر و تجاوزاتی اجرا ایدیوردی ؛ تورکیه حدودینه یاقین یرلرده مفسد لر طرفندن اشاعه اولنان بدخواهانه خبرلر اوزرینه دیسپلندن چیقمش صلداتلر (روس عسکر ی) یرلی تورکلرینی قتل عام لره تهدید ایله یوردی . « لئچ » ایدیلن مسلمانلر وقایع روزمره صره سنه کچمشدی . بو حال اودرجه ده شدت پیدا ایتشدی که پترو غرادده بولن تاتار شورای عسکر یسی ملتداش لرینک حمایه سی ایچون قافقاسیا یه بره یئت مخصوصه اعزام اتمک مجبور یتنده قالمشدی .

تفلیسده ماورای قافقاس قومیت‌می نام بر هیئت اجرای حکم ایدیوردی که بوقومیت روسیه حکومت موقت‌سنت نائی‌عداولنیوردی. پتروغرادده‌چارک موقی دو ما اعضا‌سندن تشکیل ایدن حکومت موقت‌یه کچدیکی کبی بورادده والی عمومی مقامی، ینه عینی دو ما اعضا‌سندن متشکل بوقومیت‌یه کچمشدی. بالا‌خره مرکزی حکومت کرده‌سکی‌یه کچدیکی کبی، ماورای قافقاس اداره‌سی‌ده تورک، کورجو و ارمنی سیاسی تشکیلات‌لرینک اشتراکی ایله تشکیل ایدن ماورای قافقاس قومیسر لکنه انتقال ایتدی.

بولشه‌ویک اختلالی ظهور ایتد کده روسیه مجلس مؤسسانه‌انتخاب اولنان اعضا ده قافقاسیاده بولنیوردی. بونور تفلیسده عقد اجتماع ایدرک « ماورای قافقاس سهیمی » نامیله بر مجلس وجوده کتیردیلر. بو مجلس تورک، ارمنی و کورجو مرخص‌لری ایله بر مقدار روس‌لردن عبارت ایدی. ماورای قافقاس سهیمی هم روسیه‌دن باقی قالان تورکیه - قافقاس جهه‌سنه عائد خصوصاتی بتیره‌جک، هم‌ده ماورای قافقاس مملکت‌سک حکومت و اداره‌سنی درعه‌ده ایده‌جکدی.

اوزمان با کواحوالی باشقه بر مجرا‌ده دوام ایدیوردی. بوراسی برصالیج مرکزی اولدیغندن عمله صنی چوق بولن بر شهر ایدی. اها‌سنتک ارچده برینی عمله تشکیل ایدیوردی. بو عمله اکثریا خارجدن کاتلردندر. روسیه‌دن کلزاری با‌خ‌صه‌بو‌اشه‌ویک فکر‌لری ایله مشبوع ایدیلر. بونلره ایران جهه‌سندن دون روس عسکر‌لری دخی علاوه اولونیوردی. باکو لیمانده‌کی عسکری و تجاری بحریه ط‌ف‌ه‌سی دخی - که اکثریسی روس‌دلر - آیریجه بر عنصر اختلال ایدی. بو کبی

عناصره استنادايدن بولشه ويكلر بوراده قوتلى بر « سوويت » تشكيل ايتملردى .

ماوراي قافقاسيانك هر طرفى تفليسده تشكيل ايدن « سهيم » حكومتى قبول ايتمشكن ، باكو سوويتى بونى قبول ايتمه يوردى . او ، پتروغراد حكومتى طانيوردى .

عيني زمانده با كوده يكي انتخاب اولونمش بر بلديه واردى . بلديه مجلسي « سوويت » ك عليهنده « سهيم » ك لهنده ايدى . بوجهتله ده شهر ايكي قسمه آيرلشدى . عمله قسمي « سوويتى » ، ديكر قسمده بلديه يي طانيوردى . يكدى كرندن متوحش بولنان ايكي قوت ، ايستر ايسته مز ، تصادم ايدجكدى . فقط بوزمانك حلولنى نه بو ، نه ديكر طرف ده ها تسريع ايتك ايسته ميورلردى . بر نوعله اداره مصلحت اولونيوردى .

« سهيم » ايله « سوويت » دن باشقه قافقاسياده برده ملي شورالر واردى : ارمنى ، كورجو وتورك ملي شورالرى . بومؤسسهرلك صفت رسميه لرى يوقسه ده ، سياست عموميه ده كي موقع ونفوذلى يك مهم ايدى . ماوراي قافقاسيا مسلمان شوراسنك مركز قوميته مى با كوده ايدى .

وقايع سياسيهنك انكشافي ايلريده ملي شورالرك برملى حكومت شكلنى احراز ايدجكلريني يك واضح بر صورتده كوسترييوردي . يوقارنده سويلنديكي وجهله روس اوردوسى انحلال ايديوردي . انحلال ايدن بو اوردويي عوض ايدبيلمك ايچون ماوراي قافقاس قوميسرلكنك امرى ايله ملي آلايلر تشكىل ايديوردي . كورجو وارمنى آلايلرى ايله برابر مسلمان آلاينك تشكىلى ايچونده امر

ویرمندی. فقط اولجده عرض ایتدیکم وجهله ماورای قافقوس مسلمانلری خدمت عسکریه دن معاف طو تولد قارندن بو امرک ایفاسی بک مشکل موافقه اوغرایوردی. مسلمان آلاینتک تشکیلی مباحثه و مناقشه حالنده ایکن کورجو و آرمینی آلایرینک تشکلی همان تمام اولوب تمشدی.

نه قدرکه بولشه ویکلر مرکزده حال مخلتده ایدیلر، ولایتلرده کی بولشه ویکلر مختاریت ملیه افکارینی ترویج ایدن تشکیلاته مظاهر کورونیورلردی. از جمله باکوبولشویکلری مسلمان حرکات ملیه سنه باتقه روس فرقه لرندن ده ازیاده تمایل ایدیورلردی. مثلاً، «مسارات» فرقه سی بورژووا فرقه سیدر، دیه معتدل روس سوسیالیستری طرفندن «سوویت» قبول ایدلمدیکی حالده، بولشه ویکلرجه منشه ویکلرله نئس-نئرلره ترجیح اولونیورلردی. [۱]

*
* *

پتروغرادده حکومتی آلد ایدر ایتمز (له نین) بوتون جهان مسلمانلرینه خطاباً بر بیاننامه نشر ایله مشدی. بویاننامه سنده او، اسارت آلتند بولنان شرقه پیغمبرانه برادا ایله حریت واستقلال وعد ایدیوردی. بو، بولشه ویکلرک دهاموقعترینی تأمین ایتمه دکلری ایلک کونلرده ایدی. فقط بولشه ویک حاکمیتی تقویه بولدجه «سوز» له «ایش» ک

[۱] منشه ویکلر سوسیال - دهموقرات مسالکنه سالکدرلرکه بولشه - ویکلرله آزالنده کی فرق انقلاب اجتماعینک ده صرهمی کله دیکنه قانع اولملری ایله ایضاح ایدرلر. نئس - نئرل روسیه یه مخصوص بر نظریه اجتماعیه محصولی اوله رق کویویه استنادله سوسیالیزم انقلابی پایه جغنی تأمل ایدن بر فرقه درکه حال حاضرده بولشه ویکلره معارضدر. نئس - نئر اسمی ایسه سوسیالیست ره وویلوسنه ردن محفقدر.

نہ درجہ دہ توافقی ایتمدیکی بردفعہ دہا تحقق ایتمدی : « تعیین مقدرات حق هر کسک دکل ، ارباب سعیک در » ، دیه اورتایه یکی تفسیر لر چیقدی . « آذربایجان مختاریتی ددموقراسینک دکل ، خانلرک ، بکلرک ، آغالرک در » دیه آدا دیکشیدی . (له نین) مرکزده موقعنی محکمہ لشدر دیکجه ولایتلرده کی « حواریسی » همان بررمر کریتجی و بیوک روسیه چی شکل و سیاسی آلمیه باشلادیلر .

تورکستانده کی قتل عام ، طاشکند حادثات خونینی ، قریم فاجعه سی ، کیفده کی قانلی وقوعات ، قازانده کی دشت هپ بو یوزدن حاصل اولیوردی [۱] .

آذربایجان مختاریتی آرتق سیاسی بر پروغرام شککنده میدانہ آتمشیدی . « مساوات » فرقه سی ایله ماورای قافقاس ملی قومیتہ سی بو پروغرامی تعقیب ایدیورلردی . بولشویک فرقه سنک مرج افکاری بولنان « باکینسکی رابوچی » غزته سی (باکو عملہ سی) بزملہ یابدینی برمنه قشده : « آذربایجان مختاریتی تورک بورژووازیسی نک مختاریتی در . بو مختاریته نه روسیه بورژووازیسی ، نه ده روسیه ددموقراتیسی راضی اولور . آذربایجان مختاریتی ایستہ یز مسواتچیلر نتیجه ده خرابه زار یولورلر » دییوردی .

غریبدرکه « مساوات » مفکورده سنه قارشى بوصورتله تهدیدکار

[۱] بولشویکلر ۱۹۱۷ نجی سنه سنده خوفند ، طاشکند ، قریم ، اوترایتاکی ولایتلرده مختاریت اداره دعواسیله کندی کندیلرینی اداره یه قالقان اهالی بی سلاح قوتیله تشکیل ایله مشلردر . مرکزی قازانده بولنان اسلام شورای عسکریسی ایله ، تاتار شورای ملیسی ، باشقردهستان جمهوری قریم قورولتای حکومتی کذا بولشویک حکومتی طرفندن قانلی برصورتده انحلال ایتمیرلشدر .

بر وضعیت آن بولشویک حکومتک ماورای قفقاسیا منلی (شائومیان) ک جینده روس اشغال اوردوسندن تخلیه ایدیلن تورکیه اراضیسی اوزرنده ارمنی مختاریتک اعلانه عائد (لهنن) امضاسیله ممضی بر ددقرت بولنیوردی. بو ددقرتله شائومیان «عصر لردن بری مظلوم ارمنی ملتک بکلهدیگی آمال ملیه یی قوددن فعله چیقارمق» ایچون ارمنی مؤسسه و تشکیلاتنه یاردیم ایتکله موظف ایدی. سائومینده کی بو وثیقه نیک تاثیر ایلد اولمالیدرکه بر آی اول باکو بلدییه سنده روس مجلس مؤسسانی داغیدان بولشه ویکلرد قارشی بومبار، مترالیوزلر صاحبان «داشناقسوتیون» فرقه سی باکو «سوویت» ی ایله صیق بر رابطه یه وعسکری براتفاقه کیرمش اولدی. (شائومیان) ک تحت اداره سنده بولنان «باکو عمله وعسکر سوویتی» ارمنی آلایلی و «داشناقسوتیون» فرقه سنک معاونتی تأمین ایله مسلمان تشکیلاتنه قارشی شدید بر خط حرکت اتخاد ایله دی. کوزلری اوکنده سربستهجه کزن ارمنی آلای نفیرلینی کورن مسلمان خلق، مسلمان آلاینک تشکیلی ایچون تفلیسدن کوندریلن ضابطانک «سوویت» ضابطه سنجه توقیف ایدلدیکنه شاهد اولنجه، بالطبع غایانه کلیوردی. بو صورتله کوندن کونه چونانان یاندریم (مواد احراقیه) نهایت بر فساد قیویلجمی ایله طوتوشدی؛ و ۱۹۱۸ سنه سی مارتنک ۱۷ سندن ۲۱ ینه قدر دوام ایدن قانلی مارت حادثه لرینه سبب اولدی.

بو حادثه ایله بولشه ویکلر بر چوق ولایت لرده یاپدق لری قانلی عملیاتی باکودده تطبیق ایدیورلردی. عمله وفقرا حاکمیتی نامنه «مساوات» فرقه سی ایله «ملی مسلمان شوراسنه» اعلان حرب.

ایدن « باکو سوویتی » ارمنی آیلری ایله بالاشترک ۱۰,۰۰۰ د قریب مسلمن قتل ایتدی. قتل ایدیلر میاننده اکثری عمله و فقرا صنفدن اولمق اوزره بیکلرجه قالدین ، چوجوق و سلاح طاشیالرینه امکان بولونمایان اختیارلر واردی .

باکو، تورک ملیت پرورلکنک مرکزی ایدی. روس پارتیسی بولنان بولشه و یک فرقه سی بومرکزی داغتمق ایسته یوردی. بو خصوصه او، روسیه نک تورکلره قارشی عنعنوی برمتفی اولان ارمنیلری بولیوردی. هم حقیقه مارت حادثه سی اناسنده وقوعه کلن قتل، برصنف مبارزه سنه قطعیا بگذرده میوردی. بو، هر هر نک بیطرف برمشاهد نظر نده، سلاح مدافعه دن محروم مسلمن خلقنک امانسز بر صورتده تجزیه سندن باشقه برشی دکلدی. طوپلر، مترالیوزلر، ارمنی عسکرینک یا بلم آتشلری ، آنه روپلانلر ولیمانده کی بحریه طوپلری هپ مسلمان محله سنه توجیه ایدلشدی . مسلمان محله سنک باشنه اود یاغدیریلیور، جهنم پوسکور تلیوردی .

عجبا مسلم نلغک ، تورک محله سنک قباحتی نه ایدی ؟

بو قباحت رسماً « مساوات » فرقه سی ایله « ملی قومیته » به عطف اولنیوردی. حالبوکه بو ایکی مؤسسهنک شوفسد اوکنی آلمق ایچون اجرا ایله دیکی تشبثلر ، اتحاد ایتدیکی تدبیرلر وثائق ایله مثبتدر . فقط بر ملته اعلان خصومت ایتک بولشه ویکلکه یا قیشمازدی . بونک ایچونده ، اوزلر ، « مساوات » ی بهانه ، « قومیته » ی مخاطب طوتیورلردی .

فقط نتیجه ؟.. اون بیک قدر مسلمان عمله و فقراسی مقتول .. « تازدپیر » مسجد جامعنک مناره لری مرمی ایله ده لشمس ، ملی تشکیلاته مخصوص « اسماعیلیه » خلق یوردی ایله تورک افکار عمومیه سنک

مروج افکاری بولنان « آجیق سوز » اداردخانیسی و « قاسی »
مطبعه‌سی یا قلمشدی . اهالی اسلامیه صیقی برتده‌یسه معروض قالمش ،
برچوق منوران توقیف و حبس ایدلمشردی .

بوخیج حادثه‌دن سوکره باکو تمامیه سوویت اداردسنه کچمش ،
ماورای قافه سیادن ایرلمش ، تقایسه قارشی محاصم بروضعیت آلمشدی .
باکونک بوسقوطلی اوزرینه ماورای قافقاس مسلمانلارینی تمیل
ایدن مرکز مسلمان قومیته‌سی ده داغیلمشدی .

بو حادثه‌دن سوکره بوتون ماورای قافقاس مسلمانلارینک توجهی
تقلیبده انقباد ایدن « سهیم » مجلسنه توجیه ایدلدی .

« سهیم » مجلسنده بولنان مسلمان اعضا مخصوص بر فراقسیون
تشکیل ایتمشردی . بوفراقسیون اولجه صرف مسائل تشریحیه ایله
موظف ایکن ، بعده مسلمانلره عائد بالجمله مسئله‌لری درعهده ایتک
ضرورتنده قالدی . « سهیم » ک مسلمان اعضنک خدمت ایده‌جکی محملردن
اوزاقده بولماسی موجود مشکلاته برقات ده انکلر علاوه ایدیو-
ردی . بوسردهده وقوعات برطاقم فاجعه‌لر احداثیه وضعیتی ده زیاده
وخیلمشدری-وردی . ماورای قافقاسک جنوب غربنده وقوع بولان
قانی حادثه‌لر نظر دقتی جلب ایدیوردی . اولجه روس اوردوسی طرفندن
حرب زماننده اشغل اولونان تورک اراضیسی داخلنده ، سوکردهده
قارص واریون ولایتلرنده کی مسلمانلرک ارمینلر طرفندن قتل عامه
معروض قالدقیرینه عائد یکدیگرندن ده دهشتن خبرلر آلییوردی .
بر طرفندن باکو قتل عامی ، دیگر طرفندن ده اریوان و قارص
هائله‌لرینه معروض قالان ماورای قافقاس مسلمانلرک اوکونلرده
کچیردیکی فاجعه‌لر حقنده برآز فکر حاصل ایتدیرمک ایچون

۱۵ نیسان ۱۹۱۸ تاریخلی سالف الذکر «مسلمان فراقسیونی» مضبطه سندن مستخرج سطرلری آشغی یه قیدایدیوروز :

«تقلیسه کلن روم مهاجرلری قارص ولایتندمکی مسلمانلرک حالنی بویله تصویر ایدیورلر : تورک اردوسی قارشوسندن رجعت ایدن ارمنی عسکری قطعه لری ومسلح ارمنی قاققینلری رهکنارلرندمکی مسلمان کویلرینی یر یوزندن سیله رک هر برشیی آتش وقانجندن کچیریور و تصوری ناقابل بردهشت وفلاکته دوچار ایدیورلر . « غالب » ارمنی اردوسی حربی غنیمتله ، یعنی سونکو واوجنه طاقلمش سود اهر چوجقرله کچککری یوللر اوزرنده مسلمان قادیلرینی چیپلاق صویوندوریلر روملرک روایتنه کوره بوجهم عنانی کورمش ، چیلدرمش قادین وچوجقرلک یورک پارچه لایان اینلرینی ، اختیارلرک امیدسز ناله لینی دیکلهمک ایچون مافوق البشر بر اعصابه مالک اولمالیدر . سکسان ایکی کویدن فضلہ بر سانجق بو تصویرنی ناقابل فلاکته دوچار اولشدر . » [۱]

زنکین قارص ولایتنک ، قاپتان موسه سیان ایله جنرال آردشوفک ایقاع ایتدکری دهشت ووحشتلر یوزندن ، واقع اولان خرابیسی ۱۹۱۵ سنه سی حرب عمومی زماننده روس قازاقلری طرفندن یاپیلان فجایی اونوتدیرمشدی .

اریوان ولایتندن کلن خبرلر دهشت اعتباریله بوندن اکسیک دکلدی . « سهیم » طرفندن اریوان حادثاتی تحقیق وفلاکتزده لره معاونت مقصدی ایله کوندیریلن هیئت مرخصه رئیس وکیللی ابراهیم آغانک راپورینه نظراً اریوان ولایتنده ۲۱۱ مسلمان کوی خاگ ایله یکسان ایدیلوب قاققینلرک (مهاجرلرک) عددی یوز بیکه وارییوردی .

بوحادثه لرک ، تصادفی دکل ، مستقل ارمنستان قطعه سنده ملی بر


[۱] باکوده مطبوع « استقلال » مجموعه سندن مقتبس در .

اکثریت قازانمق ایچون مرتب برپلان اوزرینه اجرا اولوندیغی تخمین
اولونیوردی.

شو صورتله انکشاف ایدن وقایعک اوگنه کچمک ، وسائل
اجرادن محروم وعسکری برقوته استناد اتمه ین مسلمان « سهیم »
فراقسیوننک امکافی خارجنده ایدی. یاپیلان تشبیلر، بالطبع، حادثاتک
مقیاسیله غیرمتناسب، موقت چاره لردن عبارت ایدی.



قاردهش تورکيه نك امدادی



بولشه ويكلر، آذربايجان توركلكنك روسيه اختلال كيري طرفدن
دخی اعلان اولونان « تعین مقدرات » حقدن استفاده قالدیغی،
باکو سوقاقلرنده آقدیقلری قانلرده بوغمی، « اسماعیلیه » بناسنده
یاقیلان حریت مشعلنی، او محشم بنانك اتقاض ورمادی آلتنده
سوندیرمك ایسته دیلر .

بویله مدهش بر جنایت تاریخیه وقوع بولدینی زمان، مایت
فکر وایده آنی تمیل ایدن مسلمان مبعوثلر تفلیسده ایدیلر . او
زمان تفلیسده انعقاد ایدن « سهیم » مجلس مشترکی، بروجهمذکور،
بر طرفدن چاریزمدن توارث ایدن قافقاسیا جبهه سنه عائد مسائلک حلی،
دیگر طرفدن ده روسیه دن ابدیاً آریلار ق اعلان استقلال ایتمک
مسئله سنی تدقیق ومذاکره ایتمکله مشغول ایدی .

سه یمده کی مسلمان مبعوثلرک بتون همترلی کرک جبهه مسائلنک
مصاحانه بر صورتده تسویه سی، کرک قافقاسیا استقلالنک بر آن
اول قوه دن فعله چیقارنماسنه معطوف ایدی . چونکه روسیه دن
آری، مستقل بر قافقاسیا تأسیسی ایچون بوندن ده ائی بر فرصت
کله میه جکنه قانع ایدیلر . مستقل بر قافقاسیا، یالکز قافقاسیا مسلمانلرینک

دكل ، دائماً روس تهديدى تحته بولنان ديكر اسلام مملكتلرينك
دخى منافعى اقتضاسندن ايدى . باكو فاجعهسى ، ذاتاً مسلمانلرك
بوسياسى « جنائتكار » تامليرينه مقابل ، بولشهويكلر طرفندن ترتيب
ايديلن برجزا ايدى .

بالطبع ، باكو ، تفليسك معاونتى بلكه يوردى . يالكيز باكو دكل ،
بوتون آذربايجان ، آذربايجانلرك اشتراكى ايله تشكىل ايدن ، « سيم »
مجلسى ايله ماوراي قافقاس حكومتك بومعاوتنه انتظار ايدىوردى .
فقط ، هيات ! آذربايجانلى « سيم » اعضاسنك يوكسك صدا ايله
باغروب چاغرماسى تفليس حكومتك حقيقى صاحبلى اولان كورجو
منشهويكلرينه لزومنه تاثير ايدمدى . كورجستان داخلنده كى
بولشهويزمى بيك شدت وقهرلرله باصديران بوافنديلر ، با كويه
قارشى قورو اعلان حرب بيله اتمك ايسته ميدلر . كنجه مى مسلمان
قوميتسنىك تشكىل ايتدىكى استخلاص اوردوسنه مياونلرله فشك ،
اونلرله متراليوز وبرقاچ طوپ وعد ايدلديسه ده ، بو وعدلر حقيقه
طوتولمادى . تفليس مطبوعاتى ايسه ، باكونك آذربايجان « باشى بوزوق »
قوتى ايله استردادينه قارشى ، « وقعۀ ارتجاعيه » ديه ، پروتستو ايتدى .
نهايت ، « تورك تهلكهسى واركن ، بولشهويكلرله مخاصم اولاماز »
ديه آلدقلى بوغريب وضعيتى عجيب ايضاح ايتديلر .
بوصرده « سيم » ده كى ارمنى قسمنك خط حركتنى ايضاحه
احتياج وارميدر ؟.....

مسلمانلرك انتقامندن ، تفليسك معاونتندن قورقان عصيانكار باكو
بولشهويكلرى ، اولجه تدافعى بروضيت آشكن ، بودفعه جسارت پيدا ايدرك
تعرضه كمشلايدى . باشده آمازاسپ ، آوديسوف كى ارمنى فدايىلرى

و پتروف کی درس طوطیگیری اولدین خالد کنجهیه دوغرو یورین بو متجاوز قوتدن اول امرده، شاخی متضرر اولدی. اسکی شیر و انشا اهلرک بو قدیم پای تختی بر حمله ده آتسه ویریلوب مشهور تاریخی جامعہ و ارنجهیه قدر یاقیلدی؛ یالکز ارمنی محله سی سلامت براقلدی. بالا آخرد، مقابل تجاوز یاپان کنجه قوای مدافه سنک شهره کیروب چیقماسی اوزر بن سلامت قالمش اولان بو محله ده یاندی. یا ناق یالکز ایکی کلیسا قالیوردی .

شاخی نك دوچار اولدینی تجاوزده لسكران ، سالیان ، قوبا ، نواحی و کورد میر کبی قضا شهر و قصبه لری دخی معروض قالدی .


بو تجاوز لر ائسندده یاقیلان خانانلرک ، قیلان عرض و ناموس لرک ، کسین قاری قوجه لرک ، یغمایه کیدن مال و مواشینک تصویر ی غیر قابل تصور برر فاجعه تشکیل ایدر .

تهلکه آرتق کنجهیه کلمشدی . بر طرفدن کنجه تحت تهدیدده ایکن ، دیگر طرفدن ده قره باغ ارمنیلری باکو بولشه و بکلری ایله برلشمک اوزره بریلان ترتیب اییدیورلردی : آذربایجانک آتش ایله قیلیجدن کچیرلمه سی پلانی !


معلوم آ ، ش- ئومینک غزته سی « مختاریت دکل ، خرابه زار آلاچسکز ! » دییوردی .

بویله بر تهلکه قارشوسندده ماتی مدافعه ایدجک یالکز بر کنجه قالمشدی . کنجه ، عهد سنه دوشن بو آغیر وظیفه نی تک باشه دوام ایتدیرد مزدی . مدافعه کونلری اوزاندقجه رشته امور آلدن چیقور ، بولشه ویک آله کچمه یین یرلرده دخی شدتی بر اطعتمزک و انارش ی ظهور ایدیوردی .

بو دورته حیات طبییه سن تهید ایدن بر تهلکه یه قارش ی ،



مجلس میونسپال ایالت جلسمسی : شورای ملی رهیت وکلادن بعض ذوات



مجلس مہورتانک ایٹک جلسہ سی : مہورتین ہیٹ عمومیہ سی

حاکمیتی قبول ایله مش تفلیس حکومتدن لاقیدلق کوزن آذربایجان
افکار عمومیه سنده، پک طیبی اولارق، بر ایمان دوغوردی. بومشکل
وضعیتدن مات قورتاراجق یکانه برچاره واردی :
— تورکیه !

امیدلر هی اورایه معطوف ایدی . « اوقاردهش ملت کله جک ،
بزی دشمن آلدن قورتاراجق ! » . خلقک بوندن باشقه برامیدی
قاله مشدی .

حالبوکه مسئله بو قدرده بسیط دکلدی . کنديسني روسیه دن آری ،
فعالاً مستقل برحاله اداره ایتمکده اولان ماورای قافقاس ، تورکیه
ایله صالح عقد ایتمک ایسته دیکی حالده ، مقصدینه ده موفوق اولامیوردی .
تورکیه ، ماورای قافقاس حکومتی نامنه طرزونه کیش ، ۱۹۱۴ سنه سی
حریتدن اولکی قافقاسیا حدودینک ایتاسنی ایستین ، هیئت مرخصیه
« بردست - لیتووسق » معاهده نامه سنک تمیله قبولی تکلیف
ایدیوردی . بو تکلیفه کوره : ماورای قافقاس حکومتی وقتیه
تورکلردن تضمینات حربیه مقابلی اولارق آلتان قارص ، آردهان
و باطوم الویه ثلثه سندن صرف نظر ایتمیلیدی ؛ بو ولایتیری بولشه ویک
حکومتی بردست - لیتووسق معاهده سی ایله ترک ایله مشدی .

وضعیت بو صفحه یه دو کولنجه ، طرزون مذاکراتی اولدجه جدیدله -
شیوردی . آرمنیلرله کورجولر ، « حرب ایتمه دن تورکیه یه تسلیم اولمیز » دیو -
رلردی . بر طرفدن بولشه ویزم ، دیگر طرفدن ده آرمنی و کورجو
جنسک جوانی آراسنده قالان مسلمانلر پک مشکل بر موقعدده بولنیورلردی .
مع مافیه احوالک جدیدتی درک ایدن طرزون هیئت مرخصیه سی
آرمنی ، کورجو و تورک اعضاسنک اتحاد آراسیله تورکیه اولتیماتومنی

قبوله قرار ویرمشکن ، « سهیم » مجاسی کور جو منشه ویکلری ایله
آرمنی داشه ققرینک اکثریتیه حربه قرار ویرمشدی .

قونفرانس انقطاعه اوغرامش ، حرب باشلامش ، هیئت مرخصه
تفلیسه عودت ایتمشدی . فقط هیئت تفلیسه کانجهیه قدر ، حربده
عادتا بیتمش ، باطوم سقوط ایله مش ، قارص محاصردیه آلمشدی .

آرتق تحمل ایتک ممکن دکلدی . حرب دورمالی ، صلح عقد
اولونمالی ، ماورای قافقاس استقلالی رسماً اعلان ایدله لیدر ؛ یوقسه
بز آریلیر ، کندی باشمزک چاردسنه باقارز ، دیه « سهیم » ده کی
مسلمان اعضا صوک چاردیه توسل ایتمشلردی .

یا کلش ماجرایه قاپلدققرینی و ماورای قافقاس خلقنک بویله
بر حربه قطعاً مهیا اولمادیغنی درک ایدن کورجولر دخی بوندن .
باشقه بر چاره قالمادیغنه قانع اولدیلر . جنکجو (قه کچتوری)
حکومتی اسقاط ایدوب یرینه صلحجو (چهنکلی) قابینه سنی کتیردیلر .
باطومده یکی مذاکرات باشلادی . (چهنکلی) طرزونده کی
تورک مطالباتنک آرتیه جغنه امیدوار ایکن ، حقیقت تصور ایله دیکی کبی
چیقمادی . باطوم ایله قارصده دو کولن تورک قاننه استانبول
حکومتی ، خون بها اولارق ، یکی بر طقم اراضی طلب ایدیوردی .
آخسخه ، آخالکلک ، آکساندر و پول ، سورمه لی ونخچوان قضالری
بو طایب تشکیل ایدیوردی .

ماورای قافقاس هیئت مرخصه سی ایله تورک هیئت مرخصه سی
باطومده مشغول مذاکره ایکن ، نوری پاشا ایله برابر معیتده بولنان
بر قاق ضابطایران وقارا باغ طریقیه کنجهیه وارد اولمشلردی . اوزمان
مدهش بر آنارشیه معروض ، دیگر طرفدن ده بولشه ویک تجاوزی

ایله تهید اولونان کنجه، نوری پاشانی کو کدن اینمش خلاصکار برملک
کبی تلقی ایتشدی . خالق کندیسنه یابدیغی استقبال کنجه تاریخنده
کورولمه مشدر .

باطوم مذاکراتی برچوق مشکلاته معروض قالیوردی . مذاکرات
اوزانیوردی . کورجولر آرتق ماورای قافقاس حکومتی جریئنده
قالمای کندی حسابلرینه ضررلی کورییور، آل آلتدن آلمانیا ایله
آکلاشیورلردی . تورکیه ایله متفق آلمانیا آراسنده کی اختلاف
کورجولره بویله بر حرکتک مفید اولاجغنی تلقین ایدیوردی .
نهایت أمر واقع اولدی . مایسک یکرمی آلتیسنده گورجستان، ماورای
قافقاسیادن آیری، کندی باشنه مستقل برجمهوریت تشکیل ایتدیکنی
اعلان ایله دی .

گورجیلرک ماورای قافقاس فهده راسیونندن چیقما لری اوزرینه
حکومت متحده پارچه لانیمش ایدی . بونک اوزرینه سه یمده کی مسلمان
اعضا دخی، گورجیلر کبی، کندیلرینی آذربایجان شورای ملیسی اعلان
ایتدیله . ایکی کون صوکرده، مایسک یکرمی سکزنده، شورای ملی
آذربایجانک استقلانی اعلان وبو کیفیتی ۳۰ مایس تاریخلی تعیمی ایله
بتون دولتله بیلدیردی . [۱] شورای ملی اعلان استقلال ایله برابر
آذربایجان حکومتی دخی تشکیل ایله دی . ایلك حکومت ، تفلیسده
آذربایجان حرکت مایه سنک دشمنلری طرفندن قتل ایدیلن مرحوم فتحعلی
خانک تحت ریاستده تشکل ایتشدی .

ماورای قافقاسیا حکومتک انجالی ایله باطومده کی هیئت مرخصه

[۱] « آذربایجانک تشکیلی » نام رساله یه مراجعت اولمالی .

دخی بالطبع انحلال ایله مشر ، اونک مقابله آذربایجان ، گورجستان
وآرمنستان هیئتلی منفرداً صلح مذاکره سنی ادامه ایتدیرمشدردر .
باطومده ۴ جزیرانده دولتعلیه نامنه عدلیه نظری و برنجی مرخص
خلیل بک ایله شرق اردولری قوماندانی وایکنجی مرخص وهیب پاشا
حضرتلی ، آذربایجان نامنه شورای ملی رئیس رسول زاده محمدامین
و خارجه نظری محمد حسن بک طرفدن بر مخادنت عهدنامه سی
امضا ایلدی . بو معاهده نك ۴ نجی ماده سنه بناء مملکتک امنیت
و آسایشی اعاده ایتک اوزره آذربایجان جمهوریتی تورکیه دن معاونت
عسکریه ایسته مک حقی حائز ایدی .

آذربایجانک نه کی مشکلاته معروض قالدیغنی و بوتلمکلی مشکلاتدن
چیقاییامک ایچون تورکیه نك معاونتته محتاج اولدیغنی ، آذربایجان مملکتلی
طربزون ایله باطومده تورکلره واقع اولان تاسلری ائناسنده کرک
شفاهاً و کرک تحریراً آکلامشدردی . بوکره آذربایجان شورای
ملیسی نامنه بز و خارجه نظارتی نامنه ده محمد حسن بک سالف الذکر
معاهده نك ۴ نجی ماده سنه استناداً تورکیه حکومتنه مراجعتله قوای
امدادیه ایسته دک .

بوتون آذربایجان خلقنک چارچشمه بکله دیکی امیده تر جان اولان
بو مراجعتمه زه تورکیه هیئت مرخصه سی هان موافقت جوابی ویردی .
فقط گورجستان طریق ایله کیده جک اولان قوای امدادیه ، آلمانیا
حکومتک کوستردیکی مشکلاتدن دولایی ایسته نیلیدیکی بر سرعتله
یتیشه میوردی .

شرائط و وقایع فوق العاده اچریسنده اعلان استقلال ایدن
شورای ملی کنجه یه نقل ایتدی .

حزیران آینک ۱۶ سنده عقد ایله دیگی تاریخی جاسه سنده شورای ملی، فتحعلی خانک ایکنجی قاینه سنی تشکیل و بوتون اختیار آتی مذکور حکومت حواله ایده رک، احوال فوق العاده حسیه، کندیسسی تعطیل مذاکرات ایله دی. مجلسک بو خصوصده اتخاذ ایله دیگی قرار بروجه آتی ایدی: « آذربایجانک کچیرمکده اولدیغی مشکلات داخلیه و خرجیه بی نظر اعتباره آلاق، آذربایجان شورای ملیسی، بوتون حقوق و صلاحیتی فتحعلی خان خویسکی تحت ریاستنده تشکل ایدن قاینه یه حواله و مذکور قاینه بی آرای عمومی اوزرینه مستند بلا تأخیر مجلس مؤسسان دعوت اولونجه یه قدر آذربایجان حق حاکمیتی کندی آئنده بولندیرارق کیسه یه ترک ایتمه یه موظف ایدر. » آذربایجان شورای ملیسنک شو صورتله تعطیل اوزمان کنجه ده حصوله کان برطاق سیاسی مبارزه لر نتیجه سنده حاصل اولمشدی . بو مبارزه، مملکت اصول اداره سنه عاقد ده موقراسی جریانلرله آریستوقرات ذهنیتلر آراسنده وقوعه کیوردی . هر طرفدن دشمن بر قوتله محاط اولان مملکتده بو کبی مبارزه لری بر زمان موقت ایچون بر طرف ایتمک لزومی واردی . بولوزوم صلاحیت واسعه بی حائر بر حکومت تشکلی صورتیه تأمین ای دیله بیلمشدی .

آذربایجان تاریخ تشکلنده وقایع مهمه دن اولان بو حادثه ائناسنده شورای ملی نکه نه کبی حسیات ایله متحسس اولدیغی کوسترمک ایچون رئیسسی اولمق صفتیه سویله دیکمز اختتام لفظی قسماً بورایه درج ای دیوروز :

« ... اومت ، افندیلر ، آذربایجانک موقت پای تختی اولان کنجه ده ، ناقص ده اولسه ، حاکمیت ملیه بی تمثیل ایدن بر مؤسسسه نکه شو صورتله میداندن چکیلمک مجبور ائتمده قلمسی ، هیچ شبهه سز ، ده موقراسینک بر رجعتی وقوای مرتجه نکه بر موقتی در . بورجعت آق و پاک قوتلرله مقابل قارا و ناپاک قوتلری تقویه ایده جکدر . بونقطه نظر دن کورولنجه ایلمک باشده بزم حاملر او قرائینانک

حالتہ بکڑہ یور کبیر . بوحالہ بزده روسیہ مقاصد انقلابیہ سنک افلاسنہ
 دائر بر عقیدہ حاصل ایتدیریور . فقط ، افندیلر ! ظواہرہ قالیلم ، سطحی
 دوشونمہلم ، پکده مایوس اولیلم . روسیہ انقلاب عظیمی ، ہرنہ دیرلرسہ
 دیسینلر ، قطعاً افلاس ایتدی . روسیہدہ انقلاب نہیاباجدی ؟ بو سوآلہ
 « نیوک روسیہ » فکری ایلہ مسموم اولان روس انقلابجیلری نقطۂ نظرندن
 دکل ، انقلابک کندی طبیعتی تحلیل ایدہرک ، جواب ویرمہ لیدر . بویلہ
 باقیلیرسہ ، روسیہ انقلابی مظلوم ومغدور صنفلرلہ محکوم ملتلی آزاد ایتمہ لیدر .
 مغدور صنفلر ، تقدیر ایدہلم کہ ، ایستہ دیکلرندن فضلہ سنی آلدیلر . ملتلر ایسہ
 بز بر کسب استقلال ایدیورلر . انقلاب ، دنیاک آتیدن برنی طوتان
 نیوک روسیہ یاراتقلہ می موظف ایدی ؟ قطعاً دکدی . افراطہ واران صنف
 حریتلری البتہ کہ تقیید اولوناجق ومعتدل برشکلہ کیرہ جکدر . چونکہ حریتک
 یوشکللی ، ہیچ شہہ سزکہ ، حریت دکل بر آفتدر . فقط بو بولہ یاپیلہ حق
 رجعت ، امینم کہ ہر حالہ انقلابدن اول موجود اولان حدودک اوتہ سندنہ دکل ،
 بریسنہ توقف ایدہ جکدر . دیمک احوال اولکینہ نسبتلہ ہر حالہ این اولاجقدر .
 « افندیلر ! بن سابق روسیہ اراضیسنہ کذران ایتکدہ اولان وقایعہ
 بویلہ باقیورم . بوکا کورہدہ حالا امیدلرملہ برابر یاشیورم . بیلورم افندیلرکہ ،
 آذربایجان روسیہ انقلابیک وضع ایتمش اولدیغی مثبت نظریہ لرلہ ، اعلان
 ایتدیکی اقایم حریتدن صوک درجہدہ استفادہ ایدہ جکدر . ایستہ مستقل
 بر آذربایجان : سیاسیہ کسب حریت واستقلال ایدہ جک آذربایجانہ اجتماعی
 حریتلر وحقوق بشرہ عائد دستورلر ہر حالہ مستبد روسیہ زمانندن دہا
 کنیش ، دہامساعد اولاجفنہ شہہ ایتم . حتی ، افندیلر ، سویلہ مک ایسترم کہ ،
 آذربایجان قفقاسیہدہ اک حریت پرور و انقلابی تصور اولنان کورجستاندن
 دہا مسعوددر . چونکہ بورادہ ، بزم داخلی حریتلرمزہ اجرای نفوذ ایدن
 و ایدہ جکی متصور بولنان قوت یابانجی بر قوت دکل ، اوز قوتمزدر . (آلقشلا)
 بورادن استقبال ، نیوکوشانلی برملک مختلف شعبہ وبوداقلرنی توحیدہ دوغرو
 کیدہ جک کہ عین مقصدمزدر . (آلقشلا) . اجتماعی وحقوقی حریتلرہ ، بالفرض
 غایب ایتسہ کییلہ ، سیاسیہ قازاناجق ، تلافی مافات ایدہ جکسز . حالہ کہ اوقرابنا
 ویاکورجستان اولہ دکدر .

نظر نند، مساعد بر زماننده اولدیغیزی، تورک اتحادی ایچون فرصت اله چدیکتی اونو تعیم . بوتون مساعیمزی بوحریت سیاسیته تک تثبیتنه صرف ایده لم . بونک ایچونده هر دزلو فداکاراغه آماده بولونالم ... »

یوقاروده مقتبس قرارنامه اوزرینه شورای ملی طرفندن مملکتک اداره سنه موکل اولان حکومت بر آن اول با کوی استرداد ایده جگدی . نوری پاشا معیتده کی اوردونک معاونتی ایله آز بر زمان ایچریسنده ، با کو ولایتندن ماعدا ، بالجمله آذربایجانده امنیت تمام تأمین ایدلدی . یالگنز با کو ایله حوالیسی بولشه ویکلارک النده ایدی . بونلر آراسره خروج یاپارق تجاوزده بیله بولنیور لردی . ۵ - ۶ آیلق برفرصدن بالاستفاده بولشه ویکلر اولدقجه مهم بر مدافعه قوتی حاضر لامش لردی .

خارجدن ، آذربایجان وتورکیه قوای ملیه سی طرفندن ، تضیق اولنان بولشه ویک - داشناقسیون قوتی داخل صا رصیلیور ، آرالینه نفاق کیریوردی . بالاخره محصور بولنان با کوده بولشه ویک دیقتاتو - راسنه قارشی بر اختلال ظهور وموقع اقتدار ، ارمی آایلری ایله با کو لیم ننده کی بحریه لیلره استناد ایدن ، ارمیلرله روسلردن متشکل بر (دیرکتوار) ه انتقال ایدیور . بودیرکتوار انکلیزلری با کویه دعوت ایدیور . او زمان ایرانده بولنان انکلیز قوماندانلنی واقع اولان بودعوت اوزرینه با کویه عسکر چیقاریور . وضعیت بوشکله کیرنجه تورکیه دن یکی قوتلر جلبنه لزوم کورولیور . آلمانلر ایسه - یوقاریده ذکر ایدلدیکی وجهله - کورجستان طریق ایله با کویه کیدن تورکیه قوای امدادیه سنی توقفه اوغراتیورلر . بونک اوزرینه با کونک استردادیده ایلولک اون بشنه قدر کچیک کیور .

نهایت قانلی بر مقابله و عنود بر مقابله دن سوکرده ، قاردهش



مجلس مبعوثان حال اجتماعه آئین . ديمولرك آرقه سنده وندا كراتي استقاي ايدر سامه لمر

خلاصه جان آتان قهرمان محمدجکک تورک و جدتی تاریخده آلتون حرفلره یازیلماق بر فداکارلیغیه آذربایجان قوان ملیه سی کندی پای تخته کیریور . آلتی آی تمام خون جگر یین اهلی اسلامیه نک یوزی کولیور . قربان بایرامی کبی مسعود بر کونده باکو تکرار کندی صاحبزینک ائنه کچور .

او زمان بز استانبولده ایدک . وسطی آوریا درنلرینک اشتراکی ایله طویلاناجق قونفرانسه استراک ایچون دیکر فافاسیه جمهوریتلری ایله برابر آذربایجان جمهوریتنی تمثیل ایدن هیئت مرخصه ریاستده بولنیو . ردق . اودورک حبیه ناظری وباش قیرماندان و کیلی بولنان انور پاشا حضرتلری تلفون ایدیورلردی :

— امین بک ، باکو آلتدی !

بو قیصه خبرک بنده تولید ایتدیکی تأثیری قابل دکل تصویر ایدم . و او تأثیری حالا اونوتامینورم .

بوندن برقاچ کون اول آلمانیا حکومتک بر قرارینی پروتستو ایتمشک . آلمانیا دولتی بولشه ویک حکومتی ایله بردست — لیتووسق معاهده سنه ذیل ارلازق پایدینی بر معاهده موجبنجه باکو ولایتک تا کور نهرینه قدر روسلره ترکمه رضا کوسترمش ، مقابله کندیسنه پترول امتیازینی تأمین ایله مشدی . استدمز احمد بکک تعیری وجهله زری برتنکه غازه صائمشی . بومناسبتله بزه مراجعت ایدن غزته جیلره « باکوسز آذربایجان باشسز بدتدن ! » دیمشک .

قافاسی مشهور کییوتین منکنه سنده بولن بر آدامک خلاصی ناصل بر حیات نوین ایسه ، باکونک استردادنی دخی او ناسبتده اعجاز کار بر وقعه ایدی . هم حقیقتاًده او یله ایدی . سوکرده ، منحوس بر اختلال

نتیجہ سندنہ مزارلری منسی قالان آناتولی محمدجکلری با کودہ کی
شہادتلری ایلہ تورکلکہ یکی بر سیاسی وجود اعطا ایدیورلردی .
مادتاً منسی، فقط معناً بوتون قبلرده مدفون بولنان بوقهرمان
شہیدلر یالکز با کودہ می درلر ؛ نخبواندن ، قرہ باغدن ، شماخیدن ،
کنجہ دن تا با کویہ قدر بریر وارمی کہ اورادہ بویہ بر فداکار
یا تاسین ؟!...

اودت، آذربایجانک هرجهتمده شاعرک تصویرایتدیکی « صارماشیتلی
بر مزار » بولورسکیز کہ « قیزلر ، کلینلر » طرفندن زیارتکاد حالنه
قونیلان بو مزار ، قارداش امدادینه قوشان « تورک » مزاریدر .

موندروس متارکھ سنک قافقاسیادہ کی نتایجی



تاریخک دھا باشقہ جلوہ لری وارمش .

تورکیہ، موندروس متارکھ سنی عقدایتمک مجبوریتندہ قالدی . بزدم
بکلہ دیکمز قونقرانسک العقادینی کورمہ دن کری دونیوردق . «یوروک
واپوری» شالڈن شدتله آسن مخالف بر روز کاره قارشی بوغازدن
چیقیور ، بزی باطومہ دوغرو کوتوریوردی .

تشرین اول صوکلرینہ دوغرو با کودہ ایدک . هنوز سهوینن
سیمالردہ درین براندیشہ کورونیوردی . تورک اوردوسنک کیدہ جکی،
انکلیز اوردوسنک کلہ جکی خبری هر کسی مضطرب ایدیوردی .

عجبا نہ اولاجق ؟ انکلیزلرلہ برابر روس اردوسی ، آرمنی
مفرزہ لری دخی برابر دونه جکلر ، کیم بیلیر اھالیڈن نہ کبی انتقام
آلاجقار ؟...

نوری پاشا ، انزلیدہ بولنان متفقین قوای عسکریہ سی قوماندانی
جنرال (طومسون) دن موندروس متارکھ نامہ سی موجبہ برہفتہ یہ
قدر با کونک ، بر آہہ قدردہ بوتون قافقاسیانک تخلیہ سنی طلب ایدیوردی .
نوری پاشا ، کنڈیسنک آذربایجان خدمت عسکریہ سنہ کچدیکنی ایلری

سوره رك، با كوده قالمق تشبشنده بولنديسه ده، فائده ويرمه دي. طومسونك اولتيا تومي قطعي ایدی. باشقه هیچ برتاویل و تفسیره امکان بر اقا بوردی. اوزمان مقام صدارتده بولنان توفیق پاشانك بر تلغرافی كلیدی. بوتلغرافده متار كه نك ماده مخصوصه سی احكامنجه عثمانلی عسکر لرینك آذربایجانی تخلیه اتمه لری ضرورتی خبر ویریلیوردی. آنا وطنی مشكلاته سوقق ایسته مهین ضابطان استانبولدن كلن امره تبعیت ایتك قرارینی ترجیح ایدیوردی.

با كونك استردادندن سو كره شورای ملی تکرار طوپلانمشدی. (۱۶ تشرین ثانی) مملكتك بعضی اقسامی ایله شورای ملیده بولونمیان ملی اقلیتله دخی مثللرینی كوندرمك ایچون شورای ملی یکی برقانون وضع ایدیوردی. بوقانونه كوره ۱۲۰ مبعوئدن متشكل بر مجلس طوپلاناجق، یکی تخذت ایدن احواله موافق مشترك بر حكومت تشكيل ایددجكدی. اونوتولیه جق آغیر بر كون. تشرین ثانینك ۱۷ سی. انكلیز باندره سی ایله چار روسیه سنك بایراغنی حامل اولان فیلو با كو لیمانه یاناشیوردی. بر آز اول با كودن رجعت ایدرك انزلیمده تحشد ایدن بوقونك با كوده اوطور مقده اولان آذربایجان حكومته قارشی آلاجنی وضعیت نه اولاجقدی؟ - بللی دكل.

تورك اوردوسی چكیلمش، آذربایجان قطعاتی دخی یوق. چونكه كلن قوماندانق آذربایجان قطعانی دییه عسکر طانیا یور. آذربایجان عسکری نامنه منتظم بر قوت ذاتاً یوق کی ایدی. قوماندان نوری پاشانك اوزمان شورای ملی رئیس صفتیه بكا یازدینی بر مکتوبدن آكلا شلدینی وجهله یكونی آنجق ۱۵۰۰ كیشیدن عبارت اولان آذربایجان عسکرینك طوپلو اولارق بریرده بولونمایوب مملكتك مختلف نقطه لر نده طور دینی

آکلاشیلوردی . آذربایجان حکومتی بو کون با کوده تقویه ایدن قوت یالکز ۵۰۰ کیشیک بر میلیس (پولیس) نفر لردن عبارت ایدی . فرضاً قوت اولسه بیه ، آلمانیک ، تورکیانک تسلیح اولدینی بر قوته قارشی آذربایجانک حرب آچاسی بالطبع عقلمه بیه گلزدی . بناء علیه مسئله یالکز دینلوماتیک وسیله لرله حل ایدیه جکدی .

اوچ کون اول صورت مخصوصده کوندریان هیئته [۱] انگلیز قوماندانک صولک سوزی بو اولمشدی که : « بزم بیلدیکمز ، آذربایجان خالقنک آرای عمومیه سندن دوغمه بر جمهوریت یوقدر ؛ یالکز تورک قوماندانلنک انترقیه سی ایله تشکل ایتمش بر حکومت وار . مادام که سز بونک عکسنی ادعا ایدیورسکز ، او حالده کلیر ، محالنده تدقیق ، اوکا کورده قرار ویررز »

بو « قراره » متوکلا نه انتظار ایدن آذربایجان حکومتی انگلیز قوماندانلغنه ویردیکی نوطه ده متفقلرک شو صورتله آذربایجان طوبراغنه ورودینک آذربایجان استقلال و تمامیت ملکیه سنی محل اولامیه جنی امیدینی درمیان ایدیوردی .

۱۷ تشرین ثانیده ایکی باکو واردی : محزون مسلمان باکوسی ایله ممنون خرستیان باکوسی . شهر اوزرنده روس (بیچراخوف) قطعاته منسوب آهروپلانلردن بیاننامه لر صاچیلور ، بویاننامه لرده روس وطنداش لری باکونک تکرار آنا وطنه اعاده سی ایله تبریک اولونیورلردی .

« اخراج » بلا حادته اجرا ایدلدی . آذربایجان بایراغی ایله مزین کوپرویه چیقان (طومسون) ی خارجه ناظری معاونی سلامه دی .

[۱] بو هیئت یوسفکی نصیب ، آغا اوغلی احمد و حاجنکی مهدی بکلردن عبارت ایدی .


مقابلنده، طومسون، کندیسنی حرب عمومینک ختیمی وصلحک اعاده ایتک
اوزره بولوندیئی ایله تبرک ایتدی .

ایکی کون سو کرده قوماندانلغک اهالی اسلامیه بی مایوس ایده جک
بر بیاننامه سی نشر اولو-یوردی . بویاننامه ده یچه راخوف بیاننامه سنده
اولدینی کبی « غالب ائتلاف اردوسنک مملکته دو نمه دن اول ظفر
مشترکه بونجه خدمتاری دکن فداکار روس خلقنه ادای دین شکران
ایتک وظیفه لرندن اولدینی ربو وظیفه نك ایفاسی ایچون روسیه دن
قوپارلش قافقاسیانک دشمندن نخیایه سی ایچون (اوفه) ده تشکل ایدن
روس حکومتی ایله بالائتلاف بورایه کلندیکی » آکلاتیلوردی .

بویله بر بیاننامه نك تأثیرینه، برده انگلیز اوردوسی ایله برابر کلش
یچه راخوف قطعاتی ارمنی مفرزده لرینک شهرده احداث ایتمکده اولدق لری
حادثه لر واهالی اسلامیه یه فارشی طاقدق لری تحقیر آمیز حرکت لر دخی
تصور ایدایر سه، اوزمان نه کبی ساعت لر یاشانمقده اولدینی کندی کنسیده
آکلاشیلیر . تورکجه یازیلی لوحه لرک قیرلایغنه، آذربایجان باندره سنک
تحقیراته معروض قالدایغنه، بوشنه تفنک آتیه لر ق مسلمانلرک هر واسطه
ایله تحقیر و تجاوزده معروض قالدقورینه عأد وقعهر همان اوکنه
کچلمز بر فساد تورده تمک اوزره ایدی .

باکو بویله اندیشناک کونلر کچیر مکده ایکن دها بر قاچ کون کنسیدی
ایله برابر بولن تورک قوماندانلغنی، کنجه حزین بر تأثرله تشیيع
ایدیوردی .

مجلس مبعوثان واجراآتى




بويله بر مشكل وضعیت ایچریسینده آذربایجان شورای ملیسی حکومتک اساسلرنی تقویه ایتمکه مشغول ایدی .

کانون اولک یدیسینده آذربایجان مجلس مبعوثانی آچیلیوردی . بیوک بر جمعیتک حضورى ایله آچیلان مجلسده سویله ن نطق افتتاحی ختامنده آذربایجان بایراغنه خطاباً سویله ن « بر کره یوکسان بایراق بر دها اینمز » . شعاری هیجانلی و سوره کلی آلتیشلره قار- شیلانه رق یکی بر حیاته کیریلیوردی .

فقط نه وخیم و نه مظلّم بر وضعیت ایچریسینده !...

بر طرفده متفق قوماندانلغک تفوذیله قائم مسلح بر قوت که آذربایجان، دیه بر موجودیت طانییور؛ دیگر طرفده خلتک آرزو واراده سندن قوت آلان بر حکومت که منتظم بر عسکری قوته استناد ایتیهور . متفق قوماندانقله هم آهنگ بولزان درس تشکیلاتی ایله، فرق سیاسی اولماز درجهده شپارمش، صوگ درجهده جسارت آملشردی . آذربایجانلیلره «اعلان ایتدیکنز استقلالدن استنکاف ایتدیکنز سزک ایچون شفاعت ایدم!» « دبورلر، وموقتاً تشکیل ایده جکلری حکومت محلیده آذربایجانلیلره بالنسبه دها مهم بر موقع تأمین ایده جکلری



آذربایجان رجال و معوثلزلندن بر غروب : جهوزینک اوروپا دونلرنجه تصدیق مناسبتیه خارجه
نظارتنده پایلان مراسمدن چقارکن

لطفی ده آریجه علاوه ایدیورلردی . آرمنی تشکیلاتک خصوصت
 وغاندی ایسه ده بارز ایدی . بو قدر مشکلات سیاسییه مواجهه سنده
 آذربایجان رجالی ایچون موازنه می غائب ایتیه بوده استقلال اساسی
 اوزرنده ثابت قالمق و بوبنده ممانت کوسترم حقیقه ده مشکل ایدی .
 بوم مشکلات مواجهه سنده استقامت لری ۳۶۰ درجه دیکشتر واردی .
 مایت پرور لکترینه شهه ایدلمه یین بعضی ذوات محترم بیله حاصل
 اولان و خاتمی آکلامق ایچون « استقلالدن استکاف » تکلیفی
 تدقیق ایتک ضعفه دوشدیلر . برکت ویرسین که حکومت باشنده دوران
 فتحعلی خان ایله شورای ملی اکثریتی تشکیل ایدن مساوات فرقه سی
 رؤسای ایله صول جناح قروپلری بویله برپانیکدن محفوظ قالدیلر .
 « روسلر ، ارمینلر مجلس ملی نظامنامه اساسیه سینه کورد حکومته
 اشتراک ایدد بیلیرلر ؛ بوندن فضله شرائطی قطیاً قبول ایدد مه یز » دیدیلر .
 موفق ده اولدیلر .

مجلس مبعوثان تشکیلی متعاقب حکومت تشکیلی تکرار فتحعلی
 خانه توجیه ایدلای . فتحعلی خن فاینه سی تشکیلی ایدد رک بیاننامه سی
 ارقودی و مجلسجه اعتماد فاراندی . بونی متعاقب دول منفقه قوماندانلانی
 نامه جنرال طومسون ۱۸ کنون اول ۱۹۱۸ تاریخیه نشر ایله دیکی
 بیاننامه سنده « فتحعلی خانک تحت صدارت سنده قوالسیون آذربایجان
 حکومتی تشکیلی ایتدیکندن ، متفکر قوماندانلغ آذربایجان
 داختمده ، یگانه مشروع بر حکومت ارمق اوزره ، بو حکومتی طانیه -
 جغنی وارکا مظاهره تامه ده بولنه جغنی » عمومه اعلان ایدیوردی .
 قوماندانلغ ایلاک بیاننامه سی محل اولان بو ایکنجی بیاننامه سی
 باکو محیطنده بیوک بر انقلاب افکاروی موجب اولدی . او وقته قدر

قوماندانلغك مديحه خواني بولنان روس و ارمني مطبوعاتي شمدي ،
بركون اول تحيل ايتدكلاري مقامه، شتم و كفر لر ياغدير مابه باشلاديلر .
آذربايجان مقاصديني مدافعه ايدن مسلمان مطبوعاتي ايسه، بالطبع،
قوماندانلغك بوحركتني تقدير وستايشلرله قيد ايديوردي .

روس تشكياتلري بووضعته يالكز غزته نشرياتاي ايله مقابله اتمكله
اكتفا اتمهديلر ؛ متفق قوماندانلني علمنه برطاقم ترتيبات انقلابيه
دخي توسل ايتديلر . بونك اوزرينه اوڭ آياق اولانلردن برقاچ آدم
توقيف ايدلدي وازدلى يه سورولدي . بو وقعه اوزرينه با كوده بولنان
روس و ارمني عملهسي تعطيل اشغال ايتدي . الكتريق مركززينك
باشليجه عملهسي خرستيان اولديغندن بونلك تعطيل اشغالي ايله
بوتون حيات دورمش اوليوردي . بو حادته مؤثر اولدي . محبوسلر
اعاده ايدلدي . علاوه اولارق مطبوعاتك قونترول دخي، روس
تشكياتنك طلبي اوزرينه، آذربايجان حكومتك صلاحيتي خارجنده
طوتيلدي .

ديكر بروقعه اوزرينه تكرر عيني تشكيات طرفندن ايكنجى برتعطيل
اشغال تشبئي واقع اولدي . بوتشبت قسماآده آذربايجان حكومتى علمنه
توجيه ايدلمشدي . مقصد، حكومتك ضعفى اثباتله مشكلات توليد ايتمكدن
عبارت ايدى . فقط، بودفعه مسلمان عملهسي «مساوات» فرقهسي طرفندن
لزومى درجهده تشكيل ايدلمشدي . مسلمان عمله بودفعه خرستيان
عمله ايله تشريك مساعيده بولونمادي . واقع اولان تعطيل اشغال
تكليفنى پروتستو ايتدي . ديكر طرفندن ده حكومت تدابير قطعيه ايله
الكتريق مركززيني ايشلته بيلدي . دوشونولن ضربه بوشه گيتمشدي .
بو وقعه دن صوكرده حكومت مائه نك سياسي وضعيتي رصانت پيدا

ایدیوردی. بو حادثه نك نتایج فعلیه سندن بریسی پولیس مدیریتده
کی اجنبی قومیسر لکنک العالی، دیکری ده مطبوعات قونتروله عائد
حقک تکرار حکومته اعاده سی ایدی .

حکومت بونکه اکتفا ایتیوردی. قوماندانلغه ویردیکی نوطه ده
« صلاحیت - حقوقیه سی قوماندانلقجه طائمش بر آذربایجان حکومتی
وار ایکن، دول متفقهدن بولونمایان روس بیچارخوف اوردوسی ایله
آسایش عمومی یی محل اولمقدن باشقه بر فائده سی متصور بولونمایان
أرمنی مفرزه سنک با کوده بولونمازینه برسبب اولدیغنی بیانه مذکور
قطعات عسکرینه نك بران اول آذربایجاندن اوزاقلاشاسنی » طلب
ایله دی . بو نوطه اوزرینه بیچارخوف آلابی آلدینی ۴۸ ساعتک بر
مهلت ظرفنده با کوی ترکه مجبور اولدینی کبی، أرمنی مفرزه لرینک
انحلالی دخی تقرر ایتدی .

انکلیر قوماندانلغ نك ایلک ورونده کوردیکی تدبیرلردن بریسی ده
لیمان ادارده سی ایله مؤسسات مالیه قونترولنی کندی النده بولندیرماسی
ایدی. آذربایجان حکومتک تشبثی ایله بویکی قید دخی رفع ایدلدی.
حکومتک تشکلنی متعاقب او زمان (ودرسای) ده
طوبلانده جق صلاح قونفرانسنه اشتراک ایچون بر هیئت مرخصه
تشکیل ایدلدی. اوزمن مختلف غروپلرک تألیف بین وحتى نازلانملرینه
بیله جمهوریتک یکانه قوتنی تشکیل ایدن جهه ملیه وحدتی نامه
فوق العاده اهمیت ویرایوردی . بونک ایچونده هیئت مرخصه
اعضاسی حکومت طرفندن دکل ، بوتون جریانلری تمثیل ایتک
اوزره فعلاً مجلس مبعوثان طرفندن انتخاب ورسماً حکومت طرفندن

اعزام ایدلشدی . [۱] بوهیئت آذربایجان موجودیتنی ممالک اجنیهده طایتمق ، حقوق ملیه واستقلالنی مدافعه ایتمک و صلح قونفرانسده کنديسنی تمثيل ایله مک وظیفه لری ایله صلاحیتدار ایدلش ایدی . هیئت، قوماندانلق طرفندن کوستریلن تسهیلات اوزرینه آذربایجان استقلالنی بین الملل بر ساحهده مدافعه ایتمک مقصدیله با کودن یوله چیتدی . محترم قارئ کوزویورکه اوردوسز بر حکومت قورولشدر . هم حقیقتاًده او یله ایدی . وقایعی نقل ایتدی کمز بودملرده با کوده آذربایجان اوردوسی بولونمیوردی . چونکه قوماندانلق موندروس متارکه نامه سنی یالکسز تورکیا اوردوسنه دکل ، آذربایجان قطعاًتهده تشمیل ایدیوردی . بونک ایچوندده حربیه ناظری جنرال صمد بک با کوده دکل ، اکثریا کنجهده بولونیور ، ایلك آذربایجان آلاینی تشکیل ایتمکه مشغول بولونیوردی . نهایت ، کنجهده تشکیل ایدن بو آلایک با کویه ورودینه دخی موفقیت حاصل اولدی . حکومت ملیه زماننده با کونک یاشادینی اک صمیمی سوبینج کونلرندن یریبی ده بو ایدی .

[۱] هیئت مرخصه بر رئیس ، اوچ اعضا ، اوچده مشاوردن عبارت ایدی . رئیس ، مجلس مبعوثان رئیس طوبجیباشف علی مردان بک ؛ اعضا : مجلس مبعوثان اعضاسندن آغا اوغلی احمد بک ؛ شیخ الاسلام زاده اکبر آغا ؛ حاجنسکی محمد حسن بک ؛ مشاورلرده : مبعوثان سید مهدی زاده میر یعقوب بک ایله محرم زاده محمد بک و محرریندن حاجبکیلی جیحون بک ایدی . بونلر میاننده یالکسز بریبی « مساوات » فرقه سینه منسوب اولوب دیگرلری مبعوثانک دیگر جریانلرینی تمثيل ایدیورلردی . « مساوات » ی تمثيل ایدن محمد حسن بک جمهوریتک ساقوطندن اول مملکته عودت ایله مش و اوراده قالمشدر . محمد حسن بک بعده فرقه سینه اهانتله بولشهویک طرفته کچمش ، مرتد اولمشدر .

انگلیز لرك با كويه ورود ايتدكلرى كون نشر ايتدكلرى بيانامه يه روس و آرمنى تشكيلاتنك جسارت و فضوللقلرى ضميمه اولديغنى كورونجه « ايلك جمله ده بوتون قوزلرى تسليم ايتمك ايسته ينلرك، اون كون صوكره نه بهوده قورقويه دوستدكلرى ۱۹۱۹ سنه سى نيسان ده (آذربايجان اوردوسنك با كويه ورود ايتديكى كون) كشف ايدلدى . فرضا بوتون شوراي مى او قورقوايله متحسس اوليدى ، احتمال كه ، آذر- بايجان جمهوريتى هيدچ تأسس ايمه دن محو اولوب كیده جكدى .

بالطبع انگلیز لرك بو حركتى آذربايجان لرك قارا كوزلرينه عاشق اولدقلرندن ايلرى كله يوردى . ذاتاً عشقنك بر سياست عاملى اولدينى داستانى زمانلرك ابتدائى لكى ايله برابر چوقدن افسانه يه قاريشوب كيمشدر . بوراده عشق دكل ، سياسى و اقتصادى منفعتلر واردى . با كوپترولنك مستقل قاقفاسيالى بر حكومت آئنده بولنامسى و على العموم قاقفاسيانك روسيه دن آيرماسى انگلیز لرك ايشنه كليوردى . آذربايجان ده بو كيفيتدن استفاده ايمه ليدى . حكومت مليه نك ديپلوماسى موفقيتلرى بونلكه ايضاح اولونيوردى .

* * *

يكي دن بر حكومت قوراجق قدر عظيم و مسؤوليتلى بر ايش قارشيسنده قالان آذربايجان نوراننك اقتحام ايله ديكي مشكلانى تماميه تقدير ايديه بيلمك ايچون آذربايجان قطعه سنك ديكر روسيه دن آريلان قطعه لره نسبتله چاريزم طرفندن نه كې محروميت لره معروض قالديني ذكر ايدلمزسه ، قارلر احوالى كجاليه تقدير ايدمه مزلر .


آذربايجان ، ممالك اسلاميه ايله هم حدود برتورك و مسلمان ولايتى ايدى . چاريزم بو كې ولايتلرينى دائما شبهه آئنده بولوندير يوردى .

حرب عمومیدن اول قافقاسیا والی عمومیسی، ولایتک خریستان اهلایسندن امین ایکن، مسلمانلار آردسندده حرکات افتر قویانانک زمین بولاجغی تخمین ایدیوردی. چار حکومتی حدودده بولنان مسلمان ولایتلری ریشد وکله ایردیردجک تشبثادن بالخاصه محررم بولندیریوردی. خدمت عسکرییه آلمانقله ظاهرده کندیسنه بر سهولت کوستریلوردی. فقط باطنده، صداقتی دایما شبه آئنده اولان بو خلقه سلاح ویریلک ایسته نیامیوردی؛ بو واسطه ایله عسکربلک خاصه سنی ارنوتاجق ملت، هر بر احتمال قارشی، غیر منتظم بر قوه تشکیل ایتمکله، متصور بولنان خطرک احتمالی آریلوردی.

قومشولری آرمیلرله کورجولر مکلفیت عسکرییه بولندیردن، مدافعنه نفس ایچون عسکربلک عصری اصولری ایله آشنا بولنیورلر ایدی. حالبوکه مسلمانلار تشکیلات عسکریجه خانقلر دورنده کی اصول مدافعهلری بیله اونوتمشاردی. خریستان جنراللر، میرالایلر، مبذول ایکن آذربایجانلی بولنان ضابطاری پارمقله صایمق قابلدی. ضابطه مأموریتنده بر قضا فائسقامی رتبه سنی بولمق آذربایجانلی بر مسلمان ایچون نوادردن عد اولنیوردی. محاکمه عدل مأمورلرینه کلنجه مترجملکتن یوقاری بر مسلمان مأموره تصایف اولونامزدی. اوردو تشکیلی خصوصنده آذربایجان، روسیه انقاضی اوزرنده تشکیل ایدن جمیوریتلرک دپسندن غیرمساعد بر وضعیتده ایدی. روسیه تورکلرندن خدمت عسکرییه آلمانلری یالکز وولغا بوینده کی تورکلرایدی. وضعیت جغرافیهلری اعتبارله روسیه دن آیرمالرینه احتمال اولمادیغندن بور وظیفه آتمشاردی. تورکستان ایله قافقاسیا مسلمانلرندن ایسه عسکر آلمانیوردی. بو یوزدن اوردو تشکیلی آذربایجانلیلر ایچون بک

مشکل برایش از ایوردی . فرضاً در سیه دن آیرمش ار مستان و یا خود
گورجستان حکومتی نشر ایله دکاری بر امر نامه ایله فلان سهنده
روس اوردوسنده خدمت ایله مش نقر رضابطانی سلاح آلتنه دعوت
ایدنجه ون کون صکره یکی حکومتک ایلات عسکری قادر رسی تشکیل ایدن،
حرب و ضرب کورمش ، باروت قوقش بر قوت وجوده کایوردی .
آذربایجان ایسه بوندن محروم ایدی ؛ معلوم آ: اوردری اوردو ایدن
ضابطاندر . بو خصوصده دخی آذربایجان محرومیت تامه ایچنده ایدی . روسیه
اوردوسنده خدمت ایله مش ضابطان تک محدود ایدی . تشکیل اولنان
قطعات آذربایجانی دکل ، سادهمه اسمان آلائی قوماندانی بولمقده صیقی
مشکلات چکایوردی . باطقی ساحلی حکومتلرندن ، یا کیلیور سهم -
ناستونیا جمهوری ، بوشویکلر دقاری یابدی استقارل محاربه لرندن برنده
یردیک بیگ قدر تلفاتدن یاریسی ضابطان ایدی . بو ضابطانک پسی اسکیدن
روس خدمتنده بولنوب ، اکثری ارکن حربدن نشئت ایتمش
ناستونیا ضابطان ایدی . آذربایجان جمهوری ایسه ۵۰۰ دکل ،
کندی جنسندن ، ۵۰ ضابطا بیه بولایوردی . بونک ایچونده
آذربایجان اوردوسنده بین المللی رضابطان هیاتی راردی . اوردونک
بوتون ثقاتی کوچوک ضابطان عهده سنده ایدی که بونلرده علی العجابه ،
دها نوری پاشا زماننده تأسیس اولنان کنجه مکتب حربیه سندن
یتشمه فداکار آذربایجان کنجلی ایدی . بونلر شهید سز وطن
رمایت پرور ایدیلر .

مشکلات یالکیز اوردو تشکیلاتی ایله فاما یوردی . حکومتک دیگر
خصوصاتی اداره ایتمک ایچون دخی آذربایجان لیر کافی بمقدارده متخصص
مأمورلر بولایوردی . چاریزم کندی حکومت ماکنه سنه مسلمان



زردانی ملک زاده حسن بک

« ملی واژه ایاتیه » فصلنامه آذربایجان مطبوعانده کی رولی مذکور
بوئانان بو ذات ، دکل یالکین آذربایجانک ، بوتون روسیه تورک مطبوعات
موقوته سسک پیری در . ۱۸۷۵ سنه سنده تأسیس ایلدیکی « اکینچی » غزته سی
ایله ، حسن بک مرحوم ، آذربایجون تورکلکنده حرث ملی تییه ایدن فداکار
براکینچیدر . حسن بک اکدیکی علم و عرفان تخیلینک ۱۹۰۵ سنه سنده انکشاف
ایدن ملی مطبوعانده چیچکندیکی کورمکلک بختیار اولمش در . حسن بک تحصیل
عالی کورممش طبیعیات معلمی ایدی . حکمت طبیعی به عائد تورکجه برچوق مقاله
ورساله لری واردر . ۱۹۰۵ نجی سنده وفات ایدن حسن بک کیفیت ارتحالی
ملی ماتم شکلی احراز ایله مشدر .

مأمور آلمزدی . بو خصوصده قومشومز گورجولرک موقعی دها
مساعدایدی . وقتیه قافقاسیانک اکثر تلغراف ، شمدوفر و پوسته
کبی مأموریتلرنده گورجولر چوق استخام اولنیوردی . ضابطه ،
امور ملکیه ، مالیه و عدلیه کبی خصوصاته مسلمانلر هیچ
درجه سنده ایدیله .

أرمیلرک کلیسا مکتبعلری ، گورجولرک اصیلزادکان تشکیلاتنه
مخصوص مکاتب ملیهلری سنلردن بری أرمنی و گورجو معارفی تعمیم
ایتمکده ایکن مسلمانلره بویه بر امتیاز ویرله یوردی . ملی معارف
یالکیز خصوصی مکتبلرده اوقونان اسکی اصول ، مسجد « مکتب
خانه » لرینه منحصر ایدی .

بلدیله لرده دخی مسلمان اهلینک حقوقی محدود ایدی . اکثریتی
مسلماندن اولان باکو وکنجه کبی شهرلرده ، بر موجب قانون ،
یلدیله اعضاسنک نصفی خریستان اولمق ضروری ایدی .

بوتون بونلر ، یکی حکومت قوزولدینی زمان ، بالطبع منفی تأثیرلره
حس اولونیوردی . بوکا ۱۹۱۸ سنه سنده کی قومونیزم تجر به سیله بر باد
برحاله کلش قوجامان باکو پترول اوجاقلربنک تکرار حال طبعیسنه
کتیرله سی کبی مشکلاتی علاوه ایدیله .

چاریزم زماننده ولایت مرکز عمومینسی تفلیس ایدی . ماورای
قافقاسه عائد بوتون مؤسسات مرکزیه ، عسکری دده وچه هاوزلر
هپ بوراده ایدی . مرکزینی باکوده قوران آذربایجان حکومتی
یومؤسساتی یکیدن یایمق مجبوریتنده ایدی .

باکو یالکیز دنیانک انظارینی جلب ایدن پترول منبعلرینه مالک
دکلدر . قاسی دکزینک اک مهم برلیاننده مالکدر ؛ بوراسی ایران ،

تورکستان و روسیه ایله اوروپایی ربط ایدن مهم بر تجارت مرکزیدر .
ایکنجی بر استانبولدر . باکو لیمانده ، وقایع اختلالیه دن دولایی ،
عاطل دوران مهم بر تجارت فیلوسی و ارایدی . بو فیلویی یارین ایچون
محافظه ایتمک و بونک ایچونده طائفه سنی باریندیر مق ، اداره ایتمک
لازم ایدی .

اورتده بو قدر تشکیلات اداری مشکلاتی وارکن روسیه
انقلابنک اجتماعی شعارلری ایله قیزغین وحاد بر راده یه کلش اراضی
مسئله سی ، عمله مسئله سی کبی هر زمان اشتعال ایدیه یه جک و بر آن
اول حلنی ایسته یین اساسلی اصلاحات مسئله لری دنخی موجود ایدی .

بو قدر اداری ، اجتماعی ، سیاسی ، عسکری و اقتصادی مسائل
داخیه ایله برابر بر طرفدن ارنیلرله منازع فیه اولان حدود مسئله سی ،
دیگر طرفدن ده (دهنیکین) اوردوسی کبی بر روس ته لکه سنک
ته دیدی آلتنده بولنان آذربایجان ، حکومت تشکیلاتنه باشلایوردی .
بو حالده آذربایجان حکومتنک خلقک اعتمادی و فرقه لرنک اتحادندن
باشقه بر ظهیر و معاوانی یوق ایدی .

* * *

بوندن سو کرده جریان ایدن وقایعک اسبابنی صراحة آکلیه بیلمک
ایچون مجلس ماینک نه کبی فرقه لردن تشکل ایدوبده مختلف وقایعه
قارشنی نه کبی بر وضعیت آلدیغنی بر وجه اختصار عرض ایتمک
ضرورتی حس ایدیورز :

مجلس مبعوثان ۸۵ مبعوثدن عبارت ایدی [۱] . بوندن ۱۰ ارنمی ،

[۱] رسماً مبعوثان ۱۲۰ اعضادن تشکل ایتمک اقتضا ایدیور ایدیه ده
فعلاً یالکنز ۸۵ اعضایه مالک ایدی .

۵ روس ، ۵ یدده مختلف ماتلردن اولوق اوزره ۲۰ سی غیر مسلم اولوب متباقی ۶۵ اعضا کاملاً اسلام و بر قاق ذندن ماعدا ، تمامیه تورک ایدی . فرقه اعتباریه ، مجلس شو صورتله انشعاب ایدیوردی : « مساوات » فرقهسی — ۲۷ ؛ مساواته التحاق ایدن بیطرف غروپ — ۶ ؛ « اتحاد » فرقهسی — ۱۱ ؛ سوسیالیست بلوق — ۱۰ ؛ احرار فرقهسی — ۷ ؛ مستقل الافکار — ۳ .

« مساوات » فرقهسی مفکوره اعتباریه مایت پرورلکدن دوغما ، تورکچیلک مسلکینه قائل بر فرقه در . ده مفضل اسمی ، تورک عدم مرکزیت مساوات فرقهسی در . آذربایجان جمهوریتک علمداریدر . بو شعاری ایلك دفعه اورته یه آتمق و اوئی یالکیز اجیلره دکل ، بر قسم آذربایجانلیله قارشی دخی مدافعه اتمک اعتباریه ، مساوات برنجی آذربایجان استقلال فرقهسیدر . اجتماعی نظریه سنه کورده ، خلقچیلوق مسلکینه صادق ، رادیکال — ددموقرات بر پروغرامه مالکدر . هیئت وکلا ریسی نصیب بک بو فرقه نك مؤسسارندن ایدی . بیطرف غروپ ، عالی تحصیل کورمش بر قاق منوران ایله بورژوا صنفه منسوب ذواندن عبارت اولوب ، فرقیه کیرمه دن ، غروپ حالنده ، « مساوات » فرقهسی ایله سیاست عمومیه اوزرینه متحد بولنیورلردی . هیئت وکلا ریسی مرحوم فتحعلی خان بو غروپه منسوب ایدی .

« اتحاد » فرقهسی ، اولجه « روسیه ده مسلمانلق » نامیه تأسس ایتشدی . رسمی مفکوردسی اتحاد اسلام ایدی . فرقه نك ریاستنده ، تورکیه جه ده معروف ، قارا بکوف قردبک بولنیوردی . سوسیالیست بلوق قسماً سوسیال — ددموقرات (منشه ویک) ،

قسماده خلقجی سوسیالیست مبعوثلرندن تشکیلی ایدیوردی. برنجیلرک
رئیسى اغا معلى اوغلى صمداغا، لیده رلری ایلوف ابراهیم بک [۱]؛
ایکینجیلرکی - آرسلان بک صفی کوردسکی ایدی. احرار فرقه سنک
مفکورده سی دخی تورک خلته جیلنی اولوب پروگرام اعتباریله مساواته
یاقین ایدی. رئیس لری ارسلان بک قارداشف ایدی.

شو سطرلر و بوراده کوستریلن پارلمان ارقامی اوزرینه بر آز
دوشونیلیرسه، افکار عمومیه نک توحیدندن باشقه برقوت استناد
ایده مین آذربایجان حکومتک، ایسترایسته مز، (متمرکز) برشکلده
تشکیلی ایدیه یله جکی آشکار اولور.

ایلاک تمرکز برچوق مشکلاتدن سوکرده، «اتحاد» خارجه
قالق صورتیه، بوتون غروپلرک اشتراکی ایله حاصل اولدی. «اتحاد» ک
ایلاک تمرکز خارجنده قالماسی بوتون فرقه لرحه شایسته کورولن
فجعلی خانه معارض بولماسندن ایلری کلیوردی.

ایلاک قاینه، فرقه لرک حکومت رئیس نک شخصه و پروگرامنه اعتماد
ایتمک صورتیه تأسس ایلمش، حکومته آلنان ناظرلرده فرقه منسویاتی
و عدد نسبتی شرط ایدله مشدی.

برقاج آی سوکرده، فرقه لرک بوصورتله تأمین ایلدکلری اعتمادلرینه
رخنه کلنجه، فجعلی خان قاینه سی بالاستعفا رینه یوسف بکلی نصیب
بک قاینه سی تشکیلی ایتدی. (۱۴ نیسان ۱۹۱۹)

ایلاک فجعلی خان قاینه سی، فرقه پرئسیدلری خارجنده، (ایش آدم لرندن)
تشکیلی ایتش ایکن نصیب بک قاینه سی، «اتحاد» فرقه سی ینه خارجه قالق
شرطیه، فرقه مللرندن تشکیلی ایتدی. بو قاینه دخی تبدله اوغرایارق ۲۴ کانون
اولده نصیب بکک ایکنجی قاینه سی تشکیلی ایلدی. بو قاینه یه «اتحاد»

[۱] بونلر استیلادن صکره ارتداده بواشه ویک اولملردر.

فرقه‌سی ایله برابر ایلك فتحعلی خان قابینه سنك ارکانی ده داخل اولشلردی . بو، آذربایجان جمهوریت مایه سنك صوك قابینه سی ایدی . بوتون بوقابینه تبدلاتنده مجلس مبعوثانك هم عدد، هم شخصلاری اعتباریله ده قوتلی بر مرکز فرقه‌سی اولدیغندن، بوتون ثقلت « مساوات » فرقه‌سی عهده سنده ایدی . فقط « مساوات » مرکزی یالکز کندی عدینه استنادله متجانس بر حکومت یاقمق اقتدارنده دکلدی . مترکز بر قابینه تشکیل ایدنجه ادراك ایله دیکی سیاستی، ایسته دیکی کبی، تطبیق ایده میوردی . اوچ دفعه تبدل ایدن بوقابینه لردده عدد اعتباریله مساوا انجیلر ثلث تشکیل ایتدکلری حالده حکومتلره مساوات حکومتی وایشلرینه مساوات تطبیقاتی دنیلیمک بر اعتیاد ایدی . ملیت پرورلک و آذربایجان نامنه نه یاپیلیرسه ، اونک خارجدده کی اسمی « مساوات ایشی » ایدی . بویله بر شهرت سیب سز دکلدی . آذربایجان فکری « مساوات » فرقه سنك زاده افکاری ایدی . اونک ایچون دخی هر شی اوکا عطف اولونیوردی . مبعوثانده کی نسبی اکثریتی دخی بوکا بر سبب تشکیل ایدیوردی .

مرکز وضعیتنده بولنان « مساوات » فرقه‌سی جمهوریتک ابتدای تشکلنده، تهلکه نك مرتجع روسیه دن کله جکی قناعتیه ، حکومت تشکیل ایدر کن صول جناحی تشکیل ایدن سوسیالیست فرقه لرینه ده اچوق ایصینمش و دد نیکن تهلکه سی ظهور ایدنجه بوتمایانک ندرجه ده مصیب اولدیغنی کورمشدر . صوك زمانلرده روسیه تهلکه سی (دد نیکن) کسوده سندن بولشه ویک قیافته کیرنجه سوسیالیستلر تمرکزک امیدلی استناد کاهنی تشکیل ایتک ماهیتنی غائب ایدیوردی . بو حالده مرکزک ایستر ایسته مز صاغ طرفه میل ایتمه سی ضرورت حکمنی آلیوردی . مرکزک بوتمایلی ایسه نتیجه ده « اتحاد » کده قابینه یه اشتراکنی موجب اولمشدر .

یا لکز بو خصوصده کی نظری امید فعلیاته کانه باشقه برطاق عوامل تأثیری ایله مأمولک خارچنده بر نتیجه یه وارد یغندن جمهوریتک سقوطنی موجب سائقلردن بریسنی تشکیل ایله مشدر .

فرقه لر آراسنده موجود تشات آرا ایله برابر مجلس مبعوثان ، اوردویه عائد تخصیصات ، شمال تهلكه سنه قارشی کورجستان جمهوریتی ایله عقد اولونان تدافعی معاهده عسکریه ، (دنیکن) استیلا سنه دوچار اولان طاغستان جمهوریتک استخلاص مجادله سنه یاریم ، اجانبه قارشی مدافعه استقلال ایچون پایلان دیپلوماسی تشبات کبی مسئله لرده عمومی برجه و حدتی کوستروب ، یا لکز عمله حرکاتی ایله بولشه ویک تجاوزینه قارشی لازم کلن وحدتی کن دیسنده بوله مامشدر .

— عجا نیچون ؟ ... —



یوقاریده کی سؤلک جوانی ، قاره ، آشاغیده کی فصولک قرائندن سوکره کندی کن دینه آیر . بزایسه شم دیک مجلس ملی حکومتک ۱۷ آی ظرفنده کی فعالیت و موفقیتلرینی خلاصه ایدهم :


اولاً : پیاده ، سواری ، طوچی ، طیاره جی ، تلغراجی کبی هر نوع سلاح انواعندن متشکل اون یدی بیک مقدارنده [۱] بر

[۱] آذربایجن اوردوسی ایکی پیاده فرقه سی ایله برسواری فرقه دن عبارت ایدی . هر پیاده فرقه مترالیوزلی ایله برابر اوج آلایدن و ایکیده طوچی آلایدن عبارت ایدی . سواری فرقه سی ایسه مترالیوزلی ایله برابر اوج آلایدن و برده سواری طوچی آلایدن تشکل ایدیوردی .

برنجی پیاده فرقه سی : ۱- جوانشیر ، ۲- زاقاتال ، ۳- کنجه آلایلردن متشکل اولوب ، ایکنجی پیاده فرقه سی ، ۴- قوبا ، ۵- باکو ،

اوردو حاضر لائش؛ مکتب حربیه تأسیس ایش؛ کوچک بر فیلو ترتیب
 ایدلمشدی. ثانیاً: بوتون آذربایجان قطعه سنده عسکری، مایکی وضابطه
 تشکیلاتی وجوده کتیرلمش، مملکتده امنیت و آسایش تأسیس اولوناروق،
 روس عاصیرینک زیر اسارتنده بولان لشکر ن قضای آنا وطنه عاده ایدلمش؛
 تورکلرک قافقاسیاده بولندقلری زمن بیله تسلیم اریلمان قره باغ ارنیلری ایله
 ائتلاف حصوله کله رک آذربایجان حکومتی کنیدلرینه طانتدیرلمش؛
 با کودن پک اوزاقده بولان نخچونک ارمنستان حکومتنه قارشی
 مجادله سی معنای ماده، سیاست تقویه اولوناروق اورایا والی کوندرمک صورتیله
 آذربایجانده مر بوطیتی اداره دخی تحت تأمین ایشدی. ثالثاً: مالی و اقتصادی
 اصلاحاته شروع ایدلمش، ۱۹۱۸ سناسی مارت قیرغیندن سو کره
 حکومت ایدن بولشه ویکار زماننده سیرطیعیسنان چیقاروق بر باد بر جانه
 کیرن پترول معدنلرینک ادرسی بولنه قویولمش؛ الف اارلوان درلت
 بانکسی یکیدن آذربایجان بانکسی نامیله تأسیس ایدلمش؛ کوی
 استحصالاتی تقویه ایچون کویلولره مخصوص اوفق قرددی بانکلری
 کشاد و شهرلرده دخی امانت صندوقلری یکیدن وجوده کتیرلمشدی؛

۶ - شباخی آلا یلرندن عبارت ایدی. اوچنجی فرقه نک ابتدائی تشکیل اتمک
 اوزره ۷ نجی لشکران آلابی شکل ایشدی. هر آلابک موجودی ایکی
 بیک سونکودن عبارت اولوب بر فرقه نک موجودی ۶ بیک مقدارنده ایدی.
 سواری فرقه سی - ۱ نجی تاتار، ایکنجی قره باغ، و ۳ نجی شکی آلا یلرندن
 عبارت ایدی. پیاده و سواری فرقه لردن مستقل اولاروق ایکی اوبوس بولوکی
 دخی موجود ایدی. بونلره ۶ عدد زرهللی اوتوموبیل ایله بزقاج دانه ده
 زرهللی قطار ضمیمه اولونوردی. آذربایجان اوردوسنده ۶۰۰ قدر ضابط
 واردی که بونلردن یالکیز ۶۰ ی ارکان حرب قادر و سندن یتیشه ایدی.
 موجود ضابطانک، متنده ایضاح ایدلدیکی وجهه، یالکیز یوزده الیسی
 آذربایجانلی ایدی.



آذربایجانده ، نوخاده ، فاققاسیا اسلام اوردوسی قوماندانی نوری پاشا به پایسلان استقامت منظرندن برلوجه

رابعاً : آذربایجانلیلردن اوفق مأمورلر یتشدیرمک ایچون خصوصی مؤسسدر ، تورک کنجلیینه مخصوص اولمق اوزره تلغراف ، ماکنه و شمندوفر مکتبلی آچیلمش وارجله هیچ یوق ایکن دمیرویل خدمه سنک یوزده الیسنی تورکلردن یاپایله جک قدر موفقیت کوستلمشدی .

معارفه کانجه ، مکتبلی بر آن اول تورکجه لشدیرمک ایچون تأسیس اولونان تألیف وترجه انجمنی معرفتیه مکاتب ابتدائیه و اعدادیه به مخصوص درس کتابلی تألیف و طبع ایدلمش ؛ موجود اعدادیلردن بر قسمی ملیشدیرلمش ؛ مملکتک مختلف یرلرنده یدی دارالمعلمین و بر دارالمعلمات کشاد ایدلمش ؛ باکو دارالفنونی تأسیس اولونمش ؛ مختلف خصوصاًنده عالی تحصیل کورمک اوزره حکومت حسابنه یوزده قریب طلبه مختلف اروپا مرکزلینه کوندرلمش ؛ تورکیه دن آلییه قریب معلم و معلمه جلب اولونمش ؛ کویارده ابتدائی معارفک تعمیمی و معارف عمومیه نك توسیعی ایچون موقت پیداغوژی قورضاری تأسیس ایتمش ؛ ملیشه شدیرلمش و ددا ملیشه شدیریه مه مش اولان مکاتبه اعدادیه ده ، روس تاریخی درسک یرینه عمومی تورک تاریخی وضع ایدیلرک ، تورکجه نك بوتون مکتبلرده تدریسی مجبوریت قانونیه تحته آلمشدی .

تورکجه لسان رسمی اعلان اولونارق ، روسجه نك ، یالکیز استحاله دورینه مخصوص اولمق اوزره ، موقت بر زمان ایچون ، قوللانیلماسته مساعدده ایدلمشدی .

ولایتلرده حاکمیت مایه اساسن وضع ایتمک اوزره ولایت مجلساری تشکیلنه عاڈ لایحه قانونیه احضار و مجلسه تودین ایدلمش ایدی ؛ بو

قانونه كوره ولايتلر محلي ايشلريني بالذات كنديلري رؤيت ايتك حقي حاتر اولوب مأمورين ضابطه يي بيله كنديلري تعيين ايدييورلردى. عيني زمانده ملكيت اساسنى ابقا ايتك صورتيله اراضى مسئله سنك كويلي يي ارضا ايددجك برصورتده حلى متصور بولنان لايحه قانونيه دخى مجلس مبعوثان قوميسيونك تدقيقنه وضع ايدلمشدى [۱].

آنارشى سنه لرنده مدهش خساره اوغرايان مناقلات و وسائط نقليه يولنه قويولوب، گورجستان ايله ياپيلان مقاوله اوزرينه، باكو - باطوم دمير يولى منتظم صورتده ايشله يور؛ اختلال ائناسنده بوزولان باكو - باطوم پترول بوريسى اسكيسى كچي آقيور؛ آذربايجان اقتصادياتى اوزرنده بيوك تأثيرى اولاجق جولفا - آليات دمير يولى انشا آتته دوام ايديله رك كور نهري اوزرنده ياپيلان جسيم كوپرونك رسم افتتاحى بگله نيوردى. [۲]

اوزمان آذربايجانى تدقيق ايچون كان مختلف اوروپا و آمريقا هيئتلرينك اوروپا غزته لري ايله نشر ايتدكلرى تأرات تدقيق اولنه جق

[۱] «مساوات» فرقه سي طرفندن تقديم اولونان بو پروژه خصوصى اللرده اولان بيوك اراضى يي حجز ايتدكن صوكره طوپراقمز كويلو آراسنده بلاعوض تقسيم ايله مك اساسنه مستند ايدى. فقط كويلويه ويريله جك، يا خود ملكيت صغيره رعائتله، كنديسنده براقيلاجق اراضى اوزرنده ملك صاحبك حق ملكيتى طائين نيوردى. كويلي مالك اولديني اراضينك سطحنده ايسته ديكي كچي تصرف ايدم بيليردى. يالكز اراضى تحتنده بولونان دفاىن و معدنيات اوزرنده خصوصى ملكيت حق طائنا يوب حق ملكيت تماميله دولته ويريليور ايدى. اراضى تحتنده كي معادنك صورت استفاده سنه عائد خصوصيات ايسه، لايحه مذكوره جه، آيرجه تدوين اولوناجق قانون مخصوصله توضح ايدم جكدى.

[۲] بو يولك انشاسى ايله باكو بلا واسطه واك قيصره بر خطله تبريزه وصل اولونيور.

اولورسه، آذربایجان تورک لرینگ آرزمانده پک چوق اثر حیات و اعمار
کوستردکلرینه شهادت ایتدکلری کورولور.

حقوق سیاسیة و اهلیت و طینه دن محروم ، امور حکومتی
اداره یه یاقین بر اقلمایان محکوم بر شرق ملتک، ایلاک امکلمده، بوتون
مشکلاته رغماً ، بودرجه ده مدنی بر اصول اداره قورمق قابلیتنی
کوستردیکی بو استعداد سایه سنده ایدی که آذربایجان جمهوریتی دول
متفقنهک و بوتون دنیانک نظر دقتی جلب ایله بین المللی بر حیاته کیریوردی .
۱۲ کانون ثانی ۱۹۲۰ تاریخنده انعقاد ایدن دول متفقه شورای
عالیسی آذربایجان جمهوریتینی بالفعل طانیدی . [۱] روسیه ایمپرا -
طورلغنک اتقاضی اوزررنده وجود بولان جمهوریتلر آراسنده
آذربایجان ، آروپاچه طانمش یکانه بر اسلام موجودیتی ایدی .
بو یکی تورک حکومتی عین زمانده بوتون عالم اسلامده ایلاک دفعه
تشکل ایش بر جمهوریت ایدی . تورک عالمده و تورک تاریخنده
بیوک بر روقه خیر تشکیل ایدن بو حادثه نی یالکر بالذات علاقه دار
اولان آذربایجان تسعید ایتمه یوردی . « سهور » معاهده سنک ضربه
هلاکی آئنده کندی یاردلرینک آجیسیله صیزلایان استانبول تورک لکی
دخی بو وقعینی بنسه یه رک تسعید ایدیوردی . تورک اوجانک
دارالفنون سالوننده بو مناسبتله یاپدینی احتفال، قارداشاق نامنه ، اک
صمیمی تظاهرلره واسطه اولیوردی . [۲]

[۱] بولشه ویک استیلاسی واقع اولیه ایدی ، کورجستان جمهوریتی ایله برابر
(سپا) ده تشکل ایدن قونفرانسه (۲۲ کانون ثانی ۱۹۲۱) آذربایجان جمهوریتی دخی
بالحقوق طانیناجدی، که بو حادثه، استیلادن ایکی هفته سوکره واقع اولیوردی .
[۲] شایان آسفدرکه او زمان استانبول مننلی بولنان ذات ، فضله بر اثر
احتیاط کوستره کله، بوتظاهراته قارشی لاقید کورونمک ضرورتنه قائل اولمشدره .

بووقعه دن ده‌ا اول ، ۱۹۱۹ سنه‌سی آغستوسنده ، آذربایجان ،
موندروس متارک‌سی موجینجه ، قافقاسینه‌یه کلن انکلیز اوردوسی
طرفدن تخلیه ایدلمشدی . بووقعه مناسبتله حکومت‌رئیس‌ی نصیب‌بک ،
مبعوثانه : «بوکوندن اعتباراً تاممیله مستقل برحکومت‌حالی اکتساب
ایتمکه ، افیدیلر ، سزی تبریک ایدرم ! » دیه ، خطاب ایدیوردی .
شو صورتله تأسس ایدن آذربایجان جمهوری آرتق بین‌الملل بر
حیات و مناسباته باشلامشدی ؛ بوتون قومشولری ایله حسن مناسبات
تأسیسی ، آرزوسنک صوگ درجه‌سنی تشکیل ایدیوردی .

خرستیان قومشولردن کورجو جمهوری ایله اولان مناسباتی
چوق دوستانه ایدی . بو ایکی جمهوریت ، آراده موجود اختلافی
مسئله‌لرک حکم واسطه‌سی ایله حلنه متقابلاً موافقت ایلمش ، روسیه
تهلهکه‌سنی عینی درجه‌ده حس ایتدیکلرندن ، شماله قارشى تدافعی بر
مقاولهٔ عسکریه بیله عقد ایلمشردی . ۸،۷ ماده‌دن عبارت بولنان
بو مقاوله ۱۹۲۰ ایتدازنده امضا ایدلمش و تصدیقی آذربایجان مجلس
مبعوثانی ایله کورجستان مجلس مؤسساننده متقابل تظاهرات دوستانه‌یه
بر وسیله تشکیل ایلمشدر .

بو مقاوله‌یه ارمنی حکومتک دخی وضع امضا ایتمه‌سی طرفین
عاقدیجه تکلیف اولونمشسه‌ده ، مذکور حکومت بو تکلیفی قبول
ایتمه‌مشدر . مع‌مافیه ارمنی سیاسی‌لرینک بوتون عکس‌یلکلرینه رغماً آذربایجان
مجلس مبعوثانی ارمنستان ایله موجود اولان مسائلک‌ده صلح‌اتسویه‌سنی
آرزو ایلمشردی . بو مقصدله او ، ۲۵ نیسان ۱۹۱۹ تاریخنده تفلیسده
العقاد ایدن ماورای قافقاس قونفرانسه اشتراک ایله‌دیکی کبی ، ۱۹۲۰
تاریخنده دخی با‌کوده آذربایجان - ارمنستان قونفرانسینی دعوت

ایله دی. بو قونفرانسه ماورای قافقاس جمهوریتلرینی خارجه قارش
مدافعه ایدمیلک ایچون آذربایجان حکومتی ماورای قافقاس
قونفرانسیونتی تکلیف ایدیوردی .

آذربایجان پای تختنده دیکر شرفلی بر قونفرانس دخی اجتماع
ایله مشدر . بوده آذربایجان - ایران قونفرانسی در . بو قونفرانسه
ایران ایله آذربایجان جمهوریتک بالجمله مسائل سیاسی ، اقتصادی
وتجاریه سی تنظیم ایدلمش ایدی . بو قونفرانسه امضا اولونان معاهده
موجبجه ایران حکومتی جمهوریتک استقلالنی بالحقوق طانیور ،
جمهوریت دخی ایرانه ، اوروپا ایله مناسبات تجاریه ده بولونمق ایچون ، ترانسیت
حقنی ویریوردی ؛ بو صورتله ایکی دیندش ملت آردسنده غایت صمیمی
مناسبات تأسس ایدیوردی . طهرانده آذربایجان سفیری بولندیغی کی ،
با کودده ایران سفیری بولنیوردی . بو معاهده مجلس مبعوثانک ۱۹۲۰
سنه ی مارت جلسه لرندن برنده مظنن بر صورتده تصدیقه اقران
ایتمکله ایکی دوست ملت آراسنده کی و داد و وفاتی بر قات دها تزید
ایله مشدر . مجلسک صوكد درجه اهمیتله تلقی ایله دیککی مسئله لر دن بریسی ده
شالی قافقاسیه جمهوریتی ایدی . بو جمهوریت (ترسکی اوبلاست) ایله
داغستان اراضیسی احتوا ایدیوردی . داغستان ، چاریزم زماننده
ادارتاً جنوبی قافقاسیه تابع ایکن ، روسیه اختلالی زماننده ، مجلس
مؤسسان انتخاب نظامنامه سی موجبجه داغلیلردن بر قسمک مطالبه سی
اوزرینه - شمالی قافقاس ایله بر منطقه یه آیرلدی . بو آندن اعتباراً ایلریده
جریان ایدن حوادث داغستان مقدراتی ماورای قافقاسدن آیردی .
قافقاس ولایتلری آری آری سیاسی موجودیتلره انقسام ایدنجه ،
داغستان ایله ترسکی اوبلاست ، شمالی قافقاس نامیله ، بر جمهوریت

تأسیس ایتدی . مختلف اقوامدن تشکیل ایدن بو اراضی ، حکومت تشکیلینده بالخاصه دوچار مشکلات اریلوردی . مذکور جمهوریتک تأسیسی آذربایجانک حیاتی منفعتلرندن ایدی . بالخاصه دربند کبی تاریخی بر بندری (لیمانی) حائز اولان داغستان روس األندن قورتارمرزسه ، آذربایجان کنديسی امین ظن ایددمزدی . فقط کنديسی ده حال تشکله بولان آذربایجان داغستانه یالکز عادی معاوندده بولنه بیلوردی . مجلس مبعوثان ، شمالی قافقاس حکومتنه ۵۰,۰۰۰,۰۰۰ [۱] روبله اقراض ایتدی . بومیلنی تخصیص ایدرکن ، مجلس مبعوثان فرقه لری ، بوکا برقرض کبی باقايوب ایکی قارددش ملتک منافع مشترکه لرینه صرف اولنه جق ضروری برتخصیصات کبی باقبورلردی .

آذربایجان بومسئله ده یالکز تخصیصات نقدی ایله قالماشدر . ادنیکنه قارشی مبارزبولان داغستانه یارديم ایچون نوری پاشاشکیلاتنه [۲] هر نوعله یارديمده بولمشدر . داغستان حکومتک (دنیکن) اتریه بوتجاوزی اوزرینه انحلالی داغستانلیر قدر آذربایجانی دخی متأثر ایله مشدر . داغستانک (دنیکن) استیلاسنه معروض قالماسی مجلس

[۱] آذربایجان قائمهی ایله تأدییه ایدبان بو استقراضک قیمت اصلیه سی حقتده صحیح بر فکر ایدینه بيلمک ایچون سوبله هلی برکه اوزمان برانکیز فوتی ۲۰ روبلهیه مقابل ایدی . بوضورته استقراض مذکور ایکی یچق میدیرن فونت ایدر . ۱۹۱۹ سنه سنه مخصوص آذربایجان بودجه سی مصارف عادیه سنک ۴۱۵ میایون روبله حساب ایدلدیکی نظره آیرسه ق ، داغستان حکومه ته ایدیلن اقراضک دولت بودجه سنک سکزده برینی تشکیل ایله دیکنی کوروزز .

[۲] اوزمان ملتجی اولارق آذربایجانده بولان نوری پاشانک قومانداسنده داغستانی ، (دنیکن) استیلاسنه قارشی مبارزه سنده ، تأیید ایچون آذربایجان حکومتک اطلاع وموافقیتله برتشکیلات مخصوصه وجوده کتیراشدی .

آذربایجان اوردوستانک باکو په وړودی منظره زیندن: بر سواری آلاپنی مهورتان دائر مسمی او گندن کچر کتن



مبعوثانده ، افكار عموميه ده غير قابل تصور بر هيچ-ان دوغورمش
وقاردهش داغليلرك استيلايه ايون زمان ومكانك مساعده ايله ديكي
تداير اتخاذه توسل ايدلمشدر .

زمانك عظيم بحرازي ايجنده چيريندن آجارا ، قارص و ارس
بوينده كي اسلام دخی آذربايجان جمهوريته ، اونك مادی ومعنوی
معاونته ربطاميد ايدنيورلردی . جمهوريته بحرخررك قارشی طرفده
بولنان توركستانلردن دخی مرخصلر كلوب استمداد واستعانه ده
بولنيورلردی . اولمادق مشكلات ايجنده بولنان جمهوريت ، احوال
سياسيه ووضعت موجودنك مساعده ايتديكي بروجيله ، بوتون
بو مراجعتلری نظر دقت واعتنايه آلاق ، ممكن اولان معاوتی اجرا
ايدنيوردي . توركستان ايله مناسبات سياسيه كيريشمك ايجون اورايه
سلوس صفتيله بر مأمور مخصوص دخی كوندرلمشدی .

آذربايجان جمهوريتي كندتي موجوديت سياسيه سنی تأمينه حصر
اوقات ايله ديكي زمان قطعياً تورك و مسلمان افكار عموميه سنك مظهر
توجهی اولمقله منأ قونلی اولديغنی اونوتمايوردی . بوتوجهه دگر بر
مؤسسسه اولايامه سي ايجون نه ممكنسه اونی اجرا ايتك ايسته يور
وايدنيوردي .

مستقل آذربايجان حكومتك اصول اداردي خاق جمهوريتي اساسنه
مبتني ایدی . تام بر پارلماننا ريزم و مسئوليت وكلا اصولنه رعایت اولونيوردي .
حریت كلام ، مطبوعات و اجتماعات دخی بلغأ مابلغ تأمين ايدلمشدی .
بو خصوصده بعضی منقدرلر بلکه حدندن زياده بر ليبراليزم كوسترلديكنی
دخی قيد ايدرلر .

بردوره تشكیل وعضوده بولنان بونوزاد سياستك شهه سز شایان

تنقید نقصانلری آزدکلدی . بونلرک ال بیوکی ، بو کبی دورلره مخصوص محکم برادارنک، قوی بر حکومتک حقیله، آسبس ایدیله مدیکی دره . تشتت افکارک توحیدی ایچون تطبیق اولنان اقناع اصولی ایله برابر بر آزدها اجبار طریقنه کیدلسیدی ، احتمال که نتیجه وقوعات باشقه درلو اولوردی .

بونیده اونوتمایلم که آذربایجان جمهوریتک فلاکتی داخلده کی عصیانلردن زیاده ، خارجدن کلن تجا اوزکار بر قوت اوزرینه ظهور ایلامشدر . مقصدمز مفصل بر تحلیل وقایع اولمادیغندن رساله مزک حوصله سنه صیغار بر خلاصه ایله اکتفا ایدیوروز .



حادثات مهمه عرفه سنده

آذربایجان ، مناسبات بین المللیه هنوز کیرمش و ماکنه سی یکی قورولش بر حکومت حالنده ایکن غایت تهلکه لی بر دور کچیریوردی .

باشی اوزرنده دائمی بر تهدید صورتنده آسیلی دوران (دنیکن) قوتی واردی . اسکی روسیه نی تمیل ایدن بوقارا قوت آذربایجان جمهوریتنی دفعه لرله تهدید ایله مشدی . وقتیه قیزل موسقوایی بیه تهدید ایتکده اولان بوقوت بر حمله ده با کویه اینه یور و یا خود قاسپی دکزنده کی دونانماسی ایله آذربایجان پای تختنی بومباردمان ایته یور ایدیسه ، محضا دول متفقه ایله مربوط اولدیغی ایچون بوکا جسارت ایدمیوردی . دول متفقه طرفندن معاونت جدیدیه مظهر اولان بوقوت ایله جنوبی قافقاسیا جمهوریتلری آراسنده هر نوع مصادماته میدان ویرمه مک ایچون قره دکزدن قاسپی ساحلنه قدر بر « خط فاصل » تعیین ایدلمش ، (دنیکن) اوردوسنک بو خط جنوبه اینه مسی سیاست تأمین اولونمشدی .

مارت صوکلرینه دوغرو ، (دنیکن) اوردوسی مدهش برسقوط ایله انحلال ایدیوردی . اوزمان داغستانی تحت اشغالنده بولوندرمقده

آذربایجان اوزرنده اندیشه لر دوغوران بو قوت (شمالی قافقاسیا ایله داغستانده) یرینی قیزل اردویه ترک ایدیوردی .

(دهنیکن) ی تعقیب ایدن بولشهویک اوردوسی بوتون ملت ترک حقوق و حاکمیت ملیه سنی سوزده اعلان و تصدیق ایدیورسده ، (دهنیکن) دن دها آز مضر بر قوت اولدیغنی ایشده اثبات ایتمه مشدی . بولشهویکلر بر طرفدن قوای مسلحله ری ایله قافقاسیا جمهوریتلری حدودینه یا قلاشیور ، دیگر طرفدن ده قافقاسیا مملکتلری داخلنده کی فرقه تشکیلاتلرینه قوت و فعالیتلرله کرمی و یریسورلردی . چیچهرین آذربایجان و کورجستان جمهوریتلرینه تلسز تلغرافه کوندردیکی نوطه سنده بو حکومتلری ، رجعت ایدن (دهنیکن) اردوسی تامیله محو ایتک ایچون ، سلاح آرقداشاغنه دعوت ایدیوردی . بو نوطه ، جمهوریتلرک استقلالنی طابق و مخادنت معاهده سی عقدینی ایسته مکدن زیاده ، اهالی بی حکومت علینه تحریکدن عبارت بر پروباغان حکمنده بولونیوردی .

آذربایجان جمهوریتی (کورجستان کذا) کیمسه بی کندی امور داخلیه سنه مداخله ایتدیرمه دیکی کبی ، روسیه امور داخلیه سنه متعلق (دهنیکن) اوردوسی تعقیباتنه دخی مداخله ایتک آرزوسنده بولونمادیغنی قید ایله ، آلدینی نوطیه و یردیکی جوابده ، بولشهویک روسیه ایله صلح و مخادنت تأسیسنه کمال ممنونیتله مهیا اولدیغنی بیلدیریسور و آذربایجانک حق استقلالنی طابق صلاحیت کامله سنی حائر روسیه مرخصلرینک اتخابنی تکلیف ایله ، آذربایجان مرخصلری ایله واقع اولاجق تلاق محلتک دخی تعیینی ایسته یوردی . فقط قیزل خارجه ناظری وضع اولنان معین مسألله صریح و قطعی بر جواب و یرمکدن

ایسه آذربایجان امور داخلیه سنی تنقید ایدر « ابتداء نامه » قیقلی نوطه لری ایله اذهانی تشویش ایتمه بی دها مناسب بولیوردی .

بو نوطه لر تعاطی ایدلدیکی صر زده (دهنیکن) اوردوسنک بولشه ویکلردن قاجان بقیه سی ، قاسپی فیلوسی ایله برابر ، باکو لیمانه التجا ایدیوردی . برآز اول ، ۱۸۲۸ سنه سنده منعقد « تورک انجای » معاهده سنه استناداً ، آذربایجانه مراجعتله قاسپی دکزنده روسیه باندراسندن باشقه بر باندیرایه تحمل ایدمه جگنی سوبله ن قوت شمدی پروتستو ایتدیکی بایراغک سایه امانه صیغنیوردی . بوضورتله دهنیکن فیلو واوردوسندن بر قسمی حقوق بین الدول موادنجه سلاحنی ترکه آذربایجان حکومتنه التجا ایدیوردی .

(دهنیکن) اوردوسنک شوضورتله انحلالی و قافقاسیا جمهوریتلرینه التجاسی نتیجه سنده ، شهه سزکه ، آذربایجان ک مدهش بر تهلسکینی آتلاتیوردی . فقط عینی زمانده ده « آتشدن چیقوب علوه دوشیوردی » . (دهنیکن) یرینه شیمدی (له نین) قوتی قائم اولمشدی . بوده بر روس قوتی ایدی . هم ده بوقوت اوته کی کبی دکل ، اوندن دها قورقونج بر قوت ایدی . چونکه اوته کی قوته بوتون طبقات ناس معارض وکندیسنه قارشی مدافع ایکن ، کیمسه ده اونک دشمن بر قوت اولدیغنه شهه یوق ایکن ، بریکی اویله دکلدی ؛ بونک اغفالکار شعار لری واردی ؛ بو ، ملتک حاکمیتندن ، استقلالندن ، شرک استخلاصندن بحث ایدیوردی ؛ فقرايه جنت وعد ایدیوردی ؛ امپریالیستلره قارشی مبارز بولنان تورکیه یه معاونت ایتک ایچون بر آن اول آنی مبارز آناتولی آله ویره جگنی وعد ایدیوردی . بو صوکی شعار بالخاصه مؤثر ایدی . چونکه ، تورکیه دردی

ایله یانان آذربایجان قلبک حساس نقطه‌سنه باسیوردی . بو شعار ،
بالخاصه بولشه ویکلری یالکز سوزلری ایله طانیان و کندیلری ایله
حسابلری بولونمایان بعضی تورک (تورکیه معناسنه) رجال و ضابطانی
اوزرنده پک بیوک بر تأثیر اجرا ایدیوردی .

هم حقیقتاً احوال نه مرکزده ایدی ؟

استانبولده میثاق ملی اعلان ایتمش مجلس مبعوثان دول مؤتلفه
قوماندانلنی طرفندن داغیدلمش ، مبعوثاندن مهم بر قسمی مالطیه کوندر-
لمشدی . تورکلکک شانلی قهرمانی غازی مصطفی کمال پاشا بر قاچ
صادق یارانی ایله ارضروم و سیواسک هجرا گوشه لرنده ، آناتولینک
فداکار ایلنده ، بو کونکی محیرالعقول برظفرله تماملان حرکت ملیه
احضار ایدیوردی . بو حرکتی ، ظهورنک ابتداسنده بو عمق مقصدیه
هر نوع سلاح مدافعه دن تجرید ایدلمش قوای ملیه اوزرینه ، من غیر
حق ، دول متفق طرفندن کندیسنه ترک اولونان ازمیره چیقان
یونان اوردوسی ، غیر قابل تصور مظلله ، آناتولی نک باغرینه طوغرو
تجاوز ایدیوردی ؛ بری ده دخی ارمیلر ، بوتون شرقی آناتولی یی تملک
ایتمک اوزرد ، قوای ملیه نک باشی اوزرندن یونانستانه ال اوزاتیلوردی .
بویله بر حالده ، « صویه دوشن ییلانه صاریلیر » فحواسنجه ، تورکیانک

خلاص و نجاتنه معطوف حرکت ملیه زماندارانی دنیا ایمپریالیستلرینه
قارشی لوای عصیان آچمش بر وضعیتده بولنان روسیه سمتنه باقیور ،
اورادن بر امداد امید ایدیورلردی . روسیه اختلالنی اداره ایدنلر
تورکیه نک بو توجهندن بو احتیاجندن پک قورنازجه استفاده ایده جکلردی .
بو استفاده نتیجه سنده ، الک آزی ، آلدن کیتمش بولنان قافقاسیا ،
باشده باکو پتروللری اولمق اوزرد ، تکرار روسیه اعاده ایدیه جکدی .

اورتایه بر شعاع آتیلیوردی : بولشهویک روسیه ، قابتالک دشمنی در . مبارز تورکیه اوروپا ایمپریزمی ایله ئولوم و دیرم مبارزه - سنده در . آنقره مبارزلینه یاردم ایتمک موسقوانک آرزوسیدر . بو یاردمک تأمین ایچون قافقاسیاده بزه دوست حکومتلر تأسیس ایله مک و بر آن اول قیزل اوردوی آناطولییه سوق ایتمکله تورکلرم معاونت ایله مک لازمدر .

ازمیر فلا کتزه لری فائده سنه مملکتک هر طرفنده اعانهلر طوپلامقله مشغول وغزته لری ایله تورکیانک ماتملرینه اشتراک ایدن آذربایجان خلقی اوزرنده بویه بر پروباغانک نه کبی تأثیرلر اجرا ایده جکنی وبوصورتله نه کبی وقایع احضار اولنه جغنی تصورایدیکزم بولشهویک آغزندن ایشیدیلن بوسوزلره برده ، بوسوزک باشقه مقاصد مخصوصه دن عبارت اولمدیغنه قانع کورون ، آذربایجانده مسافر و خدمتمده بولنان تورکیه لی ذی نفوذ قارداشلر مرکز طور و حرکتلرینی علاوم ایدرسه کز ، او وقت بولشهویک لهنده یایلاجق هر مانکی بر اختلافک نه سهولته وقوعه کله بیله جکنی تقدیر ایدرسکز .

آذربایجان ماییت پرورلری ، بولشهویکلرک ، روسیه داخلنده قالدقچه ، قطعياً معارضلری دکل ایدیلر . اختلافی روسیه ایله مبارز تورکیه آراسنده حائل اولارق آناطولی حرکات ملیه سنه انکل تشکیل ایدن بر قوت دخی دکلدیلر . یالکزم ، آذربایجان جمهوریتک حقیقی استقلالنی طانیق شرطیه اولر ، بولشهویکلر طرفدن اعلان اولنان شعارلرک صمیمیتنه اینانا بیلیرلردی . یوقسه « بوتون او یونک خواجه نصرالدینک یورغانی اوستنده اوینانا جغه » شه لری یوق ایدی .

بر طرفدن تورکلرک شانلی علمدارینی بوتون شرق تاریخی



آذربایجان اوردوسی انطباعاتدن : بر پیاده غزونی

دیگرگون ایده جگ عظیم سـ توطن قورتاراییله جگ تشبته مانع اولماق ، دیگر طرفندن ده تورککک علامک بل کمیکنی تشکیل ایدن توزاد برجهوریتی کندی آیلله قیرمامق ـ ایشه ایکی بیوک ومسئولیتلی وظیفه ! . . بو ایکی وظیفه نی تألیف ایتدیره بیلامک ایچون متجانس دکل ، متمرکز بر وضعیتده بولنان حکومت بو کبی خصوصالرده سریع برقرار آله میوب هفته لره دوام ایدن بر بحران وکلا دورده سنه کیرمش اولدی .



حکومت حال تذبذب و بحرانده ایکن قره باغ حادثه سی ظهور ایدیور: بایرام کیجه سی ـ نوروز بایرامی ـ شیشه شهرینک یاقیننده واقع «خان کندی» دنیلن عسکری قصبه بایرام، مخصوص بر ذوق ایچنده . ضابطان محفل عسکریده کیجه نی کچیرمکه مشغول. عسکرلر آقشامدن بایرام سناککرینه مشغول اولدقن صوکره استراحته طالمش، او یویور. بو ائنده اطراف کویلرده مسکون آرمنی عصاتی، بو کیجه یه مخصوص احضار ایتدکری سونکولرله مجهز اولدقنری حالده، کیجه لین بر باصقین اجرا ایدیورلر . آنسزین یاپیلان بو کیجه باصقینی هدش بریلان اوزرینه ترتیب ایدلمشدی . برکت ویرسین که متبصر یولنان عسکرلر یاتاقلردن قالقارق امانسز دشمنله غیرتلاق غیرتلاغه کلیور. وهان قومندا هیئتی حادثان خبردار اولارق باصقین دفع اولونیور .

خان کندی اوزرینه یاپیلان باصقین ایله برابر، عینی ساعتده، مشهور «عسکران کیدی» دخی آرمنی عصاتی طرفندن اشغال اولونیور. عسکرانک

طوتوماسی ایله قره باغك باكو ایله اولان خ - مواصله سی کسلیوردی .
قره باغ والی عمومیسی حادثه یی باکویه بیلدیریور ، امداد
ایستهوردی . قشلهك ارمیای طرفدن محاصره ایدلیکنی ، امداد
قوتی گلرسه ، سقوطك محقق اولاجنی قوتلی جمله لره افاده ایدیوردی .
قشله سقوط ادرسه ، بوتون قره باغك ارمیایك ائه کچمه سی محقق
عد اولیوردی .

موجود قوای عسکریهك اولای بر قسم مهمی همان عسکرانه
سوق اولیور . شدتلی بر مقاومتدن صکرده ، ایکنجی هجومده ، عسکران
کچیدی دشمندن تطهیر و خان کندی خلاص اولیور . رجعت ایدن
عاصیلر دها یوکسک طاعلره چکیله رك مقاومتلرنده اصرار ایدیورلر .
عاصیلر تعقیب اولونیور . « کشیش کندی » نه تحصن ایدن ارمیای آذربایجان
عسکرلری طرفدن احاطه ایدیلور .

قره باغ جبهه سنده حادثات بو صورته انکشاف ایتکده ایکن
ارمنستان حدودنده تحشیدات عسکریه مشاهده اولونیور . عینی
زمانده قازاخ قوا سنده ده یکی بر جبهه آچیلیور . بوراده ارمی
قوتی ایله آذربایجان قوتلری آراسنده مصادمه لر باشلا یور .

بو یله آنسزین وجانیانه بر صورتده واقع اولان هجوم اهالی اسلامیه یه
صوک درجه ده اغضاب ایله هر طرفده بر طاقه حادثات ظهورینه زمین
تشکیل ایله رك شماخی ، شکی و کنجه قضا لرنده ارمی - مسلمان
حادثات خونینی انکشاف ایدیور .

بو یله بر زمانده داغستانده کایتلی قوتلره متحشد بولشه ویکلر
ظاهر آپک مصلحانه برسیا کومتر مکه حادثاته انتظار ایدوب دورینیورلر .
عینی زمانده ده بولشه ویک مرخص تجاریسی (- الاویوف) با کوده


آذربایجان حکومتی ایله پترول مباحثه سی مسئله سنه عا ئد خصوصاتی
مذا کره ایتمکده ایدی .

قره باغ حادثاتی اوزرینه انعقاد ایدن مجلس مبعوثان جلسه لرندن
بریسنده بولشه ویک مبعوث قارایف [۱] « قره باغده ظهور ایدن
بو حادته مؤتلفلرک بزى بوغغق ایچون صار دینی زنجیرلردن بر حلقه در .
بو حلقه می آذربایجان کندی قوتی ایله پارچالایامز . براقکیز شرق
ملتلرینک حقوقی مدافع ایدن قیزل اوردو کاسین دده ، قره باغ عصیانی
یاتیرسین ؛ ده اصوص کره آنا طولی به امداده کیتسین » دییوردی . قارایف
بو سوزلری سویلرکن مبعوثانک مسافر لره مخصوص لوجه سنده
دوران تورکیه لی قارداشلر مزدن مسؤل بریسنی کوریوردم که جدی
صورتده تصدیق و تقدیر علامتلی کوستریوردی .

ارمنی عصیانندن بر آز اول دیگر بر حادته دخی ظهور ایله مشدی .
آذربایجان قومونست فرقه سی نامی ایله طوپلانان اختلال قومیه لرینک ،
حکومتی دویرمک قصدیله ، بر عصیان یایمق نیتنده اولدقاری حکومتجه
کشف اولومش ، تعقیبانه باشلامش ، بو تشکیلاته منسوب ذواتک
همان کافه سی او کره نیلمش وعوامل مهمه سندن بر قاجی تحت توقیفه
آلمشدی . ارمنی عصیانی ایله بو تشکیلات آراسنده صیق بر مناسبت اولدینی
دخی موسقوايه کیدن ارمنی سوسیال ددموقراتلردن پیروموف ایله
زاخاریانک موسقوايه منتشر روسجه « حیات ملل » غزته سنده مندرج
معروضه لری ایله مثبتدر .

[۱] قارایف سوسیالیست بلوژنک لیسته سی ایله مبعوثانه داخل اولمشدی .
صوکره بولشه ویک اولمش ، بده روس استیلاسی متعاقب بر قاج کون ایچون
کندیسنه آذربایجان حریه - بحریه قومیسری دنیلمشدر .

بولشه ويك استیلاسی



دفته لراه دوام ایدن بحران وكلا نتیجه سنده، بوتون فرق سیاسیةك موافقیته، یکی قایینهك تشكلی حاجنسکی محمدحسن بکه حواله ایدلمشدی. محمدحسن بك، بولشه ویکلردن آذربایجانك استقلال و تمامیت مالکیه سینه عائد تأمینات مهمه آلمق اوزره مبارز تورکیه ایله اختلاجلی روسیه آراسنده هرایکی طرفه دوست برحکومت تشکیل ایددجکدی. بو مقصدله، دهاییکی قایینهك تشکلی بکه مه دن، مخصوص برهیت مرخصه دخی بولشه ویکلر نزدینه اعزام ایدلمشدی. بو هیئت روسیه نك محتاج اولدینی مواد اقتصادی بی تأمین اتمک صورتیه بولشه ویکلردن استقلال و تمامیت مالکیه بابتده تأمینات سیاسیة آلمق اوزره معاهده عقدینه صلاحیتدار ایدی.

وضعیت بویله برانتظار حالنده ایکن آنسزین بولشه ویکلر عسکرینك حدودی تجاوز ایتدیکی خبر آلیور. نisanك ۲۶ سنده، کیجه لین واقع اولان بو حادته ۲۷ سنده، صباح لین محافل سیاسیة ده عیان اولنجه هر کس حیرت لر ایچریسندمه مهوت قالب شاشیریور. حدودده بولنان عسکرلر، قوای کلیه لری قره باغ وقازاخ جهه لرندمه مشغول اولدیغندن، ۶۰ بیک مقدارنده تجاوز ایدن دشمنه قارشى ایکی ساعت قدر مقاومت کوستردکن صوکره رجعت اتمک مجبوریتنده قالیورلر.

او کون، آقشامه دوغرو، شهرک محافظه سنه مخصوص کوکالی اهلیدن تشکیل اولنان و ضابطانی صرف تورکلردن تشکیل ایدن « یارديم آلاي » نك، ينه تورک ضابطان طرفندن [۱] اداره اولنان زرھلی اوتوموبيللرک و فيلوده خدمت ایدن عثمانلی ضابطلرندن بر قسمنک بولشه ويک لهنده اولدقلى ، دھا تشکل اتمه مش بولنان يکي قابينه ايله ، استعفا سي قبول ايدليکي حالده ، امور حکومتی دھا دور و تسليم اتمه مش بولنان اسکی قابينه آراسنده اصیلی دوران حکومت و اونکله برابر مجلس مبعوثان ، آذربایجان قومونست فرقه سنک اولتیا تومی قارشيسينده بولندی . بو اولتیا توم ، حکومتک آذربایجان قومونست فرقه سی مرکز قوميه سنه تسایمی طلب اتمکله برابر آذربایجان استقلالنک تحت امنیتده بولنه جغنی و حکومتک روسلر ترک ایدلییه جکنی تأمین ایدیوردی . مجلس مبعوثان طرفندن بوتون فرقه لرک مثللرینی جامع اولق صورتیه انتخاب اولنان قومیسون ايله قومونست فرقه سی مرخصلری آراسنده تقرر ایدن شرائطه کورد :

۱ — روس اوردوسی با کویه کیرمه دن ، دمیریولی ايله دوغرو آناتولی امدادینه کیده جک ؛

۲ — آذربایجان استقلال و تمامیت مالکيه سی هر نوع تعرض و قيوددن مصون قالا جق ؛

۳ — آذربایجان اوردوسی اولدینی کي قالبونخلال ایتدیرلميه جک ؛

۴ — آذربایجان فرق سياسيه سی حریت و سربستیلرینی محافظه ایددجکلر ؛

۵ — سابق رجال ، اعضای حکومت و مبعوثان دن کیمسه جرم سياسی ايله آهام ایدلییه جک ؛

[۱] بورادهمکی « تورک » دن مقصد عثمانلی تورکی دیمکدر .

۶ — کمال سربستی ایله طوبیلا نه جق آذربایجان شورائری حکومتک
 شکل ادارد سنی تعیین قیله جق ایدی . [۱]
 عین زمانده مسافرتاً با کوده بولنان عثمانلی تورکلرندن بر قسم مسئول
 ذوات آغزندن اشاعه اولونیوردی که :

«کن قیزل اوردو قوماندانی نجاتی بک نامنده بر تور کدر؛ بو اوردونک
 قطعاتی میانده تورک اسرای حربندن متشکل آیلار وار؛ بر چوق
 قطعات دخی وولغا بویی تورکلرندن عبارتدر؛ بو اوردو حیات - ممت
 مبارزدهسی ایچنده بولنان آناتولینک معاونته قوشیور؛ بو قوته قارشی
 کوستریله جک مقاومت تورکیانک خلاصی انکل ایده جک بر وقعه
 اولابیلیر که بیوک تورکلک واسلامق نقطه نظرندن بر خیانتدر .
 بوتون بوشر طرک ایرتسی کونی یرتیلاجنی محقق ایدی . سویله ن
 سوزلرک دخی بر سیاسی خدعه دن باشقه برشی اولمادیغی آشکار ایدی .
 مع مافیله بو ووضوح بر چوققلری ایچون مشکوک ایدی . او آنده اغفال
 اولونانلر پک چوقدی .

مع مافیله بوتون بوشر طرله رعایت ایدلیله جکنی ، حق واستقلالیزی طابق
 صورتیله آناتولی امدادینه کیده جک قوته یوللار مرکز آچیق بولندیغنی ، فقط
 بزه صورمه دن سر حددار لر منزی طوپراقلرله سره رک مملکت مزه کیرن
 هر هانکی بر قوتی دوست دکل ، دشمن کبی قارشیلامق لازم کلدیکنی ،
 مجلسک کندی قراری ایله دکل ، یالکز دشمن سونکوسی ایله حقنی آخره
 ترک ایده بیله جکنی بیانله پروتستوایدن اولمشسه ده [۲] ، اکثریت مبعوثان
 [۱] مبعوثان قومیسونی بو شرائطی « مساوات » ممانک رأی علیهنده
 اکثریتله قبول ایله مشدر .
 [۲] بونطق اعتراض ، « مساوات » فرقه سی نامنه ، لیده ر صفتیله ، مؤلف
 طرفندن سویلنمشدر .

حادثات معلومه تأثیر و تهدیدی آئنده، سالف الذکر شرائط داخلنده، حکومتی آذربایجان قومونست فرقهسته قایدیرمق مجبوریتنده قالمشدر. (۲۷ نیشان ۱۹۲۰)

نیشانک ۲۸ نذن اعتباراً اوچ رنکلی آذربایجان بایرانغی قسماً قیزل سوویهت وقسم اعظمی ده عثمانلی بایراغنه عوض ایدلمشدی. ملیس باشنده، یاردیم آلاینه شهر قوماندانلغنده و دیگر مسؤلیتی مقاملرده بولنان تورک (عثمانی) نام وامضاسی ایله چیقان امر یومیلر، بیاننامه و اعلانلر کوزه چاریوردی. اولیله بر تأثیر حاصل اولیوردی که اختلالی یاپان تجاوزکار روس اوردوسی دکل، عثمانلی تورکلیدر. « مساوات » حکومتی ده وریش، یرینه تورکیه حکومتی قورولمشدر. اوتوموبیللرده شهرک مختلف سمترینه قوشان عثمانلی ضابطانی حقیقه بو ذهابی تقویه ایددجک بر ماهیته ایدی. دها زیاددسی اختلالک عقبنده تورک قومیسرلکی نامیله تشکل ایدن مؤسسسه نامنه نشر اولنان بیاننامه لرله تورک قومونستلری طرفندن نشر اولنان « یکی دنیا » غزتهسی بو « امر خیر » ک کندی تشبثلری ایله وقوع بولدیغنی یازدقدن صوکره « انکلزجی مساواتی ده ویرمکه ایکی مقصد تعقیب ایدلدیکنی » ایضاح ایدیورلردی :

۱ — آذربایجانک خلاصی.

۲ — حیاتی ایچون مبارز بولنان تورکیه یه اختلاجی روسیه نک

معاونتی تأمین .

« تورک مرخصانی » نک بیاننه کوره برنجی مقصد حاصل

اولمش ؛ ایکنجی مقصدک حصولی ایچونده خلیل پاشا موسقوايه



ایلك هیئت وكلا رئیسى مرحوم فتحعلی خان [۱]:

[۱] فتحعلی خان آذربایجان تاریخ تشکینده مهم بز رول اوینامش، سیالز دندر . مومی الیه روس مکتب حقوقندن مآذون مشهور بر آووقات ایکن . ایکنجی دو مایه قفقاسیا مسلمانلری طرفندن مبعوث انتخاب اولونمشدی . ۱۹۱۷ سنه سنندن اعتباراً، ظهیر ایدن اختلال سنه لرنده، اهالی اسلامیه نك حقوقنی مدافعه الیه دخی کسب تمایز ایله مشدر . مشارالیه ایلك آذربایجان قابینه لرنده ریاست ایله دیکه کی، صولک زمانده دخی خارجه وکالتنده بولنمشدر . فتحعلی خان آستانا قوای اشغالیه سنه قارشى آذربایجان استقلال سیاسیسی

اعزام ایدلمشدی . [۱] فی الحقیقه ایکی کون اول خلیل پاشا با کون
موسقوایه متوجهاً عزیمت ایله مشدی .

* * *

آذربایجان ضرب مثلی ، « یالانک عمری آز اولور » دیر . [۲]
بو « امر خیر » یالانک عمری ده بر هفته سورمدی . روسیه قیزل
اوردوسی یوقاریده مذکور شرائط مرکبی بیله قورومادن ، مایسک

قورنارمقی خصوصنده بالخاصه ابراز متانت ایشدر . جمهوریتک بولشه ویکلر
طرفدن استیلاسنی متعاقب مومی الیه فراراً تقلیسه التجا ایله مش ، بوراده
آذربایجان دعواسنی ادامه ایتدیرمکده ایکن ، خانی برقورشون قیمتدار حیاتنه
غیج بر صورتده خاتمه چکمشدر . فتحعلی خانک شو صورتله صحنه حیاندن
چکیلیمسی آذربایجان استقلالنک حسرتیله داغدار اولان کولکلرده سیلیمز
بر تاثیر براقشدر . خداغریق رحمت ایله .

[۱] اوزمان مؤلف با کورده محتی بولنیورایدی . نام مستعارله « یکی دنیا »
غزته سنه بر مکتوب یازدی . بو مکتوبده ، « آذربایجانده واقع اختلالی سز
تورکلرک متعدد بیاناتلرینه اعمادله بر « وقعه خیر » کی ظن ایدن اهالیده ،
صوک نسخه کزده مندرج بر فقره پک مهم اندیشه نی موجب اولمشدر .
خلیل پاشانک تورکیه روسیه نک معاونتی تأمین ایچون موسقوایه عزیمت
ایتدیکنی یازیورسکز . حالبوکه آذربایجانلیلر حادثه معلومه نی ، تورکیه نامنه تأمین
اولومش بر فائده مهمه شرطیله ، شایان قبول کورم بیلمشدردی . شمدی یازدیغکز دن
آکلاشیایورکه بوفائده حالاً تأمین ایدلمش دکلدر . فرضاً بو منفعت پاشانک
موسقوایه ورودندن صورکده تأمین ایدیه منزه ، اوزمان سز تورکلر بزه
نسبت قاردهش خلاصکاری ایکن قاردهش قاتلی موقننده قالمایسکز؟ » دیه استیضاح
اولنیوردی . بو مکتوب درج ایدلمدی ؛ یالکیز بر قاچ آی صورکده « لایسج »
داغلرنده آله کچن « یکی دنیا » نسخه لرندن برنده بو مکتوب صاحبنک تورک قومیسر لکنه
کلوب ده بالذات جواب آلماسی توصیه اولنیوردی .

[۲] آناتولی شیوه سنده کی « یالانجی نک مومی یاتسویه قدر یانار »

ضرب مثلنه مقابل .

برنده با کویه کیردی؛ عینی زمانده، شرائٹ مذ کوره خار جنده، دمیر
یول ایله دوغرو آناطولی حدودینه کیتیه ریک، مختلف یوللارله مملکتک
سوق الحیش نقاطنی طوماغه باشلادی.

با کونٹ قیزل اوردو طرفدن اشغالیدن ایکی کون سوکره تورک
قوماندانلر روس یولداشلره عوض ایدلدی. فقط ایش بونکله ده قالمادی.
« امر خیر » ی تسعید ایدن نه قدر عثمانی ضابطی وارسه، هپسینی یا
حبس ویاخورد قابو طیشاری ایتدیلر. [۱]

شرائطنامهک دیگر ماده لری ده عینی قضایه اوغرادی. اوردونک
ضابطاتی حبسه وکندیسنی مختلف بهانلارله داغیتایه باشلادیلر.
اسکی رجال وسابق مبعوثلر برر برر توقیف ایدلدی. بر قسمی ده
مملکتی ترک ایله مک مجبوریتنده قالدی. کوزده نه قدر منور
وارسه، هپسینی صیق ترصد و توقیف آتته آندی. شهرک معتبرانی
ویوکسک مأموریتده بولنان ذوات سوراق سو بورمان، چوپلک وسائر
تمیزله مک کبی ایشلرده جبراً استخدام ایدلدی.

حکومتک المسئول موقعلرینی روس، آرمینی، کورجو و تورک
اولمایان عمله ایله خار جدن کلن یابانچیلره ویردیلر. قیزل اوردونک
تشکیلات و مخصوصه سنه تابع «چهکا» لر تأسیس ایدلدی. مقابل اختلال
تشکیلات شخصلرد قارشی مجادله ایدن بوقانلی مؤسسسه مدهش بر صورتده
اعدام لره باشلادی. (پانقر اتوف) نام بر جلدک اسمی هر کسی تیتره تیور،
اعدام ایدیلنلرک صایه گلز لیسته لری هر طرفه دهشتلر القا ایدیوردی.
آرتق هر کس آلدان دیغنی کوریوردی. بو خصوصه آلدانانلر

[۱] بوسیاست بالخاصه مصطفی صبحی نک با کویه وروندن سوکره کسب

شدت ایلشدی.

يالكز عثمانلى مسافرلر من دكلدى . بولشه ويكلرده بوتون عالم اسلامك منجيسنى كورن وبوكا كوردهد بوتون قوتى كنديلرينه تقديم ايدن « اتحاد » فرقهسنه بولشه ويك غزتهسى « موجب عار بر متفق » ديهه مقابله ايتدى . [۱] مساواتچيلردن بر قسمى دخى ، صول مساواتچى ناميله وضعيته ، بر درجه اولسون ، اجراى تاثير اتمك ايسته ديلر سهده كنديلرينه « ميلانك آغنده ، قاراسنده لغت » ديديلر .

بر آى اول مساواتچى وسائر ملت پرورانك تخمين ايله دكلرى تهلكه بوتون عريانلغيله ظهور ايدىوردى . روس بولشه ويكلرى اسكى روسيه حدودلرينى طوتيورلدى .

اختردن بر آى صوكره ارتق بوتون آذربايجان ، مملكتك مدعش بر استيلايه معروض قالدیغنى آجى بر صورتده درك ايله مشدى . توركيابه كيديور ، ديهه تحمل ايله ديكى روس اوردوسنى مملكتده فساد ايقاع اتمكله بردوام كورونجه ؛ سو كينى اوردوسنك ، كنديسنه هر بورويشى ايله دنيا لر قدر روح وعزت نفس نفخ ايدن بوكنج عسكركلرلك ، مرتب بر صورتده داغیلدیغنى ، منوار سنك كنديسى ايله مناسبدن منع ايدلديكنى ، ثروت وسامانك يغمايه كيتديكنى ، آداب و اخلاق مليه سنك فنا صورتده تحقيره معروض قالدیغنى دوينجه ، بالطبع ، خلق تحمل ايدمدى . عصيان ايتدى .

بو عصيان ابتدا كنجهدن باشلادى . چاريزمك غدار جنزالى كناز چيچيانوفه پارچه پارچه دوغرانجهيه قدر مقاومت كوسترن جواد خانك شهرى بودفعهده كنديسنى كوستردى . ملتك تحمل ايدمدى كى

[۱] با كوده منتشر « قومونست » غزته سنك ۱۹۲۰ سنهسى مایس

قوللقسيونته مراجعت .

تجاوز لرده قارتی عصیانکار روحیه کو پوردی. بوراده ده سلا حلیخی
 تسلیم اتمش بولنان آذربایجان عسکرلری عصیانک کو کنی تشکیل
 ایتدیلر. عصیان برهفته قدر دوام ایتدی. روسلر بوراده دیویزیونلریخی
 غایب ایتدیلر. با کوردن قوای امدادیه کلدی. دیگر طرفدن ده کنجه
 آرمیلری قیامیلری آرقه دن وورمغه باشلانجه، شهر سقوط ایتک مجبور ایتنده
 بولندی. خطر جغتاری طاغین نهرله کیسلن اهالی مدھش بر قتل عامه
 معروض قالدی. شهر یا قیلدی. بازار غارت ایدلدی. هتک ایدلمک
 عرض و ناموس بر اقلمادی.

کنجه عصیانی ایله برابر تهره، آغدام، شوشاقصبه و شهر لر ندرده بولنان
 آذربایجان قطعات عسکریه سی دخی اطرافده کی اهالینک عصیاننه بر مرکز
 و مبدأ تشکیل ایدیوردی. تهره رده قیزل اوردونک بر آلابی محو
 ایدلدی. آغدامده کذا اولدجه مهم تلفات ویردیلر. قاره باغ،
 شکلی، زاقانال، لنکران، قوبا و سائر یرلر دخی بر قاچ کره عصیان
 ایتدی. لنکران قضاانده کی عصیانلر آیلرله دوام ایله دی. زاقانال
 وشکی عصیانلری پک قانلی بر صورتده باصیرلدی. بز بوراده آز
 چوق مهم بر مقیاسده ظهور ایدن عصیانلری قید ایدیوروز. یوقسه
 عصیان ایدلمک بر یر قالمشدر. خاآنانه بر صورتده ایندیریلن ضربه
 آنی ایله قوای تشکیلیه دن محروم و غیر منتظم بر صورتده ظهور ایدن
 بو حادثلر میاننده اوله لری وار که حقیقتاً ده بر داستان حماسدر.

آذربایجان جمهوریتک تاریخخی یازاجق مورخ بو عصیانلری تدقیق
 و تفصیلاتی ایله البته تحریر ایده جکدر. بو عصیانلرک بیهوده اولدیغنی
 و سلامت عمومیه ضرر کتیر دیکنی ادعا ایدنلر وار. فقط بو عصیانلر دخی

اولسه ایدی، آذربایجان خلقی بیلمم هانکی وقعهلره کندی ناموسنی مدافعه ایتمش اولدیغنی اثبات ایده جکدی؟!

آذربایجانلی ناصل عصیان ایتیه ایدی که، یونان قارشیسنه کیدیور، دیه وطنه بر دوست و متفق کبی کیرن بر اوردوینی مملکتده قارداشی قارداشنه صالدیران استیلاکار و ظالم بر قوت اولارق کوریوردی؟! کنج آذربایجان عسکری ناصل کوره ایدی که، ضابطان و آمراسنی، هیچ بر سبب اولادن، حبسلره طیقایور، بغیر حق، قورشونه دیزیورلردی؟! وجدان ناس ناصل تحمل ایده ایدی که ناموسکارانه خدمت ایتمکدن باشقه کناهی اولیان فداکار مأمور و جنراللر قورشونه دیزیور، ملیتنه مربوطیتلرندن باشقه جنایتلری بولونمایان معلملری، محررلری، منور کنجلیری، حتی معلملری بیله استننا ایتیه رک، جانیانه بر صورتده محو ایدیورلردی؟! . . . خلقک صبری ناصل طاشمیه ایدی که، وقتیه روس چاریزمی طرفندن تورک اسراسنه بر مقتل تشکیل ایدن باکو لیماننده کی آطهلری بودفعه تورک دوستلنی نامنه حرکت ایدن خائن بر قوت آذربایجان کنجاکنک مزارلی حالنه قویوردی. [۱]

آذربایجان خلقی ناصل تاب و تحمل کوستره ایدی که، عادات و عغنائنه مغایر بر اصول اداره تاسیسی ایله روس موژیکی کندیسنه تسلط ایدیور؛ و طائمیادینی، بیلمه دیکی ادانی بی باشنه حاکم مطلق کسدیریورلردی؟! . . . کندی حیات ملیه و عادات دینیسی ایله یاشایان بر مسلمان ناصل روا کوره ایدی که عائله سنه، حریم عصمتنه

[۱] بولشویکار طرفندن قورشونه دیزیانلرک بر لیسته سی بورساله نک

صوکنه ضمیمه ایدیور.

يا بائخيلر آيريبور؛ ءصتو بر مسلمان عائسك بولندينى اوطه ايله قومشو۔ اكثرأ مدخلرى ده مشترك۔ داخى روسيه نك بيلمه هانكى كوشه سندن كله بر قيزل اوردو ضابطى اقامت اينديريلبور؛ سنه لردن برى تأسس ايند اعتيادات مليه يه، قومونيزه تشكيلاتى نامنه، تصورى قابل اوليان ضربه لر اينديريلبوردى؟!...

ايشته، دوست ديه، ملكته كيرن بر قوتك بر آيدن دها آز بر تجربه ايله معنا و ماده مدھش بر قوه استيلا اولديغنى كورنجه، بالطبع، اويقوده ايكن اوسته كبوس چوكن بر آدم كبي، آذربايجان خلقى يردن كل وحشته قالمشدى .
آرتق ملت قيام ايتمشدى .

ناموس و ملت مدافعه سى نامنه ظهور ايند بوقيامى، يوزينه اختلال و حریت ماسكه سى طاقان روس قوتى، زونه رحمت اوقوتد راجق بر شدت و ظلمه باصديرييور؛ هر طرفه فعاليتيه باشلايان (چه كا) لر كيجه، كوندوز قازلى ايشلرينه دوام ايدىورلردى .

ورودينك ايلك كونلرنده «أختلاك قانسز اولديغنه» تأسف ايند بوخونخوار قوت آرتق جلاللق ذرقنى تظمين ايچون فرصت بولمشدى . يالكز عصيان ظهور ايند يرلرده دكل، عصيان ايله علاقهدار اولمايان يرلرده دخى قورشونه ديزيلنلرك حد و حسابى يوق ايدى . كنجهدده عصيان ظهور ايندنجه، با كوده موجود موقوفينك اكثرى تولدورولدى . شهرلرده، بويوك قصبه لرده موجود معتبران «ملت پرورلكك كوكنى بردفعهلق كسمك ايچون» همان صورقوسز وسؤالسز قورشونه ديزيلدى . بو قربانلرك قسم مهمى ضابط ، محرر، معلم ، دوكتور ، طلبه مأمور وسائر بو كبي منوراندن ايدى .

آذربایجانک حقیقی دیققاتوری ، جلاد باشی (پانکراتوف) ایدی .
 (پانکراتوف) ک آمری فوقنده برأمر یوق ایدی . (چه کا)
 مأمورینک فضولانی او درجهیی بولمشدی که آذربایجان قومیسرلری
 رئیس بولان زیمان زیمانوفک کندیسنی بیله توقیف ایله مشلردی .
 بوتعقیبات اوزرینه آذربایجان ملیت پرورلکی فکرندن آیریلان -
 مادقلری ایچون بولشه ویکلکدن قاچان و تکرار فرصت بولوبده
 استقلاللرینک اعادهسی ایچون مبارزهده حاضرلانا ن اولاد وطن شمدی
 ایرانه ، تورکیهیه و بوتون آوروپا مملکتلرینه التجا ایله مش ، مساعد
 بر زمانی بکله یوب دوریسورلر .

یوقاریدهمد کورعصیانلری واکثریاده کندیلری طرفندن بالخاصه
 اویدورولان حرکتلری بهانه ایله بولشه ویکلرک آذربایجان بلادوقصبه سنه
 ویردکلری تحریکات ، یونانستانک آناطولیه ویردیکی خرابیدن آشاغی
 قالمادینی کبی وکنجهده احداث اولونان فاجعه ده ازمیر فاجه سنک پک دوننده
 دکلدر . بو حادثه لرده ، آچلق و سفالت یوزندن اولنر مستثنا ، یالکز
 تشکیل و جزا دسته لری طرفندن قتل اولنانلرک مقداری اون بیک
 مقداری مطلقا کچمکده در .


* * *

« اختلال » ، حکومتی آذربایجان قومونست فرقه سنه ویرمشدی .
 بو حکومت ، قورنازجه ، کاملاً مسلمان اعضادن تشکل ایتشدی .
 حکومت رئیس زیمانوف اسکیدن آذربایجانجه برآز معروف برسیما
 ایدیسه ده ، دیگر آرقداشلری تامامیه توره دی ایدیلر . حقیقته ایسه
 اصل سیاست چویرن قوت قومونست فرقه سنک آذربایجان هیئت

مرکزیه سی کابی، قیزل اوردو قوماندانلی و (چهکا) ایدی که بوزل
تامیله روسلرله سائر اجنیلردن عبارت ایدی .

ایلك كوزلر خلقك اغقالی ایچون پایلان مانوره لر یالكز بیوك
وعسكری مأموریتك ترك عثمانلی توركلرینه توجیهی ایله قالمادی . معلوم آ،
قیزل اوردو ارمنی عصیاتی دخی بردفعه لق بتیره جك، یولنی تمیزیه رك،
آناتولی امدارینه كیده جكدی . بوكا كورده ده قارا باغده دهامقاومت
كوستر مكده اولان ارمنی عاصیلری اوزرینه هجوم ایدلدی . عین زمانده
كورجستان دخی تهید ایدلدی . فقط بو، ظاهرده آذربایجان سیاست
ملیه سنی مدافعه اتمك ماسكسی، یالكز ارمنستانك بولشه و یكلر طرفدن
استیلا ایدلسنه قدر طاقلدی . ارمنستانده دخی بولشه و یك حكومتی
تأسس ایدر ایتمز روس سیاستی، نریمان بكك سخاوتكار آغزیه ،
ایکی كون اول مدافعه ایله دیكی زنك زور ایله نخچوان قضاسنی مظنن
برصورتده ارمنستانه هدیه ایتدی .

كورجستان ایله آچیلان محاربه دخی صلح ایله نتیجه پذیر اولدی .
كورجستانی تهید ایدن آذربایجان بولشه و یك حكومتی پادینی بوصولده
« مساوات » حكومتی ایله كورجستان منشه و یك حكومتی آراسنده
اولجه موجود بولونان ائتلافه كوره قطعی صورتده حلی حكمه حواله
اولوناجق « بورچالو » اراضیسنی بلاتردد كورجستانه ترك ایتدی واسكیدن
آذربایجان اراضیسندن اولدینی كورجستانجه تسلیم اولونان (زاقاتال)
اراضیسنی ایچون حكمه مراجعت ایله مك فورمولنی قبول ایله دی .
آذربایجانك سیاسی منفعتلری نامنه حرب باشلایان حكومت ،
تیجده مملكت قطعه لرینی هدیه اتمكله صلح یاپیور؛ دلیل اولوق اوزره
عمله ایچون حدود فرقی اولمادینی ایلری سورولیوردی . هم حقیقه ده



صوك هيئت وكلا رئيسى نصيب بك [۱]

روسىيە اچون برقصانك ارمىدەمى ، يوقسە تور كدەمى قالديغىنك نە
 اهمىتى اولابىليردى!... يتيشير كەبوزلر ۋەپسى روسىيەدە اولسون واورتەدەكى
 [۱] يوسف بكلى نصيب بك، قاقاسىيادە تورك مليت پرورلىكىنى تروپ
 ايدن دكرلى خادملردندىر. وقتيله قىرىمدە منتشر «ترجمان» غزەمى هيئت
 تخرىرەسى اركانىدىن بولغان بوذات كىچەدە تشكىل ايدن «تورك عدم مركزىت
 فرقىسى» نك مؤسسى اولش و ترتيب ايلەدىكى پروغرامدە روسىيەدە باشايان

اختلاف حل ایدلسین؛ بوحلده غائب ایدن مسلمان اولورسه، نه اعلا :-
 بولشه ویک سیاستک قورناز مانوره لریدن بریسی ده اختلافی متعاق
 (له زین) طرفدن آذربایجانک استقلالنی مبین برترغرفک نشری ایله،
 آذربایجان حکومتی وعصیان ایدن عمله و کویولوسی نامنه قیزل اوردونک
 آذربایجانه دعوتی کیفیتنی ایدی. بو دعوت اکثریا (چیچهرین)
 طرفدن مقام مدافعه ده ذکر اولنه رقی، اولیه ناییر حاصل ایتدیریلورکه
 قیزل اوردو، آذربایجان آذربایجانلیک دعوتیله گمشدر. حالبوکه دعوت
 ایدن ده کنسیدلیری، اجابت ایدن ده کنسیدلیدر.

ظاهرده بویله سوسرله کوز قاپان حریرفار باطنده آذربایجان
 اختلافندن مطلوب بولنان اصل مقصدلیری تسویه ایتمک ایچون شاه تخنسیکی
 بهبود ایله آذربایجان جمیوریت ملیه سی تاریخ سقوطکک مسؤل

تورک اقوامی ایچون مختیریت اداره ضاب ایله دیکی کبی، آذربایجان مختیریتی
 فکرنی دخی بر ماده مخصوصه ایله ثابت ایله مشدر. نصیب بک، آذربایجانده
 تشکل ایدن بوتون قاینه لره اشتراک ایله مش. صه ک ایکی قاینه دخی کنسیدی
 تحت ریاستنده تشکل ایتمشدر. نصیب بک قوتلی برمله مالان اولدینی کبی،
 حرارتلی ده بر ناطق ایدی. مشارالیه، قوت ایمان صاحبی وده موقرات بر
 آدامدی. وقعه استیلایی متعاق میتنده فرقه آرقاداشلرندن بر مساواتچی اولدینی
 حالده مشارالیه کورجستانه کچمک اوزره باکودن مفارقت ایله مشده بو کونه
 قدر نه کنسیدسنگ، نه ده یولداشنگ نرده اولدیلرینه دائر صحیح بر خبر
 آکنامامشدر. نصیب بک قارشی اولان علاقه و محبت، اوچ سنه قریب بر
 غیبوتندن صوکره دخی، کنسیدسنگ حال بر حیات اولدینی حقتنده افکار عمومی ده
 بر امید بر اقیورسه ده، مع التأسف حقیقتک بوامیدله موافقت ایده جکئی تخمین
 ایله مک کوجدر. آذربایجان مفکوره جیلکسنگک حرارتلی واک صمیمی
 ارکانندن اولان نصیب بک، کاسه شهادتی نوش ایتش اولسه بیله، بو مفکوره بی ایشانان
 کنجکک میخله سنده او دائما زنده در. الله کنسیدی امان و رحمتنده بولندر.

فاعلی بولنان حاجنسی محمد حسن موسقوايه کیتمشلاردی . بولنرک موسقوا سفرینی خاق، آرزوسی وجهله تأویل ایدیوردی: « کیتمشلر، لهینه سویله سینلرکه، بواداره آذربایجان یارمز! » حالبوکه اولنر دها چوق زمن تفصیلاتی هر کسدن، حتی آذربایجانلی قومونستلردن یله، قابالی صاقلان برطاق معاهدلر عقدیله عودت ایله مشلاردی . یالکز شاه تختنسی امضاسنی حاری بولنان بو معاهدلره کوره آذربایجان ، امورعسکریه، خارجیه، اقتصادیه واعاشه سنک تنظیمنی تاممیله روسیه یه ویریور ، عینی زمانده دمیرویلری ایله پترول مؤسسائنگ اداره سنی دخی اوکا ترک ایدیوردی . بو معاهدلره کوره آذربایجان، اقتصادی مسئله لرده وحقی اعاشه یه عائد خصوصلرده روسیه ده نئر ارلنان جمله ددقرتلی عینی ایله آذربایجان تطبیق اتمه لی ایدی . تعدادتدی کمز نظارتلرک آذربایجان قومیسرلر هیئتنده برر مرخصی بولنه جق و بو مرخصلرک کندی نظارتلرینه عائد مسائله رایلری بوتون هیئت اعضاسنک رایلری فوقنده اولاجق ایدی . حالبوکه آذربایجانک موسقوا حکومتنه هیچ بر نوعله اشتراکی یوق ایدی .

آذربایجانک حقیقی ثروتی اولان پتروله کلنجه، بوتون پترول روسیه ننگ ید انحصارینه آلیور، بوندن یالکز برقسی، آذربایجان داخلنده کی صرفیات ایله تورکیه و ایران بازارینه اخراج ایدمک اوزره، آذربایجان حکومتک کندی اداره سنه بر اقلیوردی . بو مقدارک تعیین دخی موسقوا باش محروقات قومیه سنک رضاسیله تعیین اولنه جقدی . دیمک که ، موسقوانک اراده سی حاصل اولمادن، مستقل آذربایجان کوبلوسی قولبه سنده یاقاجق لامبه نک ایشغنی ایسته دیکی کبی قوللانامزدی . هم حقیقه ، باکو حبسخانه سنده بولندیغم زمان ، غزته لرده باکو ایله هم جوار

قضالدردن بریسنده کویلو ایچون تائیس اولونان کیجه مکتبرینت پتول اولادیغدن دولای معطل قالدیغنی او قومله حیران قالمشدم . فقط نه یاپارساکه عینتی زیر پرده خفاده صاقلادقلری بومعاقدنری باکوده چیقان قومونست مطبوعاتی و اوصرده انعقادیدن آذربایجان سوویتلر قولغره سنده سوز سویله یین حیا سز خطیلر آذربایجان استقلالنک تقویه سی شکلنده تفسیر ایتشلردی .

مسئله یالکر مملکت منابع اقتصادی سنی ائده ایتمکه قالمایوردی . آرز چوق باقی قالان آذربایجان عسکری دخی داغیدیلوردی . بر قسم قطعاتی مقابل انقلابی دیه داغتمش ، کری ده قالان موجودی ده آذربایجان اختلالی متعاقب بولشه ویکلر طرفندن ایران اوزرینه یاپیلان تجاوز سقرینه کوندر مشلردی . بوصورتله بولشه ویکلر هم آذربایجان اوردوسی ائتلاف ایدیور ، هم ده رده ت ایه اترلیده یاپدقلری وقایعی آذربایجانی ائله اجرا ایتک صورتله بوایکی دیندش ملت آراسنده ابدی بر نفاق و اوچوروم آچق ایسته یورلردی .

رسمی بولشه ویک تؤولاتنه باقیلیرسه ، بوتون بونلر ، بالطبع ، شرق انقلابی نامه ، شرق ملتلینی خونخوار اوروپا قابتالیستلرینت اسارتندن قورتارمق ایچون یاییلوردی . بومقصدله تورکیه قومونست فرقه سی ، ایران قومونست فرقه سی وسائر تشکل ایدیور ، خلاصکار قومونیزم فکرینت بومملکتلرده ترویجی ایچون ماجراجو آدملردن متشکل مختلف تشکیلات وجوده کتیریلوردی .

ینه بومقصدله ، باکوده ، شرق ملتلی قونغره سی تشکیل اولنیوردی . فقط شرق مسئله لینی حل ایتک ایچون طویلانان بواجتماعده مسئله لری وضع و حل ایدنلر ، نهنسه ، هپ غرب سوسیالیستلردن عبارت

ایدی. ایچلرنده، بردانه اولسون، شرقلی یوق ایدی. مثلا، مجارستانده انقلابی غائب ایدن (بهلا کون)، کلوبده با کوده افغانستان، ایران و تورکیهده تطبیق اولنه جق اراضی مسئلهسینی حل ایدیوردی. هر نه قدر بوقونغرمیه اشتراك ایدن تورکیهلی مرخصلردن بر قسمی نامنه سوز سویله یین مرحوم بهاءالدین شاکر بک « شرقک خلاصی شرقیلرک کندی الی ایله اولمالیدر ! » دییوردیسهده بو خطاب (انترناسیونال) کورولتوسی ایچنده تأثیرسز بر صورتده غایب اولوب کیدیوردی .

زیرمان، آسترخانہ دوغرو کوندریلن پترول یوکللی کمیلری طوب انداختری ایله یوله سالارکن « بو، تاریخک قیدایده مدیکسی ایلک وقعهدر که پترول پوسله سز و حسابسز اولارق روسیهیه کیدیور « دییوردی .

عینی زماندهده « سوویت » حکومتی ایله « بورژوا » حکومتلرینک فرقنی آکلایرکن : « او حکومتلرک کلیر و چیقار دفتری وار ، فقط بزم کلیر دفترمز و ارسهده، چیقار دفترمز یوقدر « دییورری. ایشته بواصل ثروتی بلاعوض اسراف و مصارفنی دفترمز بر صورتده یاپان حکومت، آذربایجان کبی دنیاده مثلی یوق زنگین بر منابع تروته مالک اولان مملکتی اولیه بر حاله کتیردی که کندیسندن پک چوق فقیر اولان کورجستانه نسبت بیه اعتبارسز بر حاله کلدی. باکو پترول او جاقلرنده چالیشان مستحصللری کندی قائمهلری ایله دیوران بر حکومت، حاصلاتی کاملاً روسیهیه ویررده، مقابلنده، موسقوا کاغذپاردهسی اولسه بیه، برشی آلمزسه ، بالطبع پازاری قیمت و اعتباری یوق قائمهلره دولدورور، که نتیجهسی افلاسدن باشقه برشی دکلدر .

غریب بر جلوؤ شئون دکلی که باشنه قونمش حساب بیلمز بر حکومت سایه سنده، باکونک پترولی اها لیسنگ فقیرینی موجب اولیور؟! ..

بو قدر سیاسی و اقتصادی خمرانلر نتیجه سنده ، هیچ اولمازسه ،
مملکت عرفانجه اولسون قازاندمی ؟ ... عجباً ، بو ممکن اوله بیلر میدی ؟
سیاستی اقتصاددن ، اقتصادی عرفاندن آیرمق قابلمی ؟ بر مملکت
اقتصادیاتی بر باد ، سیاسیاتی آلت اوست ایدن قوتدن عرفان نامه
اعمار کوزله مک قابل اولورمی ؟

ابتدا ، اوچ آی ظرفده بوتون آذربایجانک تورجه اوقور ،
بازار بر مرتبه ایصال ایدیله چکی اعلان اولوندی . بکی ، اما کتاب
یوق ، معلم بوق ... تجارت منعندن دولای ایشسر قالان بر آزاوقومه ،
یازمه بیان بازارکنلری همان قورصلره آلدیلر . ایکی اوچ هفته ظرفده
معلم اولدی ، دییه او کرتدکن صوکرده ، کاغذ اوزرنده ، مبدول بر
صورته ، آچلمش بولنان مکتبلره تعیین ایتدیلر ؛ سوزده هر نوعدن
برچوق عرفان مؤسسه نری تاسیس ارلندی . حتی بشقه مسالک صاحبی
اولوبده قومونزه تطبیقاندن دولای ایشسر قالان برچوق موسکارلری
استفاده صورتله کویلو ایله عملیه یالکیز یازمه و اوقومه دکل ، صنایع
نقیسه دن ده بر بهره دویرمک ایسته دیلر . موسیقی مکتبلری ، رسم مکتبلری ،
رقص مکتبلری ، بیلمم نه مکتبلری آچق ، عملیهی هرجهتله کامل ایتک
ایسته دیلر . خلاصه ایسته دیلر ، ایسته دیلر ، دب ایسته دیلر .

فقط آیلر دکل ، ییلار کچدی . ادارلر حالا روسجه . قونغرلر
حالا روسجه . آرزوق انتظامله دوام ایدن مکتبلر روسجه . اوچ
هفته ده معلم اولان بازارکنلر شمدی آدام عقللی ، البته معلم دکل ، بر
سوویت بازارکنی . موسیقی معلمی ینه کندی یازیخانه سنده احتکارله
مشغول . اسکیدن موجود مکتبلر بر حال پریشانیده . ایکی اقتصادی
سیاست موجبنجه ، نریمانوفک نظریه سنه رغماً ، سوویت حکومتک

شمدی غایت بیوک چیتار دفتری وارد رکه، بونک معارفه عائد جدولی، جدول لارک اک کوچو کیدر. اجنبی دارالفنونلرینه آرتق طلبه کوندرلیبور. یالکنز « مساوات » زماننده کوندریلان طلبه لری کری چاغرمق، سیاست، موافق کورولم، مشدر. [۱] تورکیه دن کلن معلم و معلمه لرسه تمامیه کری دو مشدردر. چونکه شرائط موجوده ایچریسنده چایشیانی ممکن کورمه مشدردر.

مطبوعات و ادبیاتک حالیمی صوربورسکیز؛ ایشته سزه نمونه : « فقرا فیوضاتی » نامیه یالکنز ابکی نسخه چیقاریله بیان « ادبی » مجموعه نک قومیسر لارک فوطوغرافلرینی حازی نسخه سنده رسملر آلتنه یازیلان منظوم سطر لردن بریدی سز د فیض انقلابک نه کی شاهکار یار آدیغنی ارائه ایدر :

« باق شو قاره زاده علی خیدره
تخته شیروانه ، ملک منظره ،
بجر خزر ، خطه آذرباجان
کورمه مش عمرنده بیله حکمران ! »

هم حقیقه ده بویله حیثیت سز بر حکمرانی آذربایجان دیچ بر زمان کورمه مشدر . بوتون معناسیله قرون وسطائی بر دور یاشار کن بیله آذربایجان خانلردن هانکیسنه هر هانکی قصیده خوان بر شاعر، مدحیه دییه، بویله بر « تحفه » کتیر سهیدی اونک نه یامان بر هجو اولدیغنی فرق ایدردی. فقط « ملک منظر » حربیا قومیسری بونک فرقنده دکلدرد. عرفان و ادبیاتده روح ملی تمیه ایدر جگ جریانلردن می مراق ایدیورسکیز؟ شو قدر بیلکنز، تورکیه لکک محترم شاعری محمد امین [۱] مع مافیه بونلردن حقوق و اجتماعاته مشغول اولان ۱۲ طلبه کری چاغیرلشدر .



مجلس مبعوثان رئیس ثانی مرحوم حسن بیٹ [۱۱]

بک افدینک آثار ملیت پرورانہ سی، کتب ضلالہ دن اولمق اوزردہ، بوتون
کتبخانہ لردن طی ایدلمشدر .

اگر صرف تورک یازیبی ایله چیقان مطبوعاتہ تورکچہ مطبوعات

[۱۱] حسن بیٹ رئیس ثانی صفتیله انخاب اولونمشسہده، رئیس اول علی
مردان بکک بالوظیفہ اوروپاده بولمدفلردن ، وظیفه ریاستی بالفعل تکفل

دنیلسه ، شمديکي آذربایجانده بو وار . یوق ، مطبوعات ملیه دن مقصد یالکیز یازینک ظاهری دکل ، روحی ، مندرجاتی دخی مراد ایسه او حالده بولشه ویک آذربایجاننده مطبوعات ملیه یوقدر . وقتیه آق پادشاهدن بحث ایدر دورور « تورکستان ولایتک کزیتی » نام میسیونر (آستراٹوموف) طرفدن نشر اولنان تورکجه برغزته ایله قیزل (لهنین) مناقبدن و قومونست فرقه سی نظریاتندن باشقه برشی بیلمه ین آذربایجان قومونست تورک مطبوعاتی آراسنده برفرق کورده میورم . بو مطبوعاتک دیگر تورک مطبوعاتی ایله مشترک برشیئی وارسه اوده یازیننده کی عرب حرفلریدر . فقط بولشه ویکلر بو فرقیده اورتادن قالدریورلر . آذربایجان حکومت حاضرده سی لاتین حرفونک تطبیقنه عائد قرار آلمش و بوکا تشبث ایله مشدر . بو تشبث تمامیه تطبیق اولنورسه اوزمن آذربایجان ایله دیگر تورک مطبوعاتی آراسنده نه باطناً برمناسبت فالاجق نه ده ظاهراً برمشابهت !

* * *

آذربایجانلیلر ، دمیتدن بری صایدیغ محرومیتلردن ، کعبه وار یلامیه جق قدر بیوک فلاکتلردن ده آجی بر خسرانه اوغرادیلر . معروض اولدقلری

ایتمشلدی . حسن بک آذربایجانک غیرتلی منورلردن اولوب جمهوریت تشکلندن ده اول خدمات ملیه سی ایله تمایز ایتمش سیالردندر .

بولشه ویک استیلامی زمانده حسن بک تفلیسده بولونیوردی . وقعه استیلامی متعقب حسن بک مملکتک خلاصی ایچون مجاهده سنه دوام ایتکده ایکن خائن برقورشونک قربانی اولدی . شهید مغفور موسقوا طب فاکولته سنندن مأذون ایدی . مرحومک حفظ الصحه عائد ، خلاق آکلایایله جکی برطرزده یازلمش تورکجه اثرلری اولدیغی کبی ، مباحث سیاسیه عائد رساله لریده واردر . حسن بکک شخصنده آذربایجان تورکلیکی صمیمی وفداکار خادملردن بریسی غایب ایتشدر . اولو تاگری روحی شاد ایلیه .

تجاوز واستیلا نتیجه سند التجاهیه مجبوراً دقلری تور کیه ده، بوقاردهش
مملکتده، بولشه ویکلرک پروپاگاندا سی، بو پروپاگاندا یه اینانان
وآدانانلرک تبلیغات و انتشاراتی سایه سندده، اویله آجی حالده مصادف
اولدیلرک، امانمز و خونخوار بر دشمندن قاچدقلری کیمسه یه
آکلاتامادیلر. بالعکس بوراده، بر ملجأ آزارکن، دائماً کندیلری
تبرئه ایتک، مغدوریتلری صوئوق بر محیطه قارشی اثبات ایلمک
ضرورتنده قالدیلر.

سیاست اقتضاسنجه اخلاجلی روسیه ایله آکلاشمق ضرورتنده
قالان تورکیه، آذربایجانده کذران ایدن حوادثک کنه وماهیتنی ده
امین واسطه لردن او کر نتیجه قدر، اویله تصورایدیوردی که کنجه ده
وقوعه کلن عصیان، انکلیز سیاسته آلت اولان ذوات طرفدن تهیه
ایدلمشدر. بوفکر، مع التأسف، ال بیوک مقاملرده وارنجه یه قدر اجرای
تأثیر ایتشدی.

آذربایجان حکومت ملیه سنک شجاعتلی فلا کندن ده آجیقلمسی
بوایدی که ملیت پرورلر، تورکیه یه قارشی وفاسزلقله اتهام
اولونیوردی؛ احتمال که بعضیلری حالا بوقناعتلرنده باقیدرلر.
ایشته اک چکلمز فاجعه بوفاجعه در!

وفاسزلنک اک بیوک دلیل اولمق اوزره، آذربایجانک، مشکل
ومحتاج کوننده، آناطولیه قارشی لاقید قالدینی، لاقید دکل، حتی
دشمنلرینه تمایل ایتدیکی سرداولونیور. اکر بولشه ویکلر وعلی العموم
روسلردن قورقارق ایشی ده امین برقازیغه باغلامان، آذربایجانلیرک
آنتانتایه قارشی اعلان خصومت ایتدیکی بو «تمایل» ده دلیل عد
ایدیلرسه، ظن ایدرم که، بوقدر وقایع فحیعه یی نقل ایتدیکن

صوکرده ، آراتق کیمسه آذربایجانی ، بو خصوصده تورکیه یه قارشی و فاسزلقله اتمام ایددمز! دیگر خصوصاتده دخی آذربایجانک تورکیه مقدراتنه لاقید قالمادیغنی ، زمانی کلیرسه ، وثائق ایله اثبات ایتمک ممکندر.

آذربایجان فیکر و املنی دوغوران جریان ملی تورک ادبیاتک تحت تاثیرنده بولسان بر مطبوعاتک زاده تلقیناتی ایکن ؛ مجاس مبعوثانده ، انگلیزلر دها با کوده ایکن ، مبعوثانک اک مسؤل فرقه سی نامنه « اودت ، تورکلری بز دعوت ایتدک ، اونلر بزى خلاص ایچون کلدیلر ؛ بو خلاصکارلره پای تختمزک تا کوبکننده آبدلر دیکمک وظیفه مزدندر ! » دیمکدن چکیمه یین ؛ از میر فاجعه سی اوزریه ممالکتک هر طرفنده تظاهرات ملیه لر اجرا ایدن ؛ حکومت فرقه سی « مساواتک واسطه نشر افکارى « استقلال » مجموعه سنده و حکومتک رسمی غزته سی « آذربایجان » ده متارکینی متعاقب تحدث ایدن قارا کلک کونلرده تورکیه نک ئولمز بر قوت اولدیغنی یازان و عثمانلی ایمپراطورلی چوکدیسه ، یزنده تورک حکومتی تأسس ایتدی ، امیدى ایله تسلی بولان ؛ انگلیز حبس خانه سندن قاچان محترمه ملتجیلری ایسته ینلره « مسافر بولندرمیه حتی اولمایان بر استقلالى ایسته مه یز » جوابیله مقابله ایدن ؛ با کو استردادنده شهید دوشن تورک عسکرلرینک مزارى اوستنده احتفالات عظیمه ایله آبدۀ شکران رکز ایتدیرن بر محیط ، ناصل اولورده و فاسزلقله اتمام اولونور ؟ ! ...

آذربایجان زمام ادارده سنی آلدرینه آلمق ضرورتنده بولنان ملیت پرورلرک عهده لرینه دوشن مسؤلیت حقیقه دۀ الیم ایدی . غریب بر تجلی طالع دکلی که روس فرقه لری نظرنده ، ارمنی مطبوعاتنده ،

کوردجو محافظنده تورکجهلکه بله نن وتورکيا جياقله اتهام اولونان بو
ذوات، عینی زمانده دخی، تورکيه يه قارشى بيوفالقله اتهام اولونيورلر...!!
آذربايجانيلير ايچون مملکتلرينک دوچار فلاکت اولماسندن، ايکي
قاردهش ملت آراسنده تخدمت ايدن بوسوء تفهم دها آجيدر، دها شجيدر.
فقط مدار تسلى اولان برشى وارسه، اوده بوسوء تفهمک توليدى
برطاقه اشخاصک حرکاتندن دوغدينى کچي، اجرا ايتديکي تاثيرلنده
يالکيز معين اشخاص اوزرنده حاکم اولماسى ايله محدود قالاچنى
قضاءتيدر. يوقسه، تورکاکنى آکلامش آذربايجان ايله تورکاک
ايچون قان دوکن، جان ويزن آناطولى آراسنده کي قاردهشک
باغنى نه تاريخک تيمديکي تورک - روس محادتي کي تصادفي وقعه
(تپيزود) نرى، نده برطاقه اشخاصک سياحى خطالري چوزده مز!

شمديکي وضعيت



«اختلالی» متعاقب آذربایجان استقلالنی تأمین ایدر کجی کورون روسیه بولشه ویکلری، ۲۹ تشرین ثانی ۱۹۲۰ تاریخنده ارمنستان جمهوریتنی، ۲۵ شباط ۱۹۲۱ تاریخنده کورجستان جمهوریتنی استیلا ایتدکن سوکرده، ماورای قافقاسده کی اوچ جمهوریتک توحیدی ایچون برطاقه تشبثانه قالشدیله.

۱۴ تشرین ثانی ۱۹۲۱ تاریخنده ماورای قافقاس فدهده راسیونی رسماً تشکل ایتدی. فقط ایش بونکله ده قالمادی. ۱۰ تشرین ثانی ۱۹۲۲ تاریخنده موسقواده انعقاد ایدن قونغرده روسیه سوویتلرینک اتفافی، جاهیر مجتمعه تأسیس ایتدکلرینی، اعلان ایلدی. شو صورتله فعلاً چوقدن غایب ایتدیکی استقلالنی، آذربایجان، بو دفعه ده رسماً غائب ایدیوردی. شمديکي شکلی ایله آذربایجان جمهوریتی جزئی محل مختاریتدن باشقه برشی دکلدرد.

قافقاسیانک شو صورتله یکیدن موسقوا مرکزینه ربط اولونماسی نه کورجستانک، نه ده آذربایجانک آرزوی عمومسی اوزرینه واقع اولیور. آرزو ویا افکار عمومی ایله بولشه ویک اداره سنک بر دفعه ایشی یوقدر. حریت مطبوعات و سربستی اجتماعات اولمایان بریده

واويله بربرده كه اهلينك قسم مهمى اهليت حقتدن محر ومدره افكار عموميه دن بخت ايتم البته كولونج اولور . فقط بولشهويك نقطه نظرندن موجود اولان افكار عموميه (مخلدهكى قومونيستلرك رآئي) بيله بو اتفاقك علمهندهدر . روسيه فهدره راسيوني ، قومونيست فرقهسى مركز قوميته سنك قرارى و (لهنين) ك آمرانه تلغرافلرى ايله تشكىل ايتمشدر . بو خصوصده تفليس كورجولرى ايله موسقوا روسلرى آراسنده تعايطي ايديلن كيزلى تلغرافلر باخلاصه جالب دقتدر .

كورجو قومونيست فرقهسى هيئت مركزيه سى ۱۵ ايلول ۱۹۲۲ تاريخلى جلسه سنده موسقوادن كان برتكايف تدفيق ايدىوردى . بو تكليف روسيه قومونيست فرقهسى هيئت مركزيه سى باش كاتبي (استالين) ك «تيز» لرينه بناء ترتيب ايدلمش ايدى . بو تيزلره كوره ماوراي قافقاس جمهوريتلرى هر نوع شئون استقلالدن امتناع ايدره ك متحد برفهده راسيون وجوده كتي ره لى ، عيني زمانده بوفهده راسيون دخى روسيه ، اوقرينا وسائر مختار سوويت جمهوريتلرى ايله برلكده سوويت جمهوريته سى تشكيل ايتمه ايدى . كورجو قومونيستلرى ، مذاكره دن سو كره ، بوتكايفي شايان قبول كورده دكلرينه و قافقاسيا جمهوريتلرينك شئون استقلالدن محروم براقايق صيره سنك ده حاول ايتمش اولما ديقنه عائد برقرار چيقارديلر . بو قرار ۱۹ رآي موافقه قارشى ۶ رآي مخالف قازاندى . كورجو قومونه سى بو خصوصده كى رآيني موسقوايه بيلديردى . ۱۷ تشرين اول ۱۹۲۲ تاريخنده موسقوادن بويله برجواب آلندى : (يولداش « اورخالا شويلى) يه :

كورجو مركز قوميته سنك برشمك ايچون ده صره كلديكنه واستقلال ابقاسي لزومنه عائد اولان ملاحظه سنى هيئت مركزيه اجتماع عموميه سى اتفق آرا ايله رد ايتدى . كورجستان مرخصي بولنان (ميدوانى) ، بو خصوصده كى وحدت فكريه يى كورديكندن ، كورجو قوميته سنك تشكيلفندن امتناع ايتك مجبور ياتدمه قالدى . اجتماع عمومى استالين ، اورژه نيكي دزمه ، مياسسنيكوف ومولوتوف يولداشلردن تشكىل ايدن قوميسيونك ماوراي قافقاس فهدره راسيونك ابقاسي وعيني زمانده روسيه ، اوقرينا به لو روسيه ايله برلكده « سوسياليست جهاير متفقه سى » تشكيلى لزومنه عائد قراريني بلا تحريف قبول ايله دى . قرارك

متنی، یولداس (اورژہ نیکیدزه) یہ کوندریلپور . روس قومونست فرقه سی
ہیئت مرکز یہ سی اشبو قرارینک کمال ممنونیت وہیجانلہ تلقی ایدیلہ جکنہ شہہ
ایتمز . نومرو ۷۶۴۳ (خفی) ر . ق . ف . م . ع . کاتبی استالین .

فقط بوتاغراف، مرسلک صوک سطرده کی امیدینہ رعمًا، تقابلسدہ ممنونیت
بخش بر ہیجان دکل ، یأس آوز برحس انفعال اویاندیریوردی . بو حس
انفعالی کورجو قومونستلرینک برقسیمی خط مستقیم ایلہ ہان موسقواہ بیلدیریورہ .
روسیہ ایمپریالیزمندن اسان شکوا ایلہ بحث ایدیوردی . بوشکایتک موسقوانی
نہ درجہ دہ اغضاب ایتدیکنی آتیدہ کی تاغرافلردن آکلایوروز :

«موسقوا ۳ تشرین اول . چینچادزه وماخارادزه یولداسلرم . قوپہ سنی
مرکز عمومی اعضاسی (اورژہ نیکیدزه) وماورای قاقاس قومیتہ سی کاتبی
(اورخالاشویلی) یہ ویرمہلی . سزک وایکوروس ملیتپورولکینہ قارشی
جیقیشکیز ، کورجو مایتپورولکینی التزام ایتدیرہ مزدی . سز بیلہ لیدیکنز کہ
اجتماع عمومینک ماورای قاقاسکدہ روسیہ اتحادینہ دخولی حقدہ کی قراری
عینی ایلہ تطبیق ایدلہلی ایدی ؛ بوقراری اگر ایسترسہ ، یالکن اجتماع عمومی
کندیسی نقض ایدہ بیلیر . کوندردیکنز مخطرہ نک اسلوبی فرقه آدابی علنا
اخلال ایدیورہ . بو خصوصہ کی ظفرہ فروشلغہ اتہا ویرمہ سنی توصیه ایدرزہ .
امضال : کامہ نف - بوخارین . »

ظفرہ فروشاقلردن و سرکشکارندن بحث اولونان چینچادزه ایلہ ماخارادزه
کورجستانک صاح آغارتمش پک اسنی سوسیالیستلرندندرل . اولرک علنا
موسقوا ایمپریالیزمہ قارشی جیقیشلری (لہنین) ک کندیسی بیلہ اغضاب ایدیوردی .
ایشته بو غضبی حکایہ ایدن بر تاغراف کہ ۲۱ تشرین اول تاریخیلہ موسقوادن
چکیلہ مشدر :


«کورجو مرکز قومیتہ سی اعضاسندن (چینچادزه) و (قلاتارادزه) یہ :
چینچادزه و دیگرلری امضاسیلہ کوندریلپوبدہ ، مرکز عمومی کاتبلردن بریسی
واسطہ سیلہ دکل ، ندسہ ، بوخارین طرفندن بکا تسلیم اولانان مذکرہ نک مغایر
ادب بولسان مندرجاتہ حیرت ایتدم . ہم بالواسطہ و میدیوانی نک بلاواسطہ
اشترک ایتدیکن اجتماع عمومی قرارندن صوکرہ ہر اختلافک برطرف ایدلمش
اولدیغہ قانع ایدم . (اورژہ نیکیدزه) یہ قارشی استعمال اولونان تفوہاتی
تمامیلہ تقبیح ایلرم و کندیسی ایلہ آراکزدہ واقع اولان حادثہ نک محاکمہ سنی

موافق ادب بر طرزده مرکز عمومی کتبه و مرکزی و مرانه تکلیف ایلم.
خط مستقیم ایله کشیده ابتدیکیز عرض حال دخی مذکور کتبه و براندز .
(له نین) نومرو ۷۹۹۴ .»

بولشه ویکلکک مظلانی بالنسبه آز کورن کورجستانده حل بویه
اولورسه ، آذربایجانک نه کبی حاللر کچیردیکی تصور اولونابیلیر .
بو حاله قارشو تورکیه مع التأسف سیرجی وضعیتده قالیور ؛
جریان وقوعات اوزرینه بر نفوذ و تأثیری اولامیور . بر کون اول
تورکیه نی تفلیسده تمثیل ایدن مختار بات بر کون سوکرا موسستقوايه
کیتمک ضرورتنده قالیور .

تورکیه ، بولشویک روسیه سی ایله - بزم بیلدیگمز - ایکی معاهده
ایله مربوطدر : بری موسستقوا معاهده سی که ۱۹۲۱ سنه سننده
امضالانمشدر ؛ دیکری ده ماورای قافقاس جمهوریت لری ایله عقد
اولونان قارص معاهده سی که ۱۱ ایلول ۱۹۲۲ تاریخده امضالانمشدر .
برنجی معاهده ایله تورکیه مرخصاری قافقاسیا جمهوریت لری نیک موجودیتنی
تثبیت ایتدیرمکه ، برابر ، آذربایجان قومونستلری طرفدن ارمنستان
شورالری نه هدیه ارلونان نججوان ولایتی ، ممتاز بر ولایت عنوانیله وثالث
بر حکومته هدیه ایدلمه مک شرطیله ، آذربایجان تحت حمایت سنه ویریش [۱]

[۱] ارمنستان جمهوریتی بولشه ویکر طرفندن استیلا ایدلده ، آذربایجان
بولشه ویک حکومتک رئیس نریمان نریمانوف نججوان قضاسنی ارمنستانه هدیه
ایتمشدی . وقتیله انکلیر لره آمریکا لیلرده نججوانی ارمنیله تابع کورمک ایسته مش ،
بو خصوصده تثبیت ایله مش فقط موفق اولاماشلردی . ایکی سنه دن زیاده ،
آلنده سلاح اولارق ، ارمنستانه الحاق علیهنده جلادته حرب ایدن نججوا -
نیلیر بو دفعه ده اصرار ایتدیله . نریمانک نججوشی قورو سوزدن عبارت اولوب
قالدی . ارمنستان جمهوریتی نججوان « هدیه » سنی تسلیم آلمق ایچون ایچه
قان دوکمه لی ایدی . نججوانیلر ایسه هر طرفه مراجعت ایدره ک ارمنستانه تبعه



تورك شهيدا تربهسى [۱]

اولق ايسته مدكلىنى بيلدرييورلردى . بومسئله تورك هيئت مرخصه سنك دخى نظر دقتنى جلب ايله مشدى . بوكا كوره دركه معاهده ، تاك برحكومه ته ترك ايدله مك شرطيله ، نخبجوان قضاسنى ممتاز برولايت شكندمه آذربايجان حمايه سنه ويرمشدر .

[۱] بورسم ، باكونك استردادى ائناسندمه (۱۵ ايلول ۱۹۱۸) شهيددوشن تورك عسكرلىنىك قاردهش مزارى اوستندمه ، رجال دوات ، مبعوثين واون سيكلره بالغ برجم غفير مواجهه سننده ، حكومت ، مبعوثان و فرق سياسيه

و برده طرفین عاقدین شرق ملتاریت استقلالدرینه احترام ایدد چکلری
مقابلاً تأیید ایله مشر در . [۱]

آذربایجان شمیدیکی شکل ادارسی تدقیق اولنورسه حکومتک
ظاهری ایله باطنی بوندن عبارتدر :

ظاهرده مملکت بر قومیسر لر هیئتئ ایله برده اجرا قومیتسی
طرفدن اداره اولونیور . اجرا قومیتسی بوتون آذربایجان عمل
و کویلولری طرفدن طویلانان شوزالر (سوویتلر) قونغر سنده
انتخاب اولونیور . بو قومیتسه ایسه قومیسر لر هیئتئ انتخاب
ایدر . قومیتسه بر هیئت مراقبه ایکن ، هیئت بر قوهٔ اجرائیه در . فقط
بولشهویک اصول ادار سنده تقریق قوا اساسی موجود اولمادیغندن
قوهٔ اجرائیه عینی زمانده صلاحیت تشریحی دخی حائزدر . قوانین

نامه سویانن صمیمی نظر و بیوک بر احتفال ایله وضع بنا مراسمی اجرا اولنان
ترهت خاطرده قلان بر پروژه سنی تمثیل ایدر . آذربایجان حیات مامه سنده مهم
بر خدمتی سبق ایدن باکو جمعیت خیره سنک تشبئ ایله باشلانان بو آبدشکران ۱۹۲۰
سنه سی ایلولنک ۱۵ینه قدر آتام اولنورق ، باکو استغلا سنک دور سنویسی
مناسبتیله مظنن بر رسم افتتاحی تصور اولنقده ایکن بولشهویک استیلاسی
اوزرینه آتام ایدیه مامه مشدر .

بولشهویک استیلاسی اوزرینه ناتمام قلان آبدشکران ، یالکز ،
پروژه سنی کوردیکمز ، بوباکو تره سنی دکلدز . کمنجه جوازنده ، حاجی کمنده
صیفیه سنده مدفون بولنان شهدا مزاری اوستنده دخی بر آبده یایلق اوزرم
ایکن ناتمام قالمشدر .

رسنده کوردیکمز باکو تره سنک نزدنده « شهدا بولاغی » نامه بر
چشمه نک دخی انشاسی متصور ایدی .

[۱] بو تأمینات ایله ماورای قافقاس جمهوریتلرک تکرار روسیه به الحاق
حقدمه کی روسیه تصدیق نه درجه ده قابل تألیف اولدیغنی قائلر کندیلری تقدیر
ایله سینلر .

(دوقرتلر) ك ا كثرى ذاتاً قوميسر لر ديئتى طرفدان نشر اولونور .
 بوتون آذر بايجان شورازر قونغردسى يالكيز سنهده بردفعه طولانير .
 سوويت قوانين اساسيه سنه كورده، شورازر كويلوايله عمله مرخصلرندن
 تشكلايدر سدهده، عمله نك حق راى كويلويه نسبتاه فائقدر . بر عمله راينك
 قيمت تشريعيه سى بر كويلو راينك قات قات فوقنده در . يوز عمله بر
 مرخص ويرد كده بيك كويلو بر مرخص چيقارا بيلير . شهرلرده كى
 عمله قسمت ا كثر يا روسلردن تشكلايله ديكي نظر اعتنايه آليرسه
 بونك آذربايجان حيات سياسيه سنهده نه كى قومينه زوزلرد (تحويلته) منجر
 اولاجى آكلاشيلير .

حكومتك امرلرى اوزرينه ك بويوك تاثير اجر ايدن مؤسسه اجتماعيه،
 باكو عمله لر ينك شوراسيدر . بوشورا، عمله، بحريه طائفه سى، عسكرو كويلو
 مرخصلرندن تشكلايدر . با كوده بولنان عمله نك ، بحريه طائفه سنك
 وروس اشغال اوردوسى نفرلرينك ا كثر يتندن تشكلايدن بومؤسسه
 عادتاً بر روس مؤسسه سيدر . بومؤسسه نك باشنده (قربلوف) نامنده
 بر روس دوريبور . ديمك ، آذربايجان افكار عموميه سنى تمثيل ايدن
 ذات بر روسدر .

آذربايجان قواى عسكريه سى نامه جمعاً ۳۰۰۰-۴۰۰۰ قدر بر قوت
 وار كده بوده مملكتك مختلف مركزلرنده برا كنده بر حالده بولنيور . روس
 قوذاشغاليه سى ايسه بر قاچ فرقه يه مالك مهم بريكون تشكيل ايتمكده در .
 عسكرى اداره (آذربايجان قواسى دخى داخل اولدى حالده) روس
 اركان حربنه تابع در . قوماندا هيئتي ده روسلردندر .

آذربايجان اقتصادياتنه حاكم اولان پترول اوجاقارى « نفتقوم »
 دنيلن بر مؤسسه طرفدن اداره اولونيور . بومؤسسه حكومت

ایچنده حکومتدر . تمامایله مختار و دؤغرزدن دؤغریمیه روسیه په تابع
تر مؤسسهدر . بشنده روس مأمورلردن (سروروفسکی) نامنده
تر روس دورییور .

قومونیست اداره لرینک سکلی یالکز ظاهری برده لردن عبارتدر .
بوپردلرک آرفاسنده اجرای حکومت ایدن قوت دائما و مطلقا فرقه
قوتیدر . آذربایجان اجرا قومیتسی ایله قومیسرلر هیئتنی اداره ایدن
قوت اصلی دخی بو قوتدر ؛ آذربایجان قومونیست فرقه سنک مرکز
هیئتنی در . بو مرکز اوامرینی موسقووا مرکز عمومیسندن آلیر .
مرکز لرده کاتب عمومیلر وار . کاتب عمومیلر عادتاً برردیکستانورلردر .
آذربایجان دیکتاتورنی ایسه (کیروف) نامنده برروسدر . ۱۱

[۱۱] بز ، یالکز باشلیجه مؤسسات اجتماعیه ، سیاسییه و اقتصادیه نیک
روسلر آئنده اولدیفنی کؤستردک . مأمورین دولتک علی الاکثر ، کیملردن
عبارت اولدیفنی حقهندهها واسع بر فکر و برمک ایچون المزده بولنان تورجکه
« قومونیست » غزته سنک رسمی قسمنده تصادف ایله دیکمز امضالردن
بر قسمنی بورایه نقل ایدیوروز . بر قاج نسخه دن اقتباس ایله دیکمز بوامضالر
قارئنه معین بر فکر و بررظننده بز : آذرنت خلق معارف شعبه مدیری -
بارچوف ؛ آذرنت رئیس معاونی - باریفوف ؛ ته لکتریق استاسیون
مدیری - سیزوف ؛ اوقتابر قومیسیونی رئیس چایکین ؛ اوقتابر تماشالر تالی
قومیسیون رئیس ته دلسون ؛ باکو شوراسی رئیس قریلوف ؛ باکو شوراسی
کاتبی پالاشقوف ؛ سیر سفائن مدیر عمومیسسی - لاریونوف ؛ تصرفات اجتماعیه
مدیری - پاروشین ؛ ارزاق ویرکیسی موکللی - بوکریمیف ؛ باکو قضاسی
حریبه قومیسری - آنه فسکی ؛ حربی رهبر - سیچقوف ؛ سفر برلک شعبه
مدیری سیچقوف ؛ سیغورطه شوراسی رئیس - ایتکین ؛ شهر صحیه مدیری
ته یشتات ؛ داخلیه قومیسر معاونی سیوه ردوف ؛ انضباط دائرهمی مدیری -
بریوقوف ؛ خصوصی قافقاس اوردوسی قوماندانی یه غوروف ؛ سیاسی معارف
مدیر معاونی - تارتاکوف ؛ مساعی شعبه مدیری - شاخه توف الخ ...

حقیقتده قوای اقتصادی ، عسکریه ، افکار عمومی و هیئت
اجرائیه سی بر روس آئنده بولنان بودولتک یالکز قومیسر لر
هیئت ریاستده بولنان موسی بکوف ایله اجرا قومیت سی ریاستده
بولنان صمد آغاسی تور کدر لر که ، ایکسی ده ، تور که آذری بیله
یازمقدن عاجز ، تمامیه روس حرثنه مغلوب و ملیت نقطه نظرندن
پک شبهلی آدم لردر .

خارجه قارشی ، آذربایجان یالکز ایکی یرده تمیل اولونیوردی :
آنقرده ایله موسقو واده . موسقو واده آذربایجانی برچوق زمان موسقو الی
(سالوینف) نامزده بریسی تمیل اییدیوردی . آنقرده ده ایسه (آیلوف
بک) تمیل اییدیور . فقط تور کیه افکار عمومی سنی اغفالدن باشقه
بروظیفه سی اولمایان بو یکانه مثل سیاسینک عجیب بر طالهی واردر .
احبادن بریسنک ، پک حقی اولارق ، سویله دیکی کبی ، او ، دون
آذربایجانی تمیل اییدیوردی ؛ بو کون ماورای قافقاس فهددر اسیوتی
تمیل اییدیور ؛ یارین احتمال روسیه یی تمیل ایده جک ؛ او بری کونده
محقق هیچ برشئی تمیل اتمیه جکدر ! [۱]

اختلالک ایلاک کونلرنده ، روس اوردوسنک کندیسنه یاپدی
مظنن بر استقبال مراسمی ایله ، موسقو وادن با کویه ورود ایدن
تریمان ، « تازه پیر » میدانده ، خلقه خطا با سوبله دیکی نطقده ، دیوردی که :
« مخصوص بر قومیسون تشکیل ایتدک . بو قومیسون اسکی حکومتک
اوراقنی تدقیق اییدیور ؛ بر قاچ کون سو کرده نتیجه یی اعلان ایده جک ،
او وقت سزده کورده جکسکز که نه کبی خائنلر سزی اداره اییدیور مش ؛
قاچ کون دکل ، قاچ سنه کچدی ، او قومیسون بو نتیجه یی
[۱] بوسطر لر آیلوف بک و فاندن اول یازاشدر .

حالا اعلان ائمه سندرو. هم ایدمه زده! چونکه مملکتی انکلیز زده صادی،
 دیه اتمام اولونان حکومتک، برجه اولسون، حقوق ملتدن اجنبه ترک
 ایتدیکنی برزیمان دکا، بوتون بولشه ویکلر بر آرایه کلسه لرده اثبات
 ایدمه زله! فقط نریمانوف و یولداشلری روسلرده صامادق برشی بر اقادیلر.
 اونار هر شیئی ویردیلر. مادی، معنوی نوارسه هپسنی تسلیم ایتدیلر.
 طوپ انداختلری ایله باد هوا کوندر دیکلری پترولک یوزده ۱۵ فائض
 آذربایجان آلیقوبدرمق ایچون آیلرله یالواردیلر: حصه زینه دوشن
 پتروله سر بست بر بازار تأمین ایچون دخی نه درجه کوچولدیله؛
 نه قدر تذلل کوستر دیلر. نهایت بو صورتله حاصل اولان ثروتی ده
 مملکتی استیلا ایدن قیزل اردونک شرفه اسراف ایتدیلر. [۱]

[۱] ادعای رسمی وثیقه استناد ایتدیرک ایچون روسیه مرکزی
 اجرا قومیه سنک ۳۱ تشرین ثانی ۱۹۲۱ تاریخ و ۷۳ نومرولو مضطه سی
 بورایه قید ایدیوروز: «مذاکره ایدلدی: آذربایجان نفت محصولات و پریک
 مسئله سی. مسئله یی وضع ایتشد: روسیه قومونست فرقه سی هیئت مرکزی سی.
 قرار ویرلدی که: (۱) باش محروقات قومیه سنه ماورای قافقاس دمیر یولاری ایله
 آذربایجان احتیاجات صنایعه سنه لازم اولان پترولک اصولی دائره سنده ویریه سی
 تکلیف اولونسون؛ (۲) بوندن باشقه باش محروقات قومیه سی آذربایجان
 قومیسرل هیئتی اختیارینه ۳ میلیون پوط خام نفت، ۲ میلیون غاز یاغی ۱.۵
 میلیون پوط مازوت ۵۰۰ میلیون پوط قطران و ۱۰۰۰۰۰۰۰ پوط بترین بر اقادیلر. (۳)
 پترول محصولاتک آذربایجان حکومتنه اعطاسی ۱ تشرین ثانی ۱۹۲۲ تاریخه
 قدر اجرا اولانه زق هر حالده بوتون پترول استحصال تنک یوزده ۱۵ دن
 فضله سی تشکیل ائمه مایدیر. (۴) بومقدار ۱۹۲۱-۱۹۲۲ پروغرای موجنبه
 تخمین اولنان استحصال مقدارینه نسبتله تعیین اولونمشدر. استحصال اشبو
 تخمیندن فضله اولدیفی تقدیرده آذربایجانک حصه سی دخی تر ایدمه جکدر. (۵)
 آذربایجان حکومتی حصه سنه دوشن نفت محصولاتتی مارای قافقاسدن باشقه
 داخلی روسیه بازارنده صامتی ایسترسه، بو خصوصه مرکزک مساعدۀ

باکو پترولری ایله، شیمدی، باکو دکل، موسقوا اسپه کولاسیون (احتکار) یایبور. ممالک اجنبیه ایله یاپیلان تجارت مطلقا موسقوا طریق ایله اجرا اولونیور. قافقاسیا، مواد ابتدایی سی اعتباریله، روسیه دن دها زیاده مبادلهیه مهیا ایکن، باطوم طریقیه دکل، موسقوا یولی ایله اورویایه ربط ایدلک ایسته نیلیور. بو کبی صنعی واسطه لرله ماورای قافقاس مناسبات اقتصادی سنک مجرای طبیعیسنی آذربایجان، کورجستان نقطه نظرندن دکل، بویوک روسیه منافی نقطه نظرندن اداره ایدیورلر. جبرله، سونکو ایله، چهکا ایله وجوده

مخصوصه سنی استحصال ایتک ضرورتمه در. اصلی ایله مط بقدر روسیه مرکزی اجرا هیئت کاتبی یه نوکیدزه.

بوقرار آذربایجان لیرک پک شدتلی مراجعت واستدعالی نتیجه سنده وقوع بولمشدر. بوتاریخه قدر ماورای قافقاس دمیر یوللری، تحف دکل، محروقات فقدانندن دولایی دوچار مشکلات اوایوردی. بولشهویک غرتلرینک یازدیغنه کوره باکو ولایتندکی کویولر بر فوند (تک حقه) غاز یاغنه ۳ قوند ترم یاغی ویریورلردی. کوزنهری ساحانده بولان ۱۸۰ قدر صوبورسی ماکنه لری پترول یوقلغی یوزندن مطل قالیور ووجهتله اراضی زراعت ایدیه میوردی. بر بچوق سنه شدید مبارزه دن صوکره یوقازیداکی لطفه نائل اولان آذربایجان حکومتی بر آز صوکره بولطفک هنجی ماده سنده مندیج بولنان استدعای مخصوصی استحصال ایتک ایچون دخی آز آبرو دوکده مشدر.

— قیزل اوردونک احتیاجاتی تأمین ایچون بولشهویک حکومتیجه فخری «شف» اصولی تطبیق ایدلکده در. هر آلیک کندینه مخصوص برشهی وارددر. بو شه فلر علی العموم سوویت مؤسساتی ایله شورالزندن عبارت اولیور. شه فلر آلیک تلطیف و تهوین احتیاجی ایچون مختلف واسطه لرله اغانه ده بولونور، هدیه لر تقدیم ایدرلر. آذربایجان مؤسسات محلیه سی دخی کندیسنی استیلا ایدن روسیه قیزل اوردونک مختلف آلالیرینه «شف» بولونق شرفنی حازدرلر. بالطبع آذربایجان قومیسرلرینک بوشرفی، اولنیزده یغما ایدیلن، آذربایجان خزینهنه سنی صومیقله تأمین اولونیور.



تازه پیر جامعنده عید فطر: با کوده، انگیز اشغال اوردوسی قطعاتنده بولنان
هندستانی اسلام سپاهیلرله آذربایجان نفرلری عید فطر نمازینی ادادن
صوگره سیاسی بروعظی دیکارکن

کتیریلن روسیه فدهد راسیونته بویه صنعی یولرله اقتصادی برزمین
حاضر لایورلر .

مستاه بونکهدده قالمایور . آذربایجانده تورک حرث ملیسی علیهنه
کورولن تشبثلر او قدر ایلریله مش اولمالیدر که نریمان کندیسی بیله
بوکا قارشی غزته ستونلرندده مقاله یازمق مجبوریتندده قالدی . او ،
با کوده چیقان روسجه « باکینسکی رابوچی » و تورکجه « قومونست »
غزته لرندده نشر ایله دیکی بر مقاله سندده دییوردی که :


« آذربایجان عمله و کویلوسی بعض ملاحظات ایله سیاسی حقتندن ،
تمامیت ملکیه سندن ، اقتصادی فائده سندن کچه بیلیر ، فقط اوزلساندن
کیمسه یه فدا کارلق یامپاز ! » [۱]

فقط سیاسی حقنه ، کندی طور اغنه و حیاتک س اساسنی تشکیل
ایدن اقتصادیاتنه قارشی لایالی قالان بر ملت ، لسان و حرث ملیسی
مدافعه ایده بیلیرمی؟! ... هیچ کیمسه اولماسدهده ، مارکیستلر بونک
غیر ممکن اولدیغنی بیلمه ایدرلر .


ماورای قافقاس جمهوریتلرینک سیاسی ، حقوقی و اقتصادی مقدراتی ،
شمدی ، کندی مرکز لرندن زیادهده ، مستقو و ایله مر بو طدر . ۱۹۲۲ سنه سنک

[۱] تمامیت ملکیه تعبیری ایله نریمان ارمیستانه هبه ایتدیکی نججوانی
تلمیح ایدیورسه ، یاکییور . چونکه روس بوشه ویکاری ظاهرده نریمانلرک
اداره سنه ترک ایتدکاری اراضی بی بیله اسکی چاریمدن ده غدار و معند بر
صورتده روسلاشدر بر مقدمه درلر . آلدیغمز معلوماته کوره باکو ایله سالیان
آزاسنده یکی پاییلان « ایلیچ » لیاننک یکانه مقصدی مغان صحراسنی روس قحطزدکانی
ایله اسکاندن عبارتدر . بو نبت صحرالده چاریم دخی منتظم بر صورتده روس مهاجرلری
اسکان ایدیوردی . سو یاندیکنه نظراً بوشه ویکار بورایه بر میلیونه قریب
مهاجر اسکانی ایچون قرار ویرمشلردر .

نهایتند، موسقواده اتحاد اولنان قراره کورد روسیه، اوقراینا، بلو-
روسیه و ماورای قافقاس جمهوریتلردن متشکل بر سوویتلر جاهیر
متفقہ-ی وجوده کلشدر . بوراده بوتون ماورای قافقاس نامنه بر
مرخص واردر . جاهیر متفقہ هیئت ادارہ-ی جمهوریتلرک، مساوی
صورتده اعزام ایله دیکلری مرخصلردن دکل ، مملکتلرک، نفوس
عمومیہ لری نسبتده، کوندردکلری مرخصلردن تشکل ایتشدر . شویله که،
اسماً متفق هیئت دینان مؤسسہ ، روسیه و روس مرخصلرینک قاطع
برا اکثریت تشکیل ایتملریله، فہدراسیون بر معذ و ماهیتدن چیقارلمشدر .
هر متفقک ایستدیکی زمان بو اتفاقدن چیقمانسه مساعد بر ماده
وارسده، بویله برحقدن کیم استفادہ ایدہ بیلیر؟! ...



قزلب ایمریالیزم



بولشهویکلرک نه کی بر شرق سیاستی تطبیق ایله دیکلری، آذربایجان
مثالنده، بوتون وضوح و صراحتیه میدانه چیتمشدر . شرق
ملتریئک خلاص و نجاتنه عائد شعارلریله بولشهویکلر، سوزده، ملترک
حقوقه، حریتنه و استقلالنه حرمتکاردرلر . ایشده ایسه دیگر
ایمریالیستلردن هیچده فرقلی دکلدلرلر . بوتون بو آکلاتدنقلرمزی
اوقویان قاره، شبهه سز، کندیسینی یکی سیستم بر ایمریالیزم قارشیسنده
بولشدر .

— قزلب ایمریالیزم !

حرب عمومی نتیجه سنده ظهور ایدن داخلی اختلال نتیجه سنده
قاراروسیه ایمریالیزمی دنیایی ولوله یه ویرن بر طراقه ایله چو کدی . بو چو کن
عظمت، ۱۸۰ میليونلق مختلف جنس و ملتدن یاپیلمه معاصر بر بابل
قله سی ایدی . بو قله ناک اقسام مرکبه سنی تشکیل ایدن ملترلر، کندی
مقدراتلریئک تعیینی صورتیه، وجود مایلرینی خلاصه چالیشیور و بو
مقصدله تعضو ایدیورلردی ؛ اسکی روسیه ناک کرک غربنده و کرک
جنوبنده یکی حکومتلر تشکیل ایدیوردی .

روسیه انقاضی اوزرنده تشکیل ایدن حکومتلردن بالطف ساحلی

ایله غرب حدودنده بولنلری، قارا ایمپریالیزم ایله قیزل ایمپریالیزم آراسنده کچن استحاله دورندن کالیله استفاده ایدرک، یکی بولشه ویک قوه حربه سی تشکل ایدنجیه قدر، کندیلرینی طوبارلیاجق برحاله کلدیلر. فلاندا، لیتوا، لاتویا، نئونیا ولهستان کی دولتر، الده سلاح اوله رق، کندی موجودیتلرینی اثبات ایتدیلر؛ بولشه ویک تجاوزینه مقاومت، هم روسیه نك، هم ده بوتون دولترک تصدیقه نائل اولدیلر. قافقاسیا دولترلی ایسه بویه بر موفقیته مظهر اولامادیلر. بولر، هر نه قدر بر حکومت تشکل ایدرک، اوروپا دولترلی طرفدن قسماً بالفعل و قسماً ده بالحقوق تصدیقه نائل اولدیلر سه ده، متجاوز بولشه ویک قوتنه قارشی اوزون مدت مقاومت کوستر مدیلر.

روسیه نك ایکی طرفده تحث ایدوب ده مختلف تیجه لرله ختام پذیر اولان بووقایعک اسبابی تدقیق ایتک، شهه سز، فائده دن خالی دکلدیر. بوسیلر میاننده غایت مهم بریسی واردر که اونک ذکرینی بوراده بالخاصه مفید بولیورز.

دولترک تشکل واستحاله تاریخلرینه مراجعت ایدر سه کنز، کندی موجودیتی ایچون جداله باشلایان بر ملتک کندیسی ایله منافعی مشترک بولان بر طاقم قوای سیاسی دن استفاده ایله دیکنی کورورسکنز. یونانستان، استقلالی انکلیزلر ده، بالقانده کی اسلاو دولترلی — روسیه یه مدیوندرلر. بالطق ساحلنده کی دولتر، استقلالری ایچون یابدقاری مبارزده ده، دول متفقه فیلسی ایله مهمات عسکر یه سندن پک چوق فائده کور مشلر در؛ فلاندا ایچهوریتی، بولشه ویزم بلاسندن، آلمانک مظاهره عسکر یه سی ایله قورتولمشدر. بولشه ویزم، غرب حدودینه دوغرو تجاوز ایدرکن، یالکنز روسیه دن آیرلمش یکی دولترلی دکل، اولرک

آرقاسنده دوران مخالف آروپا قوتی دد بولیوردی. بوحال، بالخاصه، لهستان مثلنده کوزه چارپار. لهستان مقاومتی، عینی زماندهده، فرانسه ارکن حربنک مقاومتی دیمک ایدی.

حالبوکه قافقاسیا جههسی بویله دکلدی. روسیه دن خزسه جان آتان قافقاسیا، بو خلاص ایله علاقه دار اولان ایران ایله تورکیه دولترینه استناد ایدمه یوردی. ایران، حد ذاتده، قوای مدافعه دن محروم و تشکیلات عسکریه جه ضعیف ایدی. تورکیه ایسه، کندیسینی بو غمق ایسته یمن آروپایه قارشی لوای عصیان آچدیغندن، اختلاجلی روسیه نك، هر نه صورتیه اولورسه اولسون، بر آن اول، کندی حدودینه یا قلاشاسنی ایسته یوردی. قافقاسیا یه دوغرو اینن بولشه ویک قوتنده، او، آروپایه مخالف بر قوت کوردیکی ایچون، شمالدن اوزانان آلی، اوزون بویله تدقیقه امکان بولامیه رق، چابوق صیقیوردی. قافقاسیا نك باشی اوزرندن یا پیلان بومصافحه، شبهه سز که، قافقاسیا جمهوریتلرینک مقدراتی اوزرنده قطعی بر تاثیر اجرا ایله مشدر.

حیات ومات مبارزده سنه آتیلان تورکیه نك بویله وضعیت آلمق ضرورتنده قالباسی، شبهه سز که، « اهنو شرین خیراً » دستوری اوزرینه واقع اولمشدر. محقق که قافقاسیا نك تکرار روسیه ربه سارسته کچه سی، تورکیه منافی نقطه نظرندن، بویوک بر ضرر دردر. فقط « سه ور » معاهده سی ایله قابلیت حیاتیه دن محروم، ذلیل بر در که یه ایندیریلن تورکیه، دها بویوک بر ضرر ایدی. تورکیه یی بولشه ویکلرله مصافحه یه اجبار ایدن سبب (لوید جورج) و (قله مانسو) اوروپاسنک نشئه ظفرله کور اولان سیاستی ایدی. بو سیاست وار ایکن، تورکیه یی، بویوک ملت مجلسی زمامدار لرینی، بولشه ویکلرله آکلاشدیق لری ایچون، کیمسه مؤاخذه ایدد مز.

بولشهويك سياستك، توركيه انجون، سياسي برسوق الجيوش مانوردهسي اولديغني قبول اتمهده، دنيا مسئلهلرني پك طار بر كوزلكه كورمك اولوردى. فقط، بو بويله اولمقلا، برابر، بولشهويك سياستك ده ايمپرياليزمك ديكر بر شكلى اولديغني اونوقت، سياسي مسئلهلرني وقايعدن زياده خيال و آرزولرمزه كورد تقدير ايتمك اولور.

آوروپا ايمپريالستلرني، مستعملكه لرني، قيسست فاضلهيني «آنايورد» چكمنك صورتيله، استثمار ايدييورلر. حالبوكه قيزل ايمپريازم، مستعملكه حاله قويديني «متفقار» ندن ثروتك كفتهسني چانلقه استفاده ايدييور. نه كيم آذربايجان بو خصوصده اك بارز بر مثالدر.

آوروپا ايمپريالستلرينه قارشى مدافعه نفس ايندن توركيهني تقويه ايتمكله، روسيه، توركيه دن ده ا زياده استفاده ايتدى. توركيه يه ويرديكي معاونت ماديه وعسكرينه ن كهي بر قيمته واردديغني بيلمه يورزم. فقط بولشهويكلرك با كويه كيردكلري زمان بانقهلردن چالنان، «تالان هفتهسي» نده يغما [۱] ايديلن مجوهرات ايله آلتون، كوموش تزيينات ونقوددن، آستراخانه طاشين امتعه ومخلفاندين باشقه، ۳۰۰ مياميون پوط (۴ ميليار ۸۰۰ مياميون كيلو) پترول ايله ۷۵۰ بيلك پوط، (۱۲ مياميون كيلو) پاموق و پك چوق ايبك وسائر آشيرمشلدر.

بوندن باشقا، پترول منبعلرينه وضعيد ايتدكدن سو كرده، (لهنين) حكومتني اك بويوك دشمني اولان انكليزلرله آكلاشه بيلشش، توركيه دن ده ا اول، آوروپا دولتلىيله بالفعل مذاكراته كيريشش وتجارتيه مقالوله لر عقدينه موفق اولمشدر. انكلكتره ايله ياپديغني مقالوله تجاريه

[۱] بولشهويكلر تاسيس حاكيت ايله ديكلري يكي ممالكترلده «قرباب نه ده لبا» ناييله مشهور بر تالان هفتهسي ترتيب ايدييورلردى.

دولایسییه بولشه ویکلر شرق سیاستلرینی بیه الغا ایتک تعهدینه کیریور
و پروپاغاندرینی همان تعدیل ایدیورلردی .

* * *


قیزل ایمپریالیستلره «سزده مستملکه جیسکسز» دیدیکده، آدارد لرند
بولن ملتره حریت و حاکمیت حق اعطا ایتدکلرینی، ردیه مقامنده
سویله یورلر . کله قفقاسیا جمهوریتلرینه : عجباً، یوز سنه اول، چار
حکومتی قفقاسیایه اینرکن ، سلاح قوتیه مغلوب ایتدیکی خالقلره
کندی رضایی ایله روسیه یه التحاق ایدن کورجستان حقدنه نه کبی
برسیاست تطبیق ایدیوردی ؛ او زمان، خالقلر بردن بره الغا
ایدله مشدی . کورجستان شاهانی چوق زمان نام و عنوانیه باقی
قالمشدی . یالکز نه اولیوردی ؛ روسیه علیهداری برخان قالدیریلوب
یرینه روس طرفداری صادق بریسی نصب اولونیوردی . تشکیلات
محلیه ال دیکلمه یور ، یالکز شهرلرده روس عسکری قانیزونی
صاقلانیوردی ؛ محاکم و دیوان بیله اسکیمی کبی اداره
اولونیوردی . خالقلرک تشکیلات اداریسی ایله بونلره مخصوص
شونالک کاملاً الغایی، استیلا سنلرینک ابدالرینه عاڈ بر مسئله دکل ،
تدریجاً واقع اولمش بر کیفیت در .

چار زماننده قفقاسیایه صلاحیت واسعه یه مالک ، والی عمومی
تعیین اولونیوردی . شیمدیکی سوویت حکومتی ایسه قومونست
فرقه سنک ولایت مرکز قومیته سنی کوندریورکه ، قفقاسیا جمهوریتلری
تمامیه بو مرکزده تابعدرلر . اوزمان ، زادکن صنفنه استناد ایدن
روسیه ایمپریالیزمی قفقاسیایه کبی خان ، ملک (ارمنی زادکنی) و قناز
(کورجوزادکنی) لردن کندیسنه منقاد اولانلری قولانیور او واسطه

ایله تأسیس حاکمیت ایدیوردی. سرکشک ایدنر ایسه یا محو و یا خود روسیه نفی اولنیوردی. شیمدی ده اوپله: عمله و کویلو صغنه استناد ایدن بولشه و یات دقتا نوراسی، یرلی اهلینک ایاق طاقارینه استنادله، کندی حاکمیتی تأسیس و بوصف انخریسندن بیله، کندیه تابع اولیانلری محو و یا نفی ایدیور. نتیجه ده، شیمدیکی جمهوریتلرک الغاسی، اوزمانکی خانقلرک انحاللندن دها چابوق بر صورتده اجرا ایدیور.

چارلغک مفکوردهسی، زادکان صنفی محیطنده انکشاف ایدن «شووینیزم» ایدی. له نین لکنک ایدله آلی ایسه عمله «قوسمو بولیتیزمی» نام بر مسلکدر. برنجیسی، روسدن اولمایان ملتلری روسلاشدر مق صورتیله، بوتون روسیه نی حرثاً یکو وجود بر حاله قویتمق ایسته یوردی. ایکنجیسی ده، حرث ملیسی دها قوتلی اولمایان ضعیف ملتلرده، ملیت فکرنی تولد بر مک صورتیله، بوتون روسیه نی غیر ملی بر حاله قویتمق (ده ناسیونالیزه ایتمک) ایسته یورکه، نتیجه فعلیه سی اعتباریله، ینه اودیملکدر.

اختلالر، هر نه قدر عالمشومول بر ماهیتده اولسه لرده، نتیجه ده، کندیسینی اعلان ایتمش مملکتک حیات اجتماعی و تشکلات سیاسی سنی، تاریخنک اقتضاسی و اقتصاد قانونلرینک تحمل ایدله چکی بر چرچیوه داخندله، تبدیل ایتمکدن باشقه بر محصول و یرده مز؛ اولسه اولسه، حاکمیت، معین بر صنف و طبقه انحصارندن دها معاصر ودها مترقی بر عنصره کچر. دیمک ایسته یورز که، اجتماعی انقلابلر بر مملکتک سیاست خارجه سندن زیاده داخلی سیاستی اوزرینه اجرای تأثیر ایدر. فرانسه انقلابنک خارجه قارشی سیاستی بوربونلرک عنعنوی سیاستندن باشقه دکلدی. سوویتلرک سیاستی ده چارلر روسیه سنک سیاستندن باشقه برشی دکلدر. دایما تورک دشمنی اولان روسیه نک تورکیه دوست چیقماسی ایسه



آذربایجان اوردوسی انطباعاتی : تلہر تلغرافہ ماکتہ سی باشندہ

تاریخده منی یوق بزحارمه اتق بیه دنددر. محمدعلی پاشا عصیانده سلطان محمودد ممانت کوسترن روسیه. جر روسیه منی دگی ایدی؛ بولشه ویکلر انکلهردی هندستانک تسخیری ایله تهیدید ایدورلر؛ فقط بو تهیدید ددی پترونک مشهور وصیتنامه سنده دخی مذکور دگیلدر؛...

اودت، محمدعلی پاشا وقعه منی بوگونکی حادثه تاریخک برر جلوؤ استثنایه منی تسکیل ایدرلر. بوندر بررته بروددر. دائم اولان برشی وارسه، اوده، جنوبه دوغرو آقان روسیه آقین ایله بو آقینه معروض قالان تورکاکلدر.

روس دانکی دینه کیرسه، کیرسین، ینه روسدر. قاراده اولسه، قیزلده اولسه روس ایمپریالیزمی ایمپریالیزمدر. روسیه ده تبدل ایدجک شی، اونک اصول ایدر سیدر؛ استحصال واسطهلا کنددی کی اصوللردر. یوقسه، روسیه جغرافیایی دگیشمهدی.



قیزل ایمپریالیزم بیوک روسیه اختلالنک دوغوردیغی برسیتمدر. بو اختلال، عصرک موده منی حکمنده اولان سوسیالیزم شعارلری ایله احتکار یایارق، قومونیزم بایراغی آلتنده جرین ایتدی. دنیا مبدعش بر خاق حرکتنک فورانی قارشیسنده بولندی. بودهشتلی حرکت معشریه، شبهه سزکه، زمانمزلک اش شایان تدقیق بر حادثه سیدر. فقط بو حادثه ده کیجیجی نکته لره، باقی قالاجق حقیقتلر وار. تدقیق ایدرکن بونلری تفریق ایتمه مک قابل دکلدر. سوسیالیزم و قومونیزم مفهولری کی بیوک مفکوره لره اعلان تطبیق، همده اروپا دولتلری آراسنده انکریده قالمش بر مملکتده

شبهه‌سز که بو حرکتک کچی منزلرینی تشکیل ایدر . ناصل که بوکون بز قومونیزم فرقه‌سنگ اعلان ایله‌دیکی کندی پرنس-پیلرندن برر برر واز کچدیکنی . کورییورز . دورت ، بش سنه‌ک دهشتلی مثلر و امثالسر تدیشلر نتیجه‌سند باق‌قالان قازانچ ایسه، دده‌موقراتیک — سوسیالیستلرک تعیرنجه بورژووا — بر اصول اداره‌نک بناسنی تأمین ایدن جهتلردر . بوجهتلر میاننده‌ک مهم اولانی روسیه ایمپراطورلغنا اس‌الاساسنی تشکیل ایدن ایلزادکن صنفک محاسیدر .

روسیه سوک یاریم‌عصرده‌کی اقتصادی انکشافاتی ایله آرتق قرون وسطائی بر استحصال مملکتی اولمقدن اوزاقلاشمشدی . حالبوکه، تشکیلات سیاسی‌سی اعتباریله، بو مملکت حالا فیه‌ئودال بر ذهنیت ایله اداره اولونیوردی . بوراده حکومت تامیله ایلزادکان صنفی ائلد، دولتک امور مالکیه‌سی ایله تشکیلات عسکریه‌سی چار طرفدن تنوچ اولنان بوممتاز طبقه‌نک انحصارنده ایدی . «دبووریا نستوو» دیلن زادکان صنفی، کندیسنه مخصوص تشکیلاتی ایله امتیازات حقوقیه و سیاسییه مالک ممتاز بر طبقه ایدی . بو طبقه ، حقوق سیاسییه جه ، بو قدر ذی اقتدار ایکن، اقتصاداً چورومکه باشلامش ، چوق زماندن بری موقعنی یکی شکل ایدن بوژووا صنفه ترک ایله‌مشدی .

روسیه اختلال کیری ، بوحادثه‌نی تدقیق ایدنلرجه ، مملکتک اقتصاداتی ایله سیاسیاتی آراسنده‌کی بو عظیم تضادک تصادمندن باشقه برشی دکدر . اختلال ، ایلزادکان صنفی تامیله احما ایتدی . بوذر آرتق ممتاز بر طبقه حقنی حائز دکدرلر . ایلزادکان طبقه‌سی یا لکیز سیاست دکل ، اقتصاداًده محو ایدلمسدر . سوک مالکانلرله چفتاکلر کوییلر

آزاسنده تسيمازلونمش، بر « قارتال يوواي » تسكيل ايدن كئنانلر
خاك ايله يكسان ايدلشدز .

شيمديكى روسيه، بيوك شهرلرد مالك اولمقده برابر، كئيش اراضيسي
۱۳۰۰ مليونه بالغ نفوسى [۱] ايله دنيا نك بو يوك چغنجي مملكتيدر.
بو مملكتده اولجه اوچ ميلیونه قریب بر عمله صنفى موجود ايكن،
شيمدى - انقلاب سنه لر ينك تجرى بكار تاثيرى ايله - بو عدد بر ميلیون دن
دها آز بررقله كوستريليور. اكثریت عظيمه سى كويلودن تشكيل ايدن
بو مملكت، اصيلزادكان مالكانه لر يى يغما و طور اقلر يى غصب ايتك
ايچون، بر آن تاريخى ايچنده، قومونست اوليور مئشدى. فقط شيمدى بر
كوچولك مالک صاحبندن عبارت اولان بو كويلى دريايى « آج و بجر يكسز »
شهرلر خا كئيتندن عبارت اولان قومونست عمله حكومتى چكده مكه
باشلايور . قومونست تجرى به لرى نتيجه سنده املار ينك بهوده اولديغى
كورن عمله قسمى دخى « كئدى » حكومته قارشى لاقيد، حتى معارض بر
روح پيدا ايديليور. ارتده ديكى بر « اختلال بورژووازيسى » دوغور كده،
اسكيسنه نسبتله، پان اخلاقسز وطمعكار اولمقده برابر، كئديسى ايله
احتكار شريكلىكى يان قومونست مأمورلر يى فنا حالده سوء اخلاقه
سوق ايديليور .

بوتون بو مخالف عنصرلر ايچرىسنده، استنادكاه اجتماعيسى غائب
ايدن قومونيزم ديقتاتوراسى، سولك كونلر يى ياتامق ارزره بولنيور .
او، بوتون همتى بو يوك صنايع و خارجى تجارتنى كئدى ائنده صاقر مقله،
كويلو درياسندن كلن طانغه لرد قارشى برسد چكمت خايسايلاه، ادامه
حيات ايتك ايسته يورسه ده، بوكا قطعياً موفق اولاميور ؛ چونكه

[۱] اختلالدن سوكره كى روسيه فده راسيونى قصد اولونيور .

یوزده ۱۴ قدر تنزل ایدن روسیه صنایعی ایجریسندده الك چوق امیدسز بولنای بیوک صنایعه ، خارجی تجارتدر .

روسیه اقتصادیاتی ، هر نوع تصورک فوقنده ، برباد بر حالده در . بویه بر حالده ، عناصر طبیعییه مخالف بر روح و اداریه مالک بولنان قومونیزم « ره ژیمی » سقوط ایتمک مجبوریتنده در . بوسقوط ، یالکز بوکونکی حاکم قوتک باشقه بر قوته تبدلی ایله قائلیه جق .

ودلیکوروس مرکزی ، صنایع نقطه نظرندن ، مستحصل بر مرکز ایکن ، قومونیزم مانورده سی ایله ، تکرار کندیسنه باغیه . بیلدیکی قافقاسیا وتورکستان کبی مملکتدر ، مواد ابتدائیه حسیله ، مستحصلدر لر . محاربه دن اولکی روسیه ولایتلردن آلدینی محصولات مقابنده معمولات ویرمکه موازنه یاپیور ، بو صورتله مرکز ایله ولایتلر آراسنده کی اقتصادی رابطه تأمین اولونیو . ردی . حالبوکه بوکون او یله دکلدر . حرب عمومی ایله اختلال کبیر نتیجه سنده روسیه ثروت ملیه سی ۱۱ میلیارد آتون روبله دن ، ۴ میلیارد روبله یه اینشدر . بوسقوط بالخاصه صنایعه عائددر . صنایع اعتباریه روسیه معمولات ملیسی ۵۰ دفعه آزالش ایکن ، محصولات زراعیه سی ایکی دفعه آزا . لشدر . زراعت اعتباریه ولیکوروس مرکزی اولندن ده مستحصل اولمقدن زیاده مستهلک ایدی . فقط بو خصوصده کی آچیغی او ، معمولات صنایعه سی ایله قاپیوردی . فقط شمدی بو مرکز هر برجهتجه مستهلک بروضعیه کچمشدر . قافقاسیا ایله تورکستان مواد ابتدائیه سنه مقابل روسیه نک ویره جک بر شئی یوقدر ودها چوق زمان اولیا جقدر . باکونک پترولنه مقابل روسیه اسکیدن شکر ، منافی طورده وسائر امتعه ادخال ایدیوردی ؛ حالبوکه بوکون مقصداری ارقام فلکیه ایله صاییلان

« سوویت » قائمہ سنی دہ ویرہ میوزر . بویلا اولنجه، طبعی درگه، مستحصل
ولایتلرله مستہک مرکز آراسنده کی مناسبت متقابل منافع اقتصادیہ
اوزرینہ مستند طبیعی بررابطہ ایله دکن، قیزل اوردونک سونکولری
سایہ سنده صنعی باغلرله قائمدر .

موسقوادہ سوویت جمهوریتلرینک فوہدراسیوتی تشکیل ایدن
قولغرمات انعقادی بزم بو ادغامزی قطعياً جرح ایده مز . چونکہ بو
قولغردہ ولایتلرک آرزو سیلہ دکن، مرکزک امری ایله انعقاد ایله مشدر .
ولایتلرک آرزوی حقیقیسنہ، آرزوق ترجمان اولانلر ایسہ بوقولغرماتک
انعقادی ائناسنده وقسماً حالا ، محاسلر دہ چورییور و مملکتلر ندن
اوزاقلاشدیریلہرق روسیہنک التصوئوق بو جاقلرینہ نفی اولونیورلر .
فقط کندی حاکمیتی قورتارمق ایچون بو کونہ قدر قوللانیدینی
واسطہلردن دھا قوتلی اولاجنی بللی اولمایان بو واسطہ ایله قومونیزم
فرقه سی کندبسی قورتاریرظن ایله سین . قومونیزم سقوطہ محکومدر .
قومونیزم سقوطہ محکوم اولدینی کی صنعی واسطہلرله مرکزیت اداره
وجودہ کتیرمک ایستہن موسقوا سیستہ می دہ محکوم زوالدر . مدہش
برتررورایست اولان بو فرقه ایچون مصلحانہ بر صورتدہ معتدل بر
حکومت عصریہ شکنہ کیرمک، روحیات نقطۂ نظر ندن، غیرممکندر .
عصیان و قانہ سرکارہ کان برقوت، عصیان و قانہ دہ کیدہ جان . بو کون بو
عصیانی پایان منتظم برقوت یوقسہ دہ، یارین اوقوت، قومونیزمک کندی
وجودہ کتیردیکی تشکیلات حجیرہ سندن اولسہ دہ ، دوغیورہ جکدر .
قومونیزم ایمپریالیزمک دورلہ سی ایله کندینہ جبراً باغلانان من

تشکلات سیاسیه ایچون دخی یقینی قورتارمق فرصتی تکرار کلمش
اولاجقدر . بو ، بالخاصه قافقاسیا ایچون وارددر . قافقاسیا بوندن
یوزسنه اولکی وضعیتده دکلدر . یوزسنه اول انکشاف ایدن روسیهیه
قارشی منکشف برآوروپا اقتصادیان ایلهمبارز برشرق مالیت پرورلکی
یوق ایدی . بوکون اوده ، بوده موجوددر .



استقلال مفکوردهسی



آذربایجان مجلس مبعوثانک ایلك جلسه سنی آچان ناطق ، مجلسی
ترین ایدن بایراغه خطاباً « برکده یوکسه ان بایراق بردها اینمز ! »
دیمشدی .

بایراق اکر یالکیز مختلف رنگلی قاشردن عبارتسه ، آذربایجان
استقلال بایراغی اینمز ؛ پارلمان جاده سنده کی مجلس مبعوثان بناسنک
اوستنده ماوی ، آل ویشیل رنگلی وهلال ستاره لی برقوماش یوقدر .
یوق ، اکر مادتا علی العاده برقوماشدن باشقه برشی اولیان بایراقر معناً
برملتک حریت واستقلالنی ترمیز ایدن برتمثال ایسه ، اوحالده ، حال
حاضرده باکو ، بنالرینک اوستنده ، چکیجه اوراق علامتی کوسترن
قیرمزی قاش روسیه اسارتی اورتمکدن باشقه برشی دکادر .

اودت ، بو کتاب قابنده ، سیاه چرچیوه ایچریسند ، کوزوکن
آذربایجان بایراغی ، آذربایجان حریت واستقلالنک بومقدس تمثالی ،
بوکون باکونک ، کنجهنک وسائر آذربایجان بلادنک اوستدن اینمز ؛
فقط نردیه ...

عشق استقلال ایله یانان وحسرت حریتله صزلاین آذری کنجلکنک
یورکی یازاسه ، بو بایراغت اوراده منقوش اولدینی کورولور .

اوت، هیچ بر زمان آذربایجان خاکی بوقدر حزین بر حسرت دویمامشدی. هانکی کویلوئی، هانکی عملهیی، هانکی منور ویاصنافی دیکلهسه کز، « آذربایجان » دن یانا یاقیله بحث ایدر. آذربایجان دور استقلالنه، بولشه ویکلر، مساوات دوری دیرلر؛ فقط خلق، بودوره آذربایجان دوری دیر. او، شمدیکی « رهژیمی »، آذربایجان دییه، قبول ایدمیور. خلقت دوشونجه سنده، آذربایجان مفهومی، جغرافی بر معادن زیاده، فکر وامل شکلنده تجسم ایدیور. استقلال خارچنده، اونک ایچون، بر آذربایجان یوقدر.

بولشه ویکلر طرفدن صیقی برسانسور آلتنده نشر اولنان مطبوعاتدن خلقت حسیاتی تدقیق و تعقیباتمک قابل دکلدر. بالخاصه که، بو مطبوعات عالم مدینتک بیلدیکی مطبوعات کیی دکلدر. حاکم فرقه نك قونترولی خارچنده بر غزنتا چیقما دیغندن، خلقت دویغوسنی بولشه ویکلکده چیقان غزنته لره اولچمک اولمز. مع مافیه، آرا صیرا چیقان و برایکی نسخه نشر ایدلا کدن سو کورد تکرار قاپانان مجموعه لرده کورولان برطاق ادبی پارچه لرک روحی تحایل اولنورسه، شاعرک نه کی غیر ممنون، حسرت زده و منتظر بر محیطدن ملهم اولدیغنی کورورسکیز. بوراده وضعیتدن ممنون، انقلابیه مفتخر بر قومونیزم الهامنه تصادف ایدمزسکیز. چونکه آذربایجان قومونیزمی یوقدر. بوراده کی قومونیزم استیلا کار بر قوت در. او، قطعاً خالق بر قوت اولامز. او، یالکیز اوچورور، ییقار، اعدام ایدر. ذهنیتی، تربیه سی و انکشاف اجتماعیه سی اعتباریه، ملی وده قومرات بر انقلاب ایچون حاضر بولنان بو محیطه ملیت منگری، ده قومراسی مخربی بر قوتک تسلطی، بالطبع، نیک بین بر روح انکشاف ویردمز!

قومونیزم نه یاپارسه یاسین ؛ روسیه امپریالیزمی هانکی رنکه
 کیرسه کیرسین، میدنده بر حقیقت وار: ملتار کندیلرینی طایمیدر.
 آذربایجان تورک اولدیغنی ادراک ایلدیش . سنه لردن بری آقان قانلری
 بن، بر قتلدن زیاده ، وضع حمده آقان قانلرد بکزه تمک ایستهرم .
 ذاتاً ، دنیا انقلابات و محاربه لرند آقان قانلر دایماً یکی مفکوره لرد
 تولیدینه سبب اولمش دگیلدر ؛ بوتون آلام واضطرابنه تحمل
 ایتدیگمز بوخایع ایجریسنده بیوک بر فکر طوغمشدر: فکر استقلال؛
 مستقل آذربایجان ، بوکون ماده روسیه قیوداتی ایله درزنخیر
 اولسه ده ، معنا موجوددر . آذربایجان استقلالی بر فکر اولاردق
 واقعدر . بولشه ویکلرد قافقاسیاده رأی عامه مراجعت تکلیف ایدلسه ،
 قطعاً رانگی اولمازلر . چونکه بوتون خلقت همان استقلال اداره لهنه
 رأی ویردخکلرینی سیلرلر .

آذربایجان بوقدر فلاکتلر نتیجه سنده آلد ایتدیکی بر قازانج
 وارسه ، اوده بو استقلال فکرینک رسوخیدر .

شیمدی استقلال و حاکمیت ملیه سوداسیله یاشایان بر آذربایجان
 کنجلیکی واردر که (چه کا) نک امانسز اعدام لرینه رغماً ، کیجه ،
 کوندوز چالیشیور، ایلك فرصت وامکانی بکه یوب دوریور . بوفرصت
 کانجه ، او، میدانه چیقاجق واوزمان یانیق کوکانده آتشین چیز کی لراه
 معنا مقوش بولان بایراغی ماده یوکسلته رک دییه جک که:

— اودت ، بر کرد یوکسلن بایراق بردها اینمز!

* * *

اودت ، بویوک فاجعه لر، عظیم صارصیتیلر ، معشری حرکتلر

عصر نده یاشایان آذری کنجلیکی ایچون، مستقل یاشامق، میثاق ملی در . « میثاق ملی » نك نه کبی معجز دلر یاراتدیغنی او ، شرق ملیت پرورلکنک علمداری ، بیوک قاردهشی تورکیه نك کوس-تردیکی خارقه دن اوکره نمشدر .

حرب عمومی ایله باشلایان حادثات عالم، داهان نتیجه یه وارمامشدر . بونتیجه، ماترک حق حاکمیتلرینی تأمین ایتک صورتیه حاصل اولاجقدر . بایراغنده کی رنکلرک مدلولی وجهله ، [۱] معاصر بر تورک واسلام موجودیت سیاسیسه سنه تکرار قاووشمق امیدیه ، بو موعود نتیجه یه چارچشمه انتظار ایدن ملیت پرور آذربایجان، حال حاضرده، بالطبع، پک فحیح بر دور کچیریور . بیوک حرمانلر وچکیلمز تضییقلر ایجریسنده گذران ایدن بودورده ، تورکیه نك استیلا کار روسیه ایله مؤتلف بولونمق ضرورتنده قالدینی مدتجه ، آذربایجان ، پک آخی بر نصیبه تحمل ایده چکنی حس و تقدیر ایلر ؛ فقط اشبو ضرورت تاریخیه متوکلانه قاتالیرکن پک چوق آرزو ایدرکه : « میثاق ملی » سی ایله ، یالکیز کندی نك دکل ، بوتون شرقیلرک « حقوق بشریه » سنی اعلان ایدن یکی تورکیه ، معاصر روسیه ایمپریالیزمنی قیزل سوزلری ایله دکل ، قارا ایشلری ایله تقدیر ایله سین !

صوک

[۱] آذربایجان بایراغنده کی ماوی رنک - تورکلکی ، یشیل رنک - مسلمانلی ، آل رنکده ، تجدد و انقلاب رمزنی اولمق حسسیله ، عصریلکی ترمیز ایدرکه ، محترم ضیا کوک آلپ بکک « تورک ملتندم ، اسلام امتندم ، غرب مدنیتمدیم » دستورینی افاده ایتمش اولور .

آذربایجان قربانلرندن برلیسته

کتاب بزرگ متنبه اسمی ذکر اولون شهیدای استقلالدن ماعدا بولشه و بیکار طرفندن قورشونجه دیزبان آذربایجان قربانلرینک ایسته سنی تمینه اعلان ایدمک اولورسه ق ، بوخصوصده مستقل بر رساله نشر ایتمک ضرورتنده بولوروز . معماخیه ، بو اعداملرک نه کچی بر مقصد و هدفه توجیه ایدلایکینه بر تونه اولقی اوزره . مدافعه استقلال یولنده فدای جان ایدنلرک اسامیسنی قسماً احتوا ایدن بر لیسته یی بورایه درج ایدیوروز :

اوردو أمرا و ضابطانندن :

- | | | | |
|----|------------------------------|----|-----------------------------------|
| ۱ | میرلوا یوسفوف ابراهیم آغا . | ۱۳ | فدلی یوزباشی خداویردینف |
| ۲ | « قایط باشی حمید بک . | | خودش . |
| ۳ | « سلیموف حبیب بک . | ۱۴ | یوزباشی قونسطانتینوویچ (له) |
| ۴ | « دلخاس مراد کرای . | ۱۵ | « احمدزاده یعقوب بک . |
| ۵ | « شاهزاده کاظم میرزا قاجار . | ۱۶ | « قائمقام علینزاده تقی بک . |
| ۶ | « سولکویچ سلیمان بک . | ۱۷ | « ملازم ثانی طالشخانلی الیاس بک . |
| ۷ | « میرآلای قالاچف . | ۱۸ | « ملازم اول فتاحوف ابراهیم بک . |
| ۸ | « سلیمانف . | ۱۹ | « آخوند زاده جعفر بک . |
| ۹ | « خازن . | ۲۰ | « آقالاروف فرهاد بک . |
| ۱۰ | « جلایف . | ۲۱ | « میری زاده حسین بک . |
| ۱۱ | « قودهن (روس) | ۲۲ | « مهدی زاده ... |
| ۱۲ | « ماقایف (کورجو) | ۲۳ | « شاهزاده صدرالدین میرزا . |

مجلس مبعوثان اعضاسندن :

- | | |
|----|--|
| ۲۴ | رضایف ابوزر بک (مهندس) |
| ۲۵ | « شیخ زمانلی محمد باقر بک . |
| ۲۶ | « آخوند زاده مرتضی بک . |
| ۲۷ | « اخیجانوف مصیب بک (حقوقدن مأذون) |
| ۲۸ | « زیادخانلی اسماعیل خان (سابق دوما مبعوثلرندن) |

محررین ، علما و معلمیندن :

- | | |
|----|---|
| ۲۹ | « کوچرلی فریدون بک . مرحوم کوچرلی آذربایجان ادیبات تاریخنی تدقیقه یکنه مشغول بولان قیمتدار بر محرر ، معلم و عالم ایدی . |
|----|---|

۳۰) پروفیسور (زیمین) باکو دارالفنونی تاریخ و ادبیات شعبہ سی
مدیری بولنان بو ذات مشہور مستشرقلردن ایدی . آذربایجان دارالفنونندہ
شرق تاریخنی و عرب لسان و ادبیاتی کورسیسی اشغال ایدیوردی . عینی
زمانندہ دخی شرق تدقیق جمعیتک رئیس ایدی .

۳۱) مرسل زادہ پیری بک . « آذربایجان » غزتہ سی محررلردن .
۳۲) قبول زادہ اسلام بک . زاقاتالندہ خدمات مایت پرورانہ سی ایلہ
متایز دکرتی معلملردن .

۳۳) میرزا عباس . پداغوژی ساحہ سندہ قیمتدار امکری ایلہ معروف
معلملردن .

۳۴) معلملردن موسی بکوف .

۳۵) معلملردن موسی بکوف معصومہ خانم .

۳۶) تجارت مکتب عالیسی طلبہ لردن قاسم زادہ . قاسم بک .

مأمورین ملکیتہ وسائر صنوف اہالیدن :

۳۷) کنجہ . والیسی رفیع بکوف خداداد بک . (دو قوتور - جراح) .

۳۷) باکو والیسی ہودییف ،

۳۹) باکو پولیس مدیری میرزا زادہ رستم بک .

۴۰) کنجہ عسائی مبارزلردن قاجاق فہر .

۴۱) نوخا بلدیہ سی رئیس آذاق بک .

۴۲) آغداشلی محرم افندی .

۴۳) جمال چاووش . بولشہویک عالمندہ جمال پاشا نامیلہ معروف
بولنان بو ذات اختلالک عقبنندہ حبس ایدلمشدی . حبسدن آزاد ایدلکدن
صوکرہ انکران قضا سنہ قاجش و اورادہ اہالی نیک باشنہ کچہرک بولشہویکیرہ
قارشی آلرلہ مقاومت ایلہ مشدر . یوسف جمال بک مرحوم ، عن اصل ، شرق
آناطولی اہالی سندن اولوب بوتون موجودیتیلہ آذربایجان استقلال و حاکمیتہ
ربط قلب و بزل موجود ایتش برفدائی ایدی . خطرہ احترامی آذریلرک قلبندہ
مدفوندر .

۴۴) مظروف حسین - وولغا بوی تو زکرتدن ، باکو تورک عملہ
براکنک کاتبی .

۴۵) ظریف افندی . وولغا بوی تو زکرتدن .

۴۶) رستم بکلی مصطفی بک - آغداش اعیانندن .

فهرست

صفحه

۴ - ۳	بر مطالعه
۹ - ۵	مقدمه
۱۴ - ۱۱	I — آذربایجان خلقی
۳۴ - ۱۵	II — ادبی و ملی ابتباه
۵۲ - ۳۵	III — حرب عمومی و اختلال کبیر
۶۷ - ۵۳	IV — قاردهش تورکهنک امدادی
۷۱ - ۶۸	V — موندروس متارکه سنک قافقاسیاده کی نتایجی
۹۸ - ۷۲	VI — مجلس مبعوثان و اجرا آتی
۱۰۷ - ۹۹	VII — حادثات مهمه عرفه سنده
۱۳۲ - ۱۰۸	VII — بولشهویک استیلاسی
۱۴۶ - ۱۳۳	IX — شیمدیکی وضعیت
۱۵۹ - ۱۴۷	X — قیزل ایمپریالیزم
۱۶۳ - ۱۶۰	XI — استقلال مفکوره سی
۱۶۵ - ۱۶۴	آذربایجان قربانلرندن برلیسته

۱۷ رسم و بر خریطه یی احتوا ایدر

تصحیح :


۷۸ نجی صحیفه ده ، ۴ نجی سطرده یازلمش : نیسان ، او قونه جق - ۵ نیسان ،
 ۸۰ نجی صحیفه ده ۹ نجی سطرده یازلمش : قطعات آذربایجانلی دکل ؛ او قونه جق -
 قطعات ایچون ، دکل آذربایجانلی ،




نخريته رسامی فؤاد

آذربایجان مساحت سطحی سی، بلجیقانک اوج مثلثی، ۹۲،۱۶ بیک مربع کیلومتر و (۸۵،۳۴۸،۹ مربع ویرست) مقیاسده اولوب اوج بچق میلونه قریب برنقوسی احتوا ایدر. — ۱۶۷ —







3 1761 03618 5718

DK
511
A98R4